

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

40 pes

Namba 942

Wik i stat long Fonde Julai 23, 1992.

40 toea

Taim bilong ol ripot nau

Ombudsmen givim 14 de long ol pati na kendidet

CLEMENT MIRIA i raitim

OMBUDSMEN Komisen i givim olgeta politikel pati na ol indipenden kendidet taim i go inap long pinis bilong dispela mun long givim ol ripot bilong mani em ol i bin yusim long 1992 ileksen kempen.

Lo bilong givim na kisim mani bilong wok kempen long 1987 i tok olsem olgeta politikel pati na wan wan kendidet i mas givim ol ripot bilong ol 14 de bihain long ol i tokaut long ol wina.

No gat senis i kamap yet long dispela lo long bipo yet i kam inap nau. Na Ombudsmen Komisen i tok dispela lo i stap yet.

Bos bilong Ombudsmen Komisen, Charles Maino i askim olgeta politikel pati na ol indipenden kendidet long bihainim ol dispela 14 de taim.

Ripot bilong Ombudsmen Komisen long 1987 i tok olsem Pangu Pati, Nesenel Pati na Yunaited Pati i no givim ol ripot bilong ol long taim olsem ol i makim long en.

Na no gat man i save sapos ol i bin givim dispela ol ripot pinis pastaim long ol i kempen long dispela ileksen o no gat. Na Ombudsmen Komisen tu i no inap tokaut long dispela.

Ol pati husat i bin givim ripot bilong ol bihain long 1987 ileksen em Pipels Progres Pati (PPP), Pipels Eksen Pati (PAP), Papua Pati, Melanesien Alaiens Pati, Pipels Demokratik Muvmen (PDM) na Lig bilong Nesenel edvensmen (LNA).

Tupela pati bilong 1987 ileksen i no bin stap long dispela ileksen. Dispela tupela pati em Papua Pati na Yunaited Pati.

Orait tupela nupela pati bilong dispela ileksen em Librel Pati na Blak Eksen Pati.

Dispela ol pati husat i no stap long ileksen bilong dispela yia i no inap kisim toktok tumas. Bikos Maino i tok i gat lo na ol arapela ripot ol i autim pinis.

Em i tok dispela em i wok bilong wan wan pati na kendidet long wokim ol ripot bilong ol na givim long Komisen. Na em i tok olgeta pati lida i gat hap pepa bilong ol dispela lo. Sapos ol i no givim ripot long taim olsem Komisen i laikim long en, Komisen bai suvim ol nau long givim ol dispela mani ripot.

Tasol em i tok, Papua Niugini i no gat wanpela bikpela lo we i tok strong olsem ol kendidet na ol politikel pati i mas givim ol dispela ripot. Tasol i gat liklik hap bilong dispela i stap long mama lo.



Wingti bungim ol pipel □ Bihain tasol long ol memba i makim

Paias Wingti i kamap praim minista, em i bin kam sanap ausait long palamen na tok-tok long ol pipel husat i bin wet long lukim husat tru bai kisim dispela wok. Ol lain sapota na narapela memba i sanap wantaim Wingti na wetim Utula Samana i toktok.

Poto Robert Keith-Reid.

INSAIT

• Gavman i brukim stret rekot...p12

• Wingti gro yet...p4

• Pipel laik pasim Is na Wes Sepik ileksen...p5

• Goroka So i wok long redi...p18

• Kot ripot long olgeta hap...p2

• Morobe gavman pasim siti atoriti...p19

RAGBI

LIG NIUS

• Taim bilong ol rijon traim bun

HINO. BOS BILONG OL HAIWE.

Hino

Ela Motors

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

EM 4190

Praivet kontrakta kisim oda bilong baim K10,000

FELIX RAMRAM i raitim

GRET 5 kot long Vanimo i bin odaim wanpela praivet kontrakta long baim ol 6-pela wokman bilong em inap long K8,989.08 long Sarere, 18 Julai, 1992.

Narapela man i no bin kamap long kot. Olsem na kot bilong em bai kamap bihain.

Dispela ol 6-pela man i bin kotim Charles Mason long em i no baim ol gut. Tasol Mason i tokim kot olsem ol

dispela man i save wok long laik bilong ol yet. Em i no kisim ol long wok.

Tasol kot i painimaut olsem Mason i bin autim tupela kain stori long ol toktok bilong em.

Long namba wan kot long 16 Julai, Mason i tok em i bin aplai na winim wanpela kontrak bilong Vanimo Fores Prodaks long wok olsem wanpela papa graun. Bihain em i kisim tok orait bilong narapela liklik kampani, Yemkumu Pty Limited, long yusim mani na ol ka bilong wok.

Tasol long 17 Julai, Mason i senisim stori na tokim kot olsem em i wanpela wokman nating. Em i holim wok olsem menesa na dispela kontrak i bilong Yemkumu Pty Limited.

Bihain kot i skelim ol stori na painimaut olsem ol dispela 6-pela man i bin wok aninit long kontrak bilong em yet olsem Charles Mason. Na i no aninit long Yemkumu Pty Limited bihainim wanpela ripot em kot i kisim long Peter Meresi.

Kot i painim olsem Mason i rong na i tokim em long baim

ol dispela 6-pela man insait long 6-pela mun, stat long 18 Julai, 1992. Na dispela mani i mas go long Vanimo haus kot bilong ol long go kisim.

Orait long las wik, kot i bin rausim kot bilong tripela man husat em plis i bin sasim long stilim K700 bilong Tawa yut grup. Dispela ol tripela man em Willie Morris, Jack Timon na Peter Aibung.

Kot i tok ol plisman i no bin mekim gutpela wok painimaut pastaim long sasim dispela tripela man. Na ol i kisim bek K100 beil mani bilong ol.

Memba laikim wok painimaut kamap long ol pipel

WANPELA provinsal memba long Is Sepik, Damien Sarawabe i laikim Ombudsmen Komisen na ol arapela lo bodi long sekap long rot em ol pipel i yusim ol developmen mani long kantri.

Em i sutim dispela toktok long mani bilong Iektorel Developmen Fan na ol provinsal developmen fan mani.

Sarawabe i bin holim wok olsem provinsal Fainens na Plening minista inap long taim Nesenel Eksekutyutiv Kaunsil i rausim wok bilong provinsal gavman. Em i tok long olgeta taim, ol nius ripot i save sutim tok long ol memba na minista olsem ol i no save yusim gut dispela mani.

"Tasol olsem wanem long ol pipel yet husat i kisim ol dispela mani," Sarawabe i askim.

Em i tok i gutpela olsem ol lo bodi wantaim ol memba na ol pipel i mas sekap long ol lain husat i bin kisim dispela ol mani. Na lukim sapos ol dispela lain husat i aplai long kisim ol dispela mani i yusim stret long wanem projek ol i laik mekim long en o nogat.

Sapos nogat, orait dispela ol lain i mas sanap long ai bilong kot.

Memba i tok planti lain i save yusim nem bilong ol bisnis grup, ol lotu na ol famili o wanpisin long aplai long kisim mani long ol provinsal na nesenel memba.

Tasol samting tru, dispela mani i bilong ol yet long yusim. Ol i no save tromoi dispela mani long wanem projek em ol i bin askim long en taim ol i aplai.

Ol junia Red Cross go long Japan



• Long Iephan i go long rait em, Melissa Maku, Gerard Utuluradi, Francis Pepeu na Mea Val. Utuluradi na Val em ol sampela sinla memba bilong Red Cross. Foto: Ivan Bayagau

IVAN BAYAGAU i raitim

TUPELA memba bilong Junia Red Cross yut grup bai go long Japan.

Papua Niugini Red Cross i bin makim Melissa Maku na Francis Pepeu long go long Japan bihain long ol i lukim ol kain wok tupela save mekim. Maku i gat 15 krismas-

na em i wanpela studen long Rabaul haikul. Na Pepeu i save skul long Papitalai haikul long Manus provins na em i gat 17 krismas.

Taim ol i stap long Japan, ol bai raun lukim ol Red Cross grup na ol wan wan samting ol i save mekim. Long dispela taim tu, ol bai toktok long ol samting Red Cross long PNG i save mekim. Maku na Pepeu bai stap long Japan inap long tripela wik.

Nesenel Kot kalabusim 7-pela man long kilim lapun meri

CLEMENT MIRIA i raitim

NESENEL Kot long Goroka i salim pinis 7-pela man i go long 6-pela yia kalabus bihain long ol kilim wanpela meri.

Ol dispela 7-pela man em Joe Kombinari, husat i gat 20 krismas bilong Bundi long Madang, Kevin Kombinari (24 krismas) bilong Bundi long Madang,

Gabriel Markus Tore (24 krismas) bilong Goroka, Petrus Bange (28 krismas), Bal Mek Kuria (24 krismas) na Robert Gewa (19 krismas) bilong Suave long Simbu provins na Dokta Nol (20 krismas) bilong Sinasina long Simbu provins.

Long Fraide, Julai 17, Nesenel Kot jas, Jastis

Kubulan Los i harim olsem long Novemba 24, long las yia, dispela ol 7-pela man i bin go long Lopi Strit long Wes Goroka na paitim wanpela lapun meri i go inap long em i dai.

Dispela lapun meri em Degene Komboi.

Kot i harim olsem ol dispela man i bin kilim Komboi long bekim indai bilong wanpela man Bundi. Bikos ol i bilip olsem dispela

lapun meri i bin wokim posin na kilim dispela man Bundi.

Kot ripot i tok wanpela bilong ol dispela man i bin brukim dua long haus bilong lapun meri na pulim em i kam ausait. Na ol i yusim han, ston na lek long paitim na kikim em nabaut.

Kot ripot i tok bihain long ol i paitim em, wanpela bilong ol apim em na tromoim em i go

insait long wara i hat i stap. Orait narapela gen i kisim hap paiawut i gat paia yet long en na suvim i go insait long maus bilong dispela lapun meri na em i dai.

PTC skruim sevis i go long Kerevat na Namatanai

MENESING Dairekta bilong Pos na Telekomunikesen (PTC), Isikel Taureka i bin tokaut long asde olsem PTC bai kirapim ol sevis bilong em nau long Kerevat long Is Nu Briten provins.

Taureka i tok PTC bai putim nau ol sevis bilong Salim Moni Kwik na Kwik Piksa Leta long Kerevat long Julai 27. Na long Namatanai, dispela bai kamap long Ogas 3.

Win bilong Wingti kamapim trabel long Hagen

TRABEL i bin kamap long Hagen long Fraide, Julai 17 taim ol pipel i harim olsem Paia Wingti i kamap nupela praim minista bilong Papua Niugini.

Long 'amamasim' dispela win, ol pipel long Hagen i bin traim long go insait long ol stua na stilim ol samting nabaut. Olsem na ol papa bilong ol stua i pret na pasim ol stua bilong ol. Na ol kastoma i bin no gat hap long baim ol samting bilong ol. Maket tu i bin pas long dispela taim.

Plis Komanda bilong Hailans rijon, Bunu Katusele i tok ol plis i bin redi long dispela taim na ol i

stapim ol pipel long mekim trabel. Pastaim long dispela, ol i bin tokim ol papa bilong ol stua long pasim ol stua bilong ol long stapim trabel long kamap.

Ol pipel i bin bel hat long ol plis taim ol i stapim ol long mekim trabel na ol i tromoi ston long ka bilong ol na bagarapim. Tasol no gat man i bin kisim bagarap long dispela taim.

Katusele i tok ol plisman i redi tasol long Sarere tasol no gat trabel i kamap. Na long dispela wik, bisnis i ran gut gen.

PLIS RIPOT



Mosbi: Plis long las wik i bin holim 5-pela yangpela man husat i bin holim pasim wanpela meri Simbu husat i gat 20 krismas. Plis ripot i soim olsem samting olsem 10-pela yangpela man i bin holim pasim meri ya taim em i wok-about namel long Yunivesiti na Morata na kisim em i go long Waigani tais na bagarapim em. Dispela 5-pela man plis i holim em Camilus Anton, 15 krismas bilong-ples Manhon, Wai Kuble bilong ples Mul, Mogia Inefume, 18 bilong Oromo villis olgeta bilong Simbu provins na Kato Omei, 16 bilong ples Sonofi bilong Kainantu na Andrew Wiwium, 13 bilong ples Nambaufa long Goroka, Isten Hailans provins. Dispela 5-pela man, nau i stap long han bilong plis na wetim kot bilong ol em bai kamap long bihain taim. Plis i askim ol-pipel husat i save long dispela trabel long givim ol sampela moa toktok.

Wabag: Ol plis man long Pogera na Wabeg i laikim olpela plis komisina, Paul Tohian long kamap plis minista. Plis ripot i soim olsem ol arapela plis man long arapela provins tu i laikim Tohian long kamap plis minista. Planti plis man i wok long tingting strong long Paul Tohian long kamap minista bilong ol. Ripot i soim olsem ol plis man husat i mekim wok bilong ol long Daru, Mendi, Mt Hagen, Wabeg na Pogera i bin tok aut long dispela wari bilong ol taim ol i tok-tok long ol yet yusim plis redio. Planti bilong ol i bilip olsem Tohian tasol em i wanpela memba husat i save long olgeta hevi bilong ol bikos em yet i save pinis taim em i mekim wok olsem komisina na em bai helpim long stretim sampela hevi bilong ol.

Mosbi: Ol ka husat i save mekim planti nois na i doti na ros nabaut bai i no inap ron moa long ol rot insait long Mosbi siti. Dispela i bihain tasol wanpela toktok namel long ekting plis minista, Albert Karo na plis komisina, Ila Geno. Tupela i bin tingting long stapim ol pipel husat i save yusim ol ka we i no orait tumas long ronim long rot. Na ol i tingting long holim ol man i save draiv nating wantaim no gat laisens na brukim lo bilong trefik. Karo i tok plis bai stapim ol ka, bas na ol arapela bikpela ka we i gat planti nois, no gat gutpela taia na brek, doti na glas i bruk, stia na lait i no wok gut. Ol draiva husat i no save draiv gut na putim hon nating bai kisim taim tu. Em i tok plis bai sasim tasol ol man na i no inap givim tok lukaut i go long ol.

Hagen: Plis i wok long mekim painim aut long wanpela traibel we ol man i bin bagarapim tripela meri bilong Is Sepik long Mt Hagen. Plis ripot i soim olsem samting olsem 20 man bilong ol ples klostu long Hagen taun i bin go long wanpela setelmen bihain long Luthren sios long Julai 17 namel long apas 11 na 12 klok nait. Na hensapim wanpela liklik meri husat i gat 12-pela krismas, wanpela lapun-meri na wanpela tri mun bebi. Ol i bin pretim dispela liklik meri na kandre meri bilong em long naip na kisim ol i go long ples na bagrapim tupela. Plis ripot i soim olsem ol lain wan pisin bilong dispela tupela meri i bin traim long stapim ol dispela lain tasol ol i winim ol na kisim dispela tupela meri wantaim liklik bebi i go. Ol lain wantok bilong dispela tripela lain i bin ripot long plis na plis i bin mekim painim aut. Tasol ol i no bin painim ol dispela lain. Ol dispela raskol man i bin larim liklik meri ya i go bek long papa na mama bilong em. Tasol meri ya i no bin wak-about gut na em pilim ai raun. Em i stap nau long haus sik long kisim sampela marasin.

Morobe: Bulolo kot haus long dispela wik i bin srukim kot bilong tripela man i go long Ogas 6, 1992. Kot i painim olsem dispela ol lain i bin smokim spak brus. Kot i no bin sasim dispela tripela man bikos ol i wetim plis long givim ripot bilong tes em ol i salim i go pinis long Lae. Lae plis bai wokim tes long dispela ol samting na bihain salim ripot i go bek long Bulolo na distrik kot long Bulolo bai sasim ol sapos ol i painim olsem ol i rong long dispela sas bilong smokim spak brus. Plis i bilip olsem planti spak brus i save kam long ol lain long Mumeng distrik.

Isten Hailans laikim tripela wok minista

CLEMENT MIRIA
i raitim

WANPELA grup bilong Isten Hailans i laikim ol memba bilong ol long gavman i kisim ol wok olsem minista bilong Egrikalsa, Woks na Trensport.

Ol man husat i go pas long dispela grup em Spika bilong provinsal asembli, John Mopi na presiden bilong Goroka Lokal Gavman Kaunsil, Naris Ubai. Ol i bin givim dispela askim bilong ol i go long Praim Minista Paias Wingti long asde.

Dispela grup i tok olsem 6-pela memba bilong ol nainpela memba bilong Isten Hailans i helpim long wokim gavman. Na tupela arapela i lusim oposisen na kam long gavman bihain long kamap.

Ol i tok Isten Hailans i gat moa long 1,500 han rot, na dispela olgeta rot i bagarap. Olsem na ol i laikim mani bilong stretim. Dispela bai kos inap long K6 milien. Olsem na ol i laikim ol wok bilong Woks na Trensport.

Ol i laikim ministri bilong Egrikalsa bikos Isten Hailans i save kamapim planti kopi. Na dispela em i as bilong olgeta arapela wok.

Dispela grup i tok ol i kam long wanpela bikpela provins we i gat planti pipel. Na planti kaikai na lektrik pawa bilong Papua Niugini i save kam long ol.

Ol i tok ol i bin sapotim gut tru Wingti i kam inap nau. Na sapos Wingti i no harim ol, dispela i soim olsem Wingti i no gutpela man.

Long las wik Fraide, moa long 500 pipel

bilong Goroka i bin kisim balus i kam long Mosbi long lukim Wingti i kamap praim minista.

MESERY GUBAG
i raitim

NUPELA gavman bilong Wingti i no inap toktok yet long Bogenvil inap taim ol i kamapim nupela polisi long karamapim dispela hevi.

Olsem na long nau dispela taim, ol i no

inap long mekim pablik long ol samting bilong Bogenvil. Ol i tok, toktok bilong Bogenvil i wanpela bikpela samting we i karamapim ol intanesenel komyuniti na Papua Niugini wantaim.

Long makim maus bilong Wingti gavman, Foren Afeas minista

John Kaputin i tok ol pipel na ol niusman i mas tingim dispela na no ken toktok nabaut. Long wanem, ol pipel long Bogenvil i bin kisim bikpela bagarap pinis long helt, edukesen, haus, kaikai na ol arapela samting.

"Nau yet gavman i traim long painim sampela we bilong stretim

ol hevi long Bogenvil. Olsem na mipela i lukluk long wokim ol polisi bilong gavman. Gavman i luksave olsem as bilong hevi long Bogenvil i stap long wok politik. Olsem na em i laik painim wanpela rot long sait bilong politiks long traim stretim dispela hevi," Kaputin i tok.

Kaputin i tok em i kisim tok orait bilong

praim minista long no ken salim wanpela protes pas i go long Solomon Ailans gavman. Dispela i bihainim sampela samting ol i mekim we i no stret long gavman bilong PNG.

Wanpela long ol dispela samting em we Solomon Ailans gavman i bin givim paspot i go long mausman bilong BRA, Martin Miriori.



Tekwie lusim oposisen....Memba bilong Sandaun John Tewkie i tokaut asde olsem em i lusim lain bilong Namaliu long oposisen na i go stap wantaim gavman bilong Paias Wingti nau. Tekwie i sindaun long raitan.

Jaminen laikim lo bilong ol lida i strong moa

DOMINIC KAKAS i raitim

NAU em i taim bilong stapim ol pasin bilong stil na paulim pablik mani. Dispela em ol strongpela toktok bilong memba bilong Yangoru/Sausia, John Jaminen.

Em i tok ol memba bilong palamen i mas mekim stret wok nau na bihainim ol lo we i karamapim olgeta manmeri.

Em i tok, "Sapos wanpela bikman i brukim lo, orait em tu i mas kisim mekim save. Olgeta man i save kam aninit long wanpela lo.

"Sapos mipela i no yusim stret pablik mani, orait mipela i mas sanap long kot na autim rong bilong

mipela na kisim mekim save. Tasol i mobeta mekim save mipela i kisim i bikpela moa long ol arapela manmeri nating."

Long dispela as, memba i tingting long bringim dispela i go long palamen bilong wokim i kamap lo. Olsem sapos wanpela bikman i brukim lo o stilim pablik mani, em i mas kot aninit long lo i karamapim ol lida na lo bilong ol raskol tu. Na em i tok sapos wanpela memba i rong, dispela man i no ken sanap gen long ileksen.

Jaminen i tok long wok na toktok strong long pasin bilong yusim ol ilektorel developmen fan mani. Na husat i no yusim gut i mas kisim mekim save. Em i laikim olgeta memba long tokaut long dispela mani long ol kibung bilong palamen.

Wingti laik bungim Mamaloni na stretim hevi

PRAIM MINISTA Wingti bai go long Vanuatu long kibung bilong ol Melanesia Spiahet grup long neks wik.

Dispela kibung bai kamap long biktaun bilong Vanuatu long Pot Vila. Na long dispela kibung em bai bungim ol narapela wanwok bilong em long ol narapela kantri olsem Solomon Ailans na Vanuatu.

Insait long dispela kibung, ol bai toktok long ol samting i kamap long ol Melanesia kantri insait long Saut Pasifik rijon.

Long dispela taim tu, Wingti bai bung wantaim praim minista bilong Solomon Ailans, Solomon Mamaloni. Em i tingting long toktok wantaim em long ol samting i karamapim ol tupela kantri ya.

Samban kisim narapela yia

OLPELA prima bilong Is Sepik, Bruce Samban i bin kamap long Nesenel Kot long Wewak long Tunde Julai 21.

Em i bin kamap long ai bilong kot long tupela sas we em i bin stilim K13,000 bilong Is Sepik provinsal gavman. Kot i bin harim olsem long Novemba 17, 1990, Samban i bin kisim K5,100 bilong provinsal gavman long yusim long laik bilong em. Kot i harim tu olsem, namel long Desemba 24 - 31, 1991, em i kisim

K8,000 bilong provinsal gavman.

Samban i tokim kot olsem ol sas i tru tasol hap rong i stap long ol wokman bilong gavman husat i bin givim mani long em. Jas Morris Shean i tokim Samban olsem ol wokman i bin bihainim tok bilong em bikos ol i pret nogut em bai rausim ol long wok bilong ol. Olsem na i no rong bilong ol.

Kot i bin kalabusim Samban na foapela pren bilong em long 5-pela yia long kukim ol opis bilong Is Sepik provinsal gavman.

A FULL RANGE OF
RYCO
FILTERS

Australia's No.1

Are Now Available in
Papua New Guinea
from

| | | |
|----------------|--------------|--------|
| PNG Motors | Port Moresby | 255788 |
| PNG Automotive | Lae | 423500 |
| PNG Automotive | Goroka | 722966 |
| PNG Automotive | Mt Hagen | 522288 |

TR 100

TORO WANTAIM PORO BILONG EM SPAK RAUN LONG HAIWE... PORO DRAIV I STAP...

TUPELA DRAIV ISI NA DRING ISI I STAP...

HEY, TORO! (HIC!) GUTPELA TAIM LONG DRING, AHL LAKAZ (HIC!)

(HIC!) HEY TRU YAH! BIA ISWIT MOA YET... NA (HIC!) GUTPELA KOL WIN, YAH!

NAU WANPELA KAR I KAM NA ABRUSIM TUPELA NA I GO LUS OLGETA...

ATING MIPELA I STOP? (HIC!) MI GO PISPIS PASTAIM!

KOF! HOI! ISI, YAH! (HIC!) YU TING YU KING OF DA ROT, AHL?

NA TORO I TING OLSEM PORO I STOPIM KAR...

(HIC!) TENIKU TRU LONG STOPIM KAR... (HIC!) MI GO RAUSIM WARA PASTAIM... MI BAGARAP!

HEY WET! !?

TASOL NOGAT, KAR I RON YET..

TAIM TORO PUTIM LEK 160 DALUN LONG GRAUN, EM TANIM OLSEM WIL WIL...

TORO, WET! MI STOPIM KAR PASTAIM!

BLARY STUPID! YU LAK KILIM YU YET O WANEM...

MI-MI TING KAR I STOP, YA! DOOH!

WANTOK

NIUSPEPA BILONG OL PAPUA NIUGINI STRET

Wankain sevis i mas go long olgeta ilektoret

OL MEMBA i makim pinis nupela praim minista Paia Wingti. Long taim ol i vot i bin gat 54 i sapatim Wingti na narapela 54 i sapatim Namaliu. Vot bilong Spika i mekim na Wingti i kamap praim minista.

Ol pipel i ting dispela pasin bilong pullm ol memba i go i kam long mekim namba bilong gavman i winim namba bilong oposisen i pinis. Tasol dispela trik bilong ol memba long kalap i go i kam i no pinis yet.

Long dispela wik tasol falpela independen memba husat i bin stap wantaim Namaliu i kalap i go long gavman bilong Wingti. Ol i tok sapos ol i stap long oposisen bai i no gat developmen i kamap long ilektoret bilong ol. Em wanem kain pasin ya?

Ol memba bilong palamen i makim 109 ilektoret long kantri. Olgeta i mas gat wankain sans long bringim developmen i go long ilektoret bilong ol. Gavman i no mas givim baksait long ol lain i stap long oposisen na helpim tasol ol memba i sapatim gavman.

Mani bilong mekim ol dispela wok i bilong ol pipel bilong kantri. Gavman i no kamautim dispela mani long poket bilong em na givim i go long ol dispela wok. Olsem na mobeta dispela kain pasin i mas pinis na givim wankain sevis i go long olgeta manmeri na pikinini insait long Papua Niugini.

Namba bilong Gavman go antap yet

MESERY GUBAG i raitim

FAIVPELA memba bilong palamen i lusim pinis oposisen na go joinim gavman bilong Paia Wingti.

Na dispela i bringim namba bilong gavman i kamap olsem 60 na oposisen 49. Ol 5-pela memba ya em memba bilong Mendi open, Michael Nali, memba bilong Henganofi Viviso Seravo, memba bilong Lufa Mathias Karani, memba bilong Kabwum Ginson Saunu, na provinsal memba bilong Wes Sepik, John Tekwie.

Nesenel Pati i bin endosim Seravo na Karani. Na Nali, Saunu na Tekwie i bin sanap

olsem ol independen kendidet long taim bilong ileksen. Ol i bin vot wantaim lain bilong Rabbie Namaliu long Fraide long taim bilong kamapim nupela gavman.

Tupela memba bilong Isten Hailans i tok ol i joinim gavman long wanem pati lida bilong ol, Bill Skates i stap long hap. "Mipela i mekim dispela long wanem mipela i laik strongim nem bilong pati bilong mipela. Na tu mipela i laik bringim namba bilong pati i go antap," Seravo i tok.

Pati lida Bill Skates i tok em i amamas tru long pasin tupela memba i mekim. Long wanem, i no gutpela long ol memba bilong wanpela pati i stap nabaut nabaut.

"Wanpela samting mi askim

nau long ol pati memba em long mipela olgeta i mas stap wantaim long gutpela na long taim nogut. Sapos mipela i mekim olsem, mipela bai strongim pati. Na mipela bai soim olsem mipela inap long stap olsem ol lida na helpim pipel bilong mipela," Skates i tok.

Na long ol tripela narapela memba ya, Nali i tok em i joinim gavman bikos ol lain bilong em i askim em long mekim olsem. Na tu bikos vot bilong em insait long palamen inap long helpim gavman long kamapim ol nupela polisi insait long kantri. Long dispela ol as, Nali i bilip olsem em bai makim ol pipel bilong em.

Provinsal memba bilong

Wes Sepik, John Tekwie i tok em i lusim oposisen bikos dispela i bihinim laik bilong ol pipel bilong em. Na tu em i les long ol oposisen bikos ol i gat planti tok pait namel long ol yet.

"Mi no laik long stap wantaim ol lain husat i save tingting long ol yet na lus tingting long ol pipel long kantri bilong ol. Na tu mi les long wok wantaim ol lain husat i amamas long daunim nem bilong ol arapela," Tekwie i tok.

Em i tok olsem em i joinim gavman tu bikos em i laikim ol pipel bilong em long kisim sevis bilong gavman. Em i tok long las 15 yia, ol lain bilong em i no bin kisim wanpela gutpela sevis long gavman.

Ol memba i bin vot olsem wanem

OL memba i bin kamapim nupela gavman long Fraide. Na hia em lis bilong we ol i vot na we ol i stap nau.

| MEMBA | PATI | Oposisen | Gavman |
|--------------------|-------|----------|----------|
| John Momis | MA | Oposisen | Gavman |
| Joseph Egilio | IND | Oposisen | Gavman |
| Michael Ogio | PDM | Gavman | Gavman |
| Michael Laimo | IND | Oposisen | Gavman |
| John Orea | PAN | Oposisen | Gavman |
| Jack Genia | PAN | Oposisen | Gavman |
| Camillo Esef | PAN | Oposisen | Gavman |
| Avei Moi | PAN | Oposisen | Gavman |
| Dibara Yagabo | IND | Gavman | Gavman |
| David Mai | IND | Gavman | Gavman |
| Yauwe Riyong | LNA | Gavman | Gavman |
| John Nilkare | LNA | Gavman | Gavman |
| Philip Yomo | IND | Gavman | Gavman |
| John Kamb | PAP | Gavman | Gavman |
| Joseph Onguglo | BAP | Oposisen | Gavman |
| Kerenga Okoro | IND | Gavman | Gavman |
| Francis Koimanrea | IND | Gavman | Gavman |
| Nakikus Konga | PAN | Oposisen | Gavman |
| Rabbie Namaliu | PAN | Oposisen | Gavman |
| Alois Koki | PDM | Gavman | Gavman |
| John Kaputin | IND | Gavman | Gavman |
| Michael Somare | PAN | Oposisen | Gavman |
| Judah Akesim | PAN | Oposisen | Gavman |
| Philip Laki | PAN | Oposisen | Gavman |
| Pita Lus | PAN | Oposisen | Gavman |
| Bernard Narakobi | MA | Oposisen | Gavman |
| Paul Wanjik | PAN | Oposisen | Gavman |
| John Jaminen | PDM | Gavman | Gavman |
| Aita Ivarato | PDM | Gavman | Gavman |
| Gunia Sowa | MEL | Gavman | Gavman |
| Mathias Ijape | IND | Oposisen | Gavman |
| Viviso Seravo | NP | Gavman | Gavman |
| Avusi Tanao | PDM | Gavman | Gavman |
| Mathias Karani | NP | Gavman | Gavman |
| Peter Gaige | IND | Gavman | Gavman |
| Castan Maibawa | IND | Gavman | Gavman |
| Kevin Masive | PPP | Gavman | Gavman |
| Jeffrey Balakau | IND | Oposisen | Gavman |
| Jimson Sauk | PDM | Gavman | Gavman |
| John Pundari | MA | Oposisen | Gavman |
| Anton Pakena | IND | Gavman | Gavman |
| Albert Kipalan | IND | Gavman | Gavman |
| Masket langalio | PDM | Gavman | Gavman |
| Chris Haiqueta | IND | Oposisen | Gavman |
| Tom Korea | IND | Gavman | Gavman |
| Roy Evara | IND | Gavman | Gavman |
| Peter Barter | IND | Oposisen | Gavman |
| Timothy Ward | PDM | Gavman | Gavman |
| Stanley Pil | IND | Gavman | Gavman |
| Godfried Oringawai | MA | Oposisen | Gavman |
| Samuel Pariwa | LNA | Oposisen | Gavman |
| Galeng Lang | PAN | Oposisen | Gavman |
| George Wan | PPP | Gavman | Gavman |
| Arnold Marsipal | PAN | Oposisen | Gavman |
| Martin Thompson | LNA | Gavman | Gavman |
| Tim Neville | IND | Gavman | Gavman |
| Iaro Lasaro | PDM | Gavman | Gavman |
| John Kanadi | LIB P | Gavman | Gavman |
| Beona Motawiya | PAP | Gavman | Oposisen |
| Titus Philomen | PPP | Gavman | Gavman |
| Jerry Nalau | PAN | Oposisen | Oposisen |
| Samson Napo | IND | Oposisen | Oposisen |
| Yaip Avini | IND | Oposisen | Gavman |
| Tukape Masani | IND | Gavman | Gavman |
| Ginson Saunu | IND | Gavman | Oposisen |
| Bart Philemon | IND | Gavman | Gavman |
| Andrew Baing | PPP | Gavman | Gavman |
| Thomas Pelika | LNA | Gavman | Gavman |
| Yamandi Amos | IND | Gavman | Gavman |
| Peter Garong | PAN | Oposisen | Oposisen |
| Bill Skate | NP | Gavman | Gavman |
| David Unagi | PDM | Gavman | Gavman |
| Robert Suckling | PAP | Oposisen | Oposisen |
| Albert Karo | IND | Gavman | Gavman |
| Paul Tohian | IND | Gavman | Gavman |
| Micah Ben Allan | IND | Gavman | Gavman |
| Simon Kaumi | IND | Oposisen | Oposisen |
| John Waiko | PAP | Oposisen | Oposisen |
| Dick Mone | PAP | Oposisen | Oposisen |
| Roy Yaki | PDM | Gavman | Gavman |
| Anthony Temo | PAP | Oposisen | Oposisen |
| Daniel Tulapi | PAP | Gavman | Gavman |
| Balus Liba | MA | Gavman | Gavman |
| Herowa Urape | IND | Oposisen | Oposisen |
| Michael Nali | IND | Gavman | Gavman |
| Philemon Embel | PDM | Gavman | Gavman |
| Mathew Yago | MA | Gavman | Gavman |
| Lukas Waka | PAN | Oposisen | Oposisen |
| Andrew Posai | PPP | Gavman | Gavman |
| Patterson Lowa | MA | Oposisen | Oposisen |
| John Tekwie | PAP | Oposisen | Oposisen |
| Paul Mambei | PAN | Oposisen | Oposisen |
| Christopher Sambre | PAN | Oposisen | Oposisen |
| Bob Netia | IND | Oposisen | Oposisen |
| Nappotti Buru | IND | Oposisen | Oposisen |
| Dere Wamoro | PAP | Gavman | Gavman |
| Bitan Kouk | IND | Gavman | Gavman |
| Bob Bubec | PAN | Oposisen | Oposisen |
| Parry Zeipi | PAP | Gavman | Gavman |
| Paia Wingti | PDM | Gavman | Gavman |
| Willie Wili | IND | Oposisen | Oposisen |
| Robert Nagle | IND | Oposisen | Oposisen |
| Melchoir Pep | PAN | Oposisen | Oposisen |
| Paul Pora | IND | Oposisen | Oposisen |
| Kimb Tai | IND | Oposisen | Oposisen |
| Yimbal Aipe | IND | Gavman | Gavman |
| Vincent Auali | PDM | Gavman | Gavman |

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

| PLES | AIR |
|-----------------------|---------|
| Mosbi | K30.00 |
| Arapela PNG eria | K60.00 |
| Australia na Nu Silan | K92.00 |
| Esia pasifik na Japan | K123.00 |
| Amerika na Yurop | K180.00 |


BIABIA WANTAIM BOS BILONG EM IKROS...



YU NO FIT LONG MI, YU HARIM...!



BIABIA TOKTOK PLANTI NA BOS I BIK-MALIS TRU... LONG SEM TAIM AIGLAS BILONG EM I BRUK...



YEAH, NERS TAIM RAUSIM AIGLAS, A?!



Zeipi wokim nupela pati

MEMBA bilong Saut Flai Perry Zeipi i wokim pinis wanpela nupela pati.

Nem bilong dispela pati em Nesenel Independen Alaiens (NIA). Na dispela pati i gat 6-pela memba pinis.

Zeipi i tok planti ol memba bilong pati i bilong ol boda provins na ol hap we i no gat planti developmen long en.

Nem bilong ol memba husat i stap nau long NIA em Perry Zeipi yet, Roy Evara, Daniel Tulapi, John Tekwie na Thomas Pelika. Zeipi i tok narapela 4-pela memba moa bai joinim pati na bringim namba i go antap long 10-pela. Em i tok, "Mipela i save olsem Wingti i wanpela man husat i save skelim gut ol samting. Olsem na mipela i ting em bai givim sampela wok minista long mipela."

- PAN - PANGU PATI
- PDM - PEOPLE'S DEMOCRATIC MOVEMENT
- IND - INDEPENDENT
- PAP - PEOPLE'S ACTION PATI
- LNA - LEAGUE OF NATIONAL ADVANCEMENT
- MA - MELANESIAN ALLIANCE
- NP - NATIONAL PATI
- BAP - BLACK ACTION PATI
- LIB P - LIBERAL PATI



■ **YANGPELA** hausmeri bilong wangepela waitman i bilong Buang. Wangepela taim waitman wantaim meri bilong em i no stap na hariap tru em i kaikai kolrais i stap long frisa. Apinun em i go long haus na em i pekpek wara. Olsem na long moning, em i go long haus sik. Dokta i lukim em na askim, "Yangpela meri, yu gat wanem kain sik?" Na meri Buang i bekim, "Dokta, bel bilong mi i pen na as bilong mi i trauf." Dokta i harim na i no laik moa long askim.

Ork lan,
MOSBI.

□ **KUMGIAM** i stap long taun na bringim ol pasindia long PMV bilong em i go long ples. Long hap rot, ol raskol i pasim ka wantaim sotgan na rausim olgeta pasindia i kamdaun. Kumgiam i guria wantaim na kamdaun sanap. Ol raskol i kirap na tokim Kumgiam long rausim trauf na go sanap long fran bilong ka. Bihain ol i tokim olgeta pasindia long go smelil as bilong Kumgiam. Mekim i go na wangepela lapun meri i kam smelil as bilong Kumgiam na i trauf nogut tru. Ol raskol i lap wantaim na ranawe. Kumgiam tu i kirap na lap long ol man na meri i smelil as bilong em.

Pat Nawalis,
KIMBE.

■ **WANPELA** moning meri bilong Kanage i salim em i go long Garamut Supamakot bilong baim ol kaikai. Kanage i wokabaut i go long ples bilong putim ol ka na sanap poromanim wangepela pos i stap. Bihain em i lukluk i go antap long dispela pos na lukim sain antap i tok No Standing. Olsem na em i stretim lek wantaim han na slip aninit long dispela pos i stap. Meri wantaim ol pikinini i wet i go nogat na kisim ka na bihainim em i go long supamakot. Ol i kamap stret long ples bilong putim ol ka na lukim Kanage i sanap slip gut tru aninit long pos i stap. Em i bel hat na tokim Kanage, "Yu Stupid Animal." Taim Kanage i harim olsem em i kirap na tokim meri bilong em, "Giaman tu i orait. Sain antap i tok long no ken sanap. Olsem na mi slip."

Kebe K Beiran,
WEWAK.

Ol pipel laik stapim Is na Wes Sepik provinsal ileksen

BENSTEAD TARU i raitim

OL komyuniti lida bilong Is Sepik i laikim nesanel gavman long stapim provinsal ileksen long kamap long mun Novemba long dispela yia.

Ol lida ya i tok ol bai askim gavman long painimaut tingting bilong olgeta pipel sapos ol i laikim provinsal gavman long lukautim gen Is Sepik.

Nesanel memba bilong Yangoru/Sausia, John Jaminan i tok em bai askim kot long stapim ileksen bilong mun Novemba.

Tingting bilong ol i bihainim wangepela ripot we ol memba bilong provinsal gavman i bin paulim pablik mani. Ol i laikim kot i mas harim gut dispela ripot pastaim. Na ol lain husat i mekim rong i kisim mekim save bilong kot orait

ileksen i ken kamap.

Wes Sepik tu bai holim ileksen bilong en long mun Novemba. Na wangepela komyuniti lida bilong ples Yakumul, Francis Nataleo i laikim nesanel gavman long stapim ileksen long hap tu.

Em i laikim kot long painimaut gut pastaim long ripot bilong odita jenerel long 1984. Na sapos kot i painim olsem sampela lida i rong,

orait ol kot i mas mekim save long ol na bihain ileksen ken kamap.

Ripot bilong odita jenerel i tokaut olsem K1.2 milion bilong Wes Sepik provins i bin paul namel long yia 1980-1984. Em i tok ripot ya i soim nem bilong ol sampela sinia memba long Dipatmen bilong Wes Sepik. Na dispela i mekim hat tru long ol long kamap long ai bilong kot.



• *Bumbu Wara bagarapim sindaun....Ren i pundaun tupela wik olgeta long Lae. Na dispela i bagarapim planti bris. Bumbu na Kamkumung bris nau i drip i stap ausait long solwara bilong Voko Poin. Olsem na ol man bilong wok i traim hat long wokabaut antap long diwai bris na i go wok long Toptaun na Saina Taun.*

Spesel plis fos kirap long Ni

NU AILAN i namba wan provins, bihain long Bogenvil, long kamapim nupela Spesel Komyuniti Plis Konstablari.

Dispela i bin kamap bihain long Primia Demas Kavavu i tokaut long Kavieng plis stesin las wik. Long dispela taim, Kavavu i bin tok welkam long 40 yangpela man. Ol bai statim trening bilong ol long wok olsem ol komyuniti plisman.

Kavavu i tok, dispela i bihainim tingting bilong nesanel gavman long kamapim spesel plis long wan wan provins. Bikpela wok bilong ol em long helpim ol plisman long wok bilong ol.

Gavman i tok olgeta provins i mas gat 100 spesel plisman. Na Nu Ailan i stat pinis wantaim 40. Ol lain ya bai wok long Kavieng distrik. Bihain bai ol i kisim ol narapela 60 man bilong wok long ol narapela distrik long Nu Ailan.

Provinsal gavman bai helpim ol lain ya long yunifom, ka na ol samting bilong wok na alauwens bilong ol. Ol spesel komyuniti plisman ya bai bilas long blu traufis, grei siot na blakpela su na soken olsem yunifom.

Madang lusim sinia pablik sevan

MESERY GUBAG i raitim

MADANG provinsal gavman i lusim pinis wangepela sinia gavman minista bilong en.

Fainens minista, Nick Owet bilong ples Asumbin long Bunabun i bin dai long Fonde, Julai 16. Krismas bilong em i bin 45 yia. Em i dai long ples bihain long em i kisim sik. Na nau meri bilong em Lucy na foapela pikinini, Kennet, Cornella, Teddy na Janet tasol i stap.

Primia bilong Madang, Andrew Ariako i tok dai bilong Owet i sotim gavman bilong em long wangepela saveman. Ol wanwok bilong em long Madang provinsal asembli i tok em i wangepela man husat i save wokhat tru long ministri bilong em long dis-

pela 7-pela yia em i bin stap long gavman bilong Ariako.


Long dispela 7-pela yia em i stap long Ariako gavman, em i bin mekim wok olsem minista bilong Fores, Kalsa na Turisem na Fainens.

Pastaim long em go insait long wok politik, Owet i bin wok wantaim dipatmen bilong Praimeri Indastri. Na em i bin wok wantaim pablik sevis inap long 13 yia.

Ol i planim bodi bilong em long Mande, Julai 20 long ples bilong em long Asumbin yet. Planti ol wanwok bilong em na ol bikman bilong Madang i bin go long planim bodi bilong em. Sampela long ol lain ya em Primia Ariako, Madang Seketeri Balthasar Maketu na rigonal memba bilong Madang, Peter Barter. Klostu long 400 pipel i bin go long planim em.

moa tok pilai long pes 20

Yu save tu olsem bikpela hap bilong takis em gavman i save kisim long olgeta yia i save kam long ol Maining na Petroleum Bisnis tu o nogat?



Dispela tok save i kam long:

THE PNG CHAMBER OF MINES AND PETROLEUM

P.O. Box 1032, Port Moresby, Phone: 21 2988

Fax: 21 7107

TU MINIT TINGTING

KAIN KAIN WE BILONG PRE LONG GOD

"Yu mas pre na askim God long dispela samting." (Jeremaia 29:17)

Long Gutnius stori bilong dispela Sande, Jisas i skulim ol disaipel long pasin bilong beten "Papa bilong mipela." Yu inap lukim long Luk 1:1-13. Lukim gut dispela prea. Em i no gat tok long "yu" na "mi" insait long en. Nogat. Oltaim em i tok long "mipela" tasol. I luk olsem dispela i min, dispela prea i bilong autim long taim yumi stap long grup o long lotu we planti pipel i pre tu.

Tude mi no laik toktok long "Papa bilong mipela." Nogat. Mi laik toktok long kain kain we bilong sutim pre i go long God long taim yumi stap namel long wok bilong yumi.

Yu noken ting olsem yumi ol Kristen tasol i save long pre. Nogat. Ol haiden tu i save pre. Olgeta pipel i bilip long wanpela spirit o pawa i bosim ol, ol i save pre long em. Ol misin i no kamap yet, na ol tumbuna bilong yumi i bin pre. Pre em i min, yumi bungim God na yumi

toktok wantaim em long tingting bilong yumi, long bel bilong yumi, o long maus bilong yumi. Yumi no ken autim prea bai God i harim. Nogat. God i save lukim tu tingting na bel bilong yumi.

Mi bin lukim ol lapun meri long Enga, em ol i no Kristen yet, ol i wok long planim kaukau long gaden. Olgeta taim ol i supim wanpela rop kaukau i go daun long graun, ol i salim wanpela prea i go long masalai bilong gaden bai em i ken mekim dispela rop kaukau i groa gut na karim.

Tude yet sapos yumi sel long solwara wantaim kanu, ol man i stiaim kanu i save wisil isi long singautim masalai bilong win i kam na pulapim ol sel bai yumi ken ran gut. Na tu yumi tambu long toktok taim kanu i ran. Dispela em long amamasim masalai bilong win.

Tude yet taim ol lapun i laik go long bus long painim abus, ol i save katim skin bilong ol, na

larim blut i ran antap long wanpela spesel stor bilong masalai. Em i pasin pre bilong ol long bringim gut lak long wok bus bilong ol.

Yumi Kristen tude i gat pasin bilong statim namba wan klas long skul, na statim miting, na statim palamen wantaim wanpela prea. Na sampela i tingim liklik prea long taim ol i draivim ka na i laik go long ples.

Jon Wesley, papa bilong ol Metodis o Yunaitet Sios, i bin tok olsem: "Long olgeta de mi gat planti wok tumas. Olsem na mi mas pre inap tupela aua long stat bilong de bai mi inap stat gut."

Bikpela holiman bilong India, nem bilong em Gandhi, i save tok olsem: "Pre em i ki bilong opim moningtaim; na em i lok bilong pasim apinun."

Planti taim Jisas i bin ranawe i go long maunten, bus o gaden long pre.

Pre i no min yumi mas toktok o

maus bilong yumi mas muv. Nogat. Olgeta wok yumi mekim bilong onaim God, em i wanpela prea, olsem Sen Pol i tok. Wanpela paniman i bin kalap kalap nabaut long givim amamas long God; dispela em i wanpela kain prea bilong em stret. Wanpela lapun i save go long haus lotu na sindaun tasol i stap na lukim alta. Bihain long faiv minit, em i go ausait bek. Wanpela man i bin askim em olsem bilong wanem na em i bin pre. Man ya i tok, "O, mi no gat tok. Mi lukluk tasol long Jisas, na em i lukluk long mi. Em tasol." Dispela em i nambawan kain we bilong prea.

Long taim yumi mekim wok bilong yumi, yumi ol Kristen inap long tanim tingting bilong yumi i go long God, na toktok wantaim em, na askim em. Yumi gat spes na taim bilong mekim dispela kain prea long taim yumi sindaun long bas o PMV, long taim yumi wokim bilum, long taim yumi kukim kaikai, long



FRANK MIHALIC I RAITIM

taim yumi wok long hukim pis, long taim yumi pulim kanu o wokabaut long bus, long taim yumi kamautim gras nogut long gaden, long taim yumi sindaun na wet long klinik, o long taim yumi wetim balus.

Wanpela holiman i bin tok olsem: "Yumi mas pre long laik na pasin bilong yu; na yu no mas bihainim pasin bilong nara-pela man long prea." Sen Antoni i tok olsem: "Prea bilong yu i nambawan tru, long taim yu no save yu pre." Man i sindaun isi na i putim yau long God, em tu i pre.

Kainantu kamap Lutheran sios distrik bilong em yet

SANANG ZAZORING I raitim

KAINANTU i kamap nupela sios distrik bilong em yet lusim Goroka distrik.

Long ai bilong klostu long 2,000 Kristen manmeri long Goroka Nesenel Pak, 2-pela lida bilong tupela distrik i sainim wanbel pepa long soim olsem Kainantu distrik nau i bruk na sanap em yet long Sande 12 Julai, 1992.

Long dispela taim, Presiden bilong Goroka Distrik Pasto Ohuno Mambu i givim 21 tausen kina (K21,000) sek mani i go long han bilong nupela distrik lida bilong Kainantu long sotpela taim, Maire Yasaro long nupela distrik i ken statim ol wok bilong em wantaim.

Bos bilong Lutheran Sios, Bisop Getake Gam i tok bruk bilong Kainantu na arapela distrik i soim tru kaikai na mak bilong Lutheran

Sios i kamap bikpela long Papua Niugini.

Bisop Gam i tok, "long Sinot namba 18 long lalibu insait long Saut-en Hailans provins, Sios i orait pinis long Mumeng, Ukata na Kainantu i ken kamap sios distrik bilong ol yet. Dispela i bringim namba bilong ol sios distrik long ELC-PNG i go antap long 15."

Long wok Lutheran i sanap strong, Bisop Gam i tok, pasin bilong bruk bruk na kolim yumi yet nambis na hailans i mas pinis nau. Em i tok yumi olgeta i stap wanpela long nem bilong Jisas Kraus.

Bisop Gam i tok, "Ol tumbuna i wok hat long autim Gutnius bilong Jisas Kraus i winim pinis 106 yia, tasol yumi gat wanem samting long mekim i go kamap long nara-pela 100 yia bihain?"

Em i tok Kainantu



Long Iephan i go long raitim em Presiden Ohuno Mambu wantaim Bisop Getake Gam het bilong Papua Niugini Lutheran Sios na Mista Maire Yasaro, Intarim Presiden bilong Kainantu distrik wantaim ol arapela sios memba long baksait.

distrik i mas pasim gutpela tok bilong mekim wok bilong sios na dispela i ken liptimapim biknem bilong God.

Bisop Gam i tok i mas gat yuniti na wanbel namel long olgeta level bilong Lutheran Sios long Papua Niugini. Long 1956 taim nem ELC-PNG i

kamap, i gat 600,000 Lutheran memba i stap. Tasol long nau, namba bilong ol Lutheran memba i winim pinis 800,000. Na klostu em bai kamap long hap milien.

Bisop Gam i tok wanem hap yu go, ol Lutheran memba i stap. Dispela i soim yumi

olsem sios i kamap bikpela pinis. Trupela sios bilong God em sios i gat wok wanbel namel long olgeta level bilong sios, maski yu kam long wanem hap.

Em i tok long Kainantu distrik olsem, "I gat planti man i stap haiden yet olsem

Ol Engliken bisop laikim hevi bilong Bogenvil pinis hariap

TRABEL long Bogenvil i bin wanpela bikpela toktok long kibung bilong ol het bilong Engliken sios long Papua Niugini, Solomon Ailan, Vanuatu na Polinesia.

Ol bisop bilong olgeta daiosis long ol dispela kantri i bin bung long Mosbi long Sarere, Julai 18. Na ol i toktok long ol samting long ol sios na hevi long ol wan wan kantri bilong ol. Hevi bilong Bogenvil i bin wanpela samting em ol i toktok long en.

Insait long kibung bilong ol, ol i tok hevi bilong Bogenvil i gat kain kain as. Na dispela i no isi samting. Na ol i tok planti pipel i wok long kisim bagarap nating.

Bilong wanem ol pipel i no kisim gutpela sapat long gavman. Na tu ol i no kisim helpim long ol kain sevis olsem helt na edukesen. Ol i tok ol lain husat i kisim taim tru em ol pipel. I no gavman o ol BRA. Olsem na ol i mekim sampela ol askim long gavman na BRA:

- ol i askim ol BRA long lusim ol samting bilong pait na larim gavman i bringim ol sevis i go bek gen long Bogenvil.

- ol i askim gavman long hariap na salim helpim i go long Bogenvil. Ol helpim ya em long klos, kaikai na marasin. Na tu gavman mas askim ol ausait lain bilong Saut Pasifik o Komonwel long hap na wokim ripot long ol samting i kamap long hap.

Sios, gavman na pipel i wok wantaim

FISIKA rijon nau i wok long senis isi isi.

Finschaffen, Siassi na Kabwum i bin kirapim wanpela atoriti. Wanpela hap bilong dispela atoriti em Finschaffen Kabwum Construction (FKC) na em i wok long wokim ol rot long dispela hap.

Taim ol pipel i statim dispela atoriti, Lutheran Sios i bin givim planti helpim olsem haus, graun, masin na ol wokman. Long wok i ran gut, Lutheran Sios i bin putim wanpela pasto long lukautim ol wokmanmeri bilong sios.

Dispela em wanpela nupela pasin Lutheran Sios i mekim long sios wok bung wantaim long stretim sindaun bilong ol pipel. Dispela kampani i wok long Finsafen, Pindiu, Kabwum na Siassi inap long 14 yia.

Wok bilong pasto

Lutheran Sios i bin givim tok klia pepa long han bilong pasto na menesa na dairekta, long pasto

bai wok namel long ol wokmanmeri bilong kampani. Pasto i save bihainim dispela tingting na wok wantaim olgeta wokmanmeri. Pasto i gat wok long stap wantaim ol na autim Tok bilong God na kamapim pasin bilong kristen i mas stap long laip bilong ol. Dispela i soim developmen long bodi na long spirit bilong man.

Long dispela rot, ol wokmanmeri i no bungim wanpela hevi long laip bilong ol insait long 14 yia i go pinis. Long dispela, ol wokmanmeri i tok, "Mipela i gat bikpela amamas long God i lukautim mipela inap mipela i no kisim wanpela bagarap."

Long dispela as, dispela kampani i wokim wanpela haus lotu long Nugidi insait long Finsafen yet.

Haus lotu i kamap bihainim singaut bilong ol wokman. Kampani i lusim K5,000 long wokim haus lotu. Sampela samting em ol wokman yet i bin givim na sanapim dispela haus lotu.

Dogura gat nupela bisop

ENGLIKEN sios long Milen Be provins i gat nupela bisop.

Bisop ya em Pater Tevita Afu Talonoa. Na nau em i wok i stap long Rabaul olsem hetman bilong Sen George haus lotu.

Long Sarere, Julai 18, ol mausman bilong olgeta Engliken sios na daioses long Papua Niugini i bin bung long Mosbi. Na long dispela taim, ol i makim Pater Talonoa long kamap olsem bisop bilong daioses long Dogura.

Pater Talonoa i bin kamap na skul long Tonga na em i gat 49 krismas. Tasol nau em i wanpela sitisen

bilong Papua Niugini. Em i marit na i gat 5-pela pikinini. Meri bilong em Winifred i bilong Gona long Oro provins.

Em i bin kam long PNG olsem wanpela misineri bilong Engliken Sosaiti bilong Sen Francis long 1968. Taim em i wok i stap hia, em i bin go long Bishop Patterson Tiolojikel Senta long Solomon Ailans. Na em i stadi long kamap pater. Long 1986, em i kisim odinesen na kamap pater. Bihain long dispela, ol i salim em i go wok long Popondetta na Arawa long Not Solomon provins olsem pater long hap.

OL LIKLIK NIUS

Bikman bilong Woks long Vanimo kot long stilim K10,000

FAY DUEGA I raitim

SANDAUN Provinsal Plen Menesa long Dipatmen bilong Woks, Paliu Chollai i no wok moa. Em bai stap nating inap long sampela taim.

Provinsal Fainens na Edministretiv opisa, George Jelsiwi i bin givim em tok save bilong dispela long Julai 14.

Dispela i kamap bihain long wanpela ripot i tok Chollai i bin yusim K9980.95 namel

long Februari 2, 1990 na Septemba 30, 1991 long mekim ol wok bilong em yet. Na long dispela wik, em i bin kamap long Vanimo Distrik Kot.

Kot ripot i tok olsem long Jun 2, 1992, Chollai i bin oraitim wanpela man long yusim K3,310 bilong stet. Kot i harim tu olsem long Februari 15, 1990, Chollai i bin kisim K194 olsem ol alauwens mani bilong em taim em i go long Jayapura. Dipatmen i no bin save long dispela wokabaut.

Ripot bilong ol narapela

rong i go olsem:

- Long Mas 9, 1990, Chollai i bin kisim K163 olsem alauwens bilong go long Jayapura, tasol i no gat tok orait bilong dispela wok-abaut;
- Long Mas 16, 1990, em i kisim narapela K81 olsem alauwens gen bihain long em i kam bek long Jayapura;
- Long Mas 29, 1990 Richard Tewino i givim K3,000 long sek na K500 i go long Chollai, tasol dispela i no bin go long buk;
- Long Epril 11, 1990, Jimmy Earth Moving kampani i

winim tenda long wanpela tipa trak long K5,500. Tasol em i salim dispela trak long ol lain bilong Wantoks & Self Reliance long K5,010;

- Long dispela de yet, Alphonse Saki i bin winim wanpela ka long K6,669.95. Em i givim K2,369.95 tasol dispela mani i lus bikos i no gat rekot bilong en;
- Long Septemba 10, Chollai i kisim gen narapela sek bilong K3,850 long wanpela ka, tasol i no gat rekot bilong en;
- Long Desemba 19, 1990, wankain samting gen i kamap na K174 i lus.

❑ **MADANG:** Cosmo Resources Pty Limited i no kisim tok orait yet bilong katim timba long Josephstaaal eria long Madang provins. Na ol i stap nating long provins inap long tupela yia nau. Fores opis long Madang i tok ol i no kisim wanpela ripot i kam long Cosmo Resources Pty Limited. Ol narapela ripot i tok olsem kampani i no gat mani bilong wok. Tasol bos bilong Cosmo Resources Pty Limited, Yang Shang Oh i no laik toktok.

❑ **NESENEL KAPITEL:** Plis Komisina, Ila Geno i tok plis i no bin kisim wanpela ripot long ol stori olsem ol pipel i bin kalabusim ol sampela politisen na ol famili bilong ol long ol kem. Em i tok planti stori i bin kamap long ol nius long dispela, tasol plis i no kisim wanpela ripot. "Mipela i no inap sekap long ol samting em i no gat ripot long en. Plis bai mekim ol wok painimaut tasol sapos i gat komplem."

❑ **NOTEN:** Long las wik, ripot i tok olsem bikpela sik kus i bruk long 6-pela ples long Oro provins. Tasol dispela i orait nau. Dispela ol ples em Asafa, Gorobuna, Gora, Godivei, Enjoro na Sawaihambo. Long las wik, tripela nes bilong Kokoda Helt Senta na edpos odali bilong Asafa i bin raun long olgeta dispela ples na givim marasin na sut long 106 man, meri na pikinini. Planti em ol pikinini na ol lapun. Long olgeta dispela ples, Gorobuna i bin winim tru ol arapela.

❑ **MANUS:** Primia bilong Manus, Stephen Pokawin i tambuim nau olgeta dipatmen bilong Manus long salim nius long ol niuspepa, redio na televisen. Dispela bai kamap tasol long opis bilong primia. Wanpela man i tok dispela em i namba wan taim bilong kain tambu olsem long kamap. Long wanem, planti ripot i save kamap long ol nius i no save go long primia.

❑ **NU AILAN:** Long Mande, no gat wanpela telipon long ol provinsal gavman opis i bin wok. PTC i katim olgeta telipon bikos provinsal gavman i no baim K28,000 dinau bilong en. No gat man i save long wanem taim telipon sevis bai orait gen.

❑ **IS SEPIK:** Plis long Is Sepik i holim pinis wanpela man long holim vidio muvi nogut. Dispela man em Ben Wapi bilong ples Indangai long Pagwi, Is Sepik provins. Provinsal Plis Komanda, John Wakon i tok olsem long wanpela nait long las mun taim meri bilong em i slip, Wapi i kirap na laik lukim dispela vidio muvi. Tasol meri bilong em i kirap na lukim em. Bihain taim tupela i kros, em i go na ripot long ol plis. Wapi i baim K100 na i stap wetim kot bilong em.

❑ **WES NU BRITEN:** Tupela man i dai pinis na planti arapela i kisim bagarap bihain long wanpela bikpela pait i kamap long Bali ailan long Wes Nu Briten provins. Pait i bin kamap long kros bilong graun namel long tupela ples. Provinsal Plis Komisina, Philip Solala i tok dispela i tru tasol i no inap autim nem bilong ol lain i dai na kisim bagarap. Na em i no laik autim tu nem bilong dispela tupela ples husat i pait. Long wanem, plis i wok long mekim ol wok painimaut yet. Wanpela plis raiot skwat i stap nau long ailan bilong sekap long dispela.

❑ **IS SEPIK:** Plis long Is Sepik i wok long painim yet 4-pela man husat i bin stapim wanpela ka long Mande na stilim K1,582 wantaim ol samting inap long kos bilong K104. PPC Wakon i tok dispela ka i wok long ron long Pagwi Hayfil rot i go taim wanpela man i kalap i kam long fran bilong ka wantaim sotgan. Draiva i pret na stapim ka na ol narapela tripela poro bilong raskol yua i kam ausait. Plis i kamap tasol ol dispela man i ranawe pinis. Na ol i wok long painimaut yet long dispela.

Komiti bilong wara na AIDS kamap long Nu Ailan

NU Ailan provinsal gavman i makim pinis tupela komiti bilong lukautim wok bilong wara na arapela bai lukluk long hevi bilong sik AIDS. Dispela tupela komiti bai wok aninit long provinsal helt dipatmen.

Taim em i tokaut long ol dispela samting long las wik, provinsal minista bilong Helt, Vincent Abaiah i tok ol i bin kamapim dispela komiti long taim bilong asembli kibung long sampela taim i go pinis.

Em i tok dispela komiti bai strongim wok bilong provinsal gavman long helpim ol pipel long kisim gutpela wara. Provinsal gavman i bin givim namba wan tingting long kamapim wok bilong stretim wara saplai long 5 yia developmen plen stat long 1991 i go inap long 1996.

Abaiah i tok dispela komiti bai lukluk long olgeta wok bilong wara na skelim ol aplikesen bilong wara saplai projek. Em i tok dispela komiti bai tokim ol pipel long we bilong putim ol wara saplai.

Em i tok ol lain husat i save putim ol wara saplai olsem ol sios grup, komyuniti grup na sampela ol lain i mas bihainim lo em komiti i putim.

Ol memba bilong komiti em namba tu seketeri bilong Helt, namba tu seketeri bilong Distrik Sevises, provinsal Helt Inspekta, man i lukautim wok bilong wara saplai long provins, mausman bilong Woks dipatmen na wanpela mausman bilong Komyuniti gavman.

Narapela komiti em AIDS komiti. Wok bilong dispela komiti em long givim gutpela tingting long provinsal gavman long traim stapim AIDS na ol arapela sik nogut em ol pipel i save kisim taim ol i raun wantaim ol arapela man na meri.

Ol lain husat bai stap insait long AIDS komiti em namba tu seketeri bilong Helt olsem siaman, provinsal Medikel Suprindenden, provinsal disis kontrol opisa, wanpela sinia medikel laibri teknisen, sista i lukautim Red Cross blad beng, mausman bilong provinsal Helt bod.

Ripot tok Lang win long go gen long kot

JAMES KILA I raitim

WANPELA ripot i kam long Madang i tok olsem ol pipel long sampela ples insait long Sumkar ilektoret long Madang provins i

bin pasim tingting long votim olpela memba bilong ol, Galeng Lang i go bek long palamen. Bikos ol i laikim kot i askim em long bekim ol mani em i kisim. Sapos nogat, rausim em olsem palamen memba.

Ol pipel pasim Nuku distrik opis

RIPOT i kam long Nuku distrik long Wes Sepik i tok olsem olgeta gavman sevis long hap i pas pinis.

Dispela i bin kamap bihain long siting memba, Christopher Sambre i winim ileksen gen. Ol sapota bilong ol kendidet husat i lus i bin go long Nuku stesin na tokim ol wokman long stapim olgeta wok.

Ripot i tok tu olsem ol lain ya i bin tingting long kukim olgeta gavman haus long hap. Tasol ol lida bilong ol i bin toktok na stapim ol.

Olsem na sampela gavman wokman wantaim ol famili bilong ol i

Siaman bilong Madang Eks sevismen Asosiesen, Otto Arek i tok olsem planti pipel long hap bilong Not Kos i no bin amamas long ol pasin Lang i mekim taim em i risain long taim bilong lidasip traibunel. Em i tok tu

lusim pinis stesin. Long wanem ol i pret nogut ol lain i bagarapim ol.

Distrik Nenesa Ben Gawi tu i ranawe wantaim famili bilong em. Ol kendidet husat i lus i sutim tok olsem Gawi i save sainim ol sek bilong Sambre. Olsem na em i gat sampela pawa long tokim Sambre long givim ilektrol developmen fan mani long sampela hap tasol.

Wantok i bin traim long kisim tok-tok long seketeri bilong Wes Sepik, Chris Virhuri na Provinsal Plis Komanda tasol tupela i no bin stap long opis.


olsem ol pipel i laikim nupela lidasip traibunel i harim gut ol rong Mista Lang i mekim na rausim em long sia olsem memba bilong Sumkar.

Arek i tok, i gutpela sapos lidasip traibunel i lukluk gut long ol rong Galeng i mekim taim em i stap olsem memba na rausim em long palamen na holim bai-ileksen.

Lang i wanpela bilong ol foapela minista long gavman bilong Rabbie Namaliu we lidasip traibunel i painimaut olsem ol i bin stilim mani taim ol i stap long opis. Ol dispela memba em Galeng Lang, Timothy Bonga(Nawae) Peter Garong (Tewae-Siassi)

na Melchior Pep (Dei). Foapela wantaim i bin risain taim lidasip traibunel i no pinis lukluk long sas bilong ol.

Wanpela ripot *Wan-tok Niuspepa* i kisim las wik i tok tripela bilong ol dispela ol foapela memba bai kamap gen long pes bilong lidasip traibunel bihain long publik prosekyuta i makim wanpela lidasip traibunel. Ol dispela memba em Lang, Garong na Pep. Ol bai kamap gen long kot bikos ol i bin win long ileksen long ilektoret bilong ol. Lo bilong PNG i tok sapos memba i laik stap insait long palamen, em i mas nogat ol sas bilong lidasip traibunel.



Wokim lagatoi.....Dispela ol pipel bilong Pari i wokim wanpela bikpela Lagatoi em bal ol i putim kamap long taim bilong Hiri Moale festival long mun Septemba. Foto Rudolf Ayu

Mandela laikim UN ami go long Afrika

AFRIKA: LIDA bilong Afrika Nesenel Kongres, Nelson Mandela i laikim ami bilong Yunaited Nesens long stapim bikpela pait namel long ol waitman na blakman long Afrika. Mandela i tok pait ya i bikpela moa long pait long Yugoslavia.

Mandela i askim Yunaited Nesen long

stretim dispela hevi long wanpela kibung. Na tu toktok long Yunaited Nesens Sekyuriti Kaunsil.

Foren minista bilong Afrika, Pik Botha bai holim kibung gen long narapela tupela de. Na em wantaim 40 mausman bilong ol arapela kantri bai tok-tok long stretim ol dis-

pela hevi.


"Nau yet gavman i stretim na tokaut long wanem as na dispela pait i kirap," Mandela i tok. Ol i mas painim gutpela rot nau long bringim ol bikman bilong Yunaited Nesens i go long Saut Afrika. Olpela seketeri bilong Stet long Amerika, Cyrus Vance bai

go pas long ol dispela bikman. Ol i mas stapim dispela pait long kamap gen long bihain taim.

Mausman bilong Australia long Yunaited Nesens, Richard Butler i tok long dispela kibung olsem Yunaited Nesens na ol arapela intanesenel ejensi i mas mekim strongpela.



• Ol Katolik nan i joinim ol arapela manmeri na mekim wanpela bikpela straik ausait long palamen haus bilong Yugoslavia.





• Ol ami bilong Yunaited Nesen i traim long stapim ol manmeri husat i laik traim long stapim balus long kisim kalkai na ol arapela samting i go long ol refuji kem long Yugoslavia.



• Tupela draiva bilong ol bikpela trak i tok gutbai na lusim haiwe long Trinde. Bikos ol plisman i pretim ol long smok bom na ol arapela marasin nogut. Ol i bin pasim haiwe 10-pela de olgeta



• Pala i bagarapim wanpela bikpela haus long Sidni, Australla. Dispela haus ol manmeri husat i no gat haus i stap long en. I no gat man i kisim bagarap tasol planti ka i stap aninit long dispela haus i pala.



• Ol soldia bo i stretim wanpela bikpela trak bilong rausim ol bikpela haiwe trak long Palembang Haiwe long Jemeni.

CAMBRIDGE KING SIZE



KING SIZE

CAMBRIDGE



• Oi plisman na ami i lukautim sampea bikman bilong Yunalted Nesen i go lukluk raun long Sarajevo long Yurop long stat bilong las mun. Pait i kamap long hap namel long ol Bosnia na Krosia pipel long hap.



Testim nupela rais masin • Tupela meri bilong Matalom long Filipino ailan i mekim rais long dispela nupela masin bilong givim long ol lokol fama. IRRI i mekim dispela liklik masin bilong mekim ol rais. Oi meri ya o memba bilong tripela grup bilong ol meri husat i save yusim wantaim dispela masin long kisim ekstra mani. Wok bilong ol em long mekim rais bilong ol lokol fama.



• Oi manmeri na pikinini long Sarajeo i kalap long tren na i laik ranawe i go long ol arapela hap long Yurop long stat bilong dispela mun. Bikos long bikpela pait long hap namel long ol paitman bilong Bosnia na Krosia.



• Wapela plisman i pamim marasin i go long wapela blakskin man bilong Saut Afrika. Oi plisman i holim pasim planti blaksin pipel bilong Afrika Nesenel Kongres na Zulu Inkata Muvmen, bihain long bikpela pait we planti manmeri i dai.



Katolik Sista skulim ol lus pikinini • Sista Mary Joseph bilong Katolik sios i save skulim ol dispela pikinini bilong Sidni long Australia. Planti pikinini em i skulim i nogat papamama bilong lukautim. Na ol i save stap wantaim em.

NAMBA WAN BUNG BILONG PALAMEN BIHAIN LONG NESENEL ILEKSEN

Gavman kisim tripela moa na gat 58 memba Namah laikim Vanimo ples balus i stret

MESERY GUBAG I raitim

TRIPLELA memba bilong palamen i lusim pinis oposisen na go joinim gavman bilong Paias Wingti.

Na dispela i bringim namba bilong gavman i go antap long 58 na oposisen i gat 51 memba. Ol tripela memba ya em memba

bilong Mendi open, Michael Nali, memba bilong Henganofi, Vivi-so Seravo na memba bilong Lufa, Mathias Karani.

Nesanel Pati i bin endosim Seravo na Karani na Nali i bin sanap olsem wanpela independen kendidet

long taim bilong ileksen. Ol i bin vot wantaim lain bilong Rabbie Namaliu long Fraide long taim bilong kamapim nupela gavman.

Tupela memba i tok olsem ol i joinim gavman long wanem pati lida bilong ol, Bill Skates i stap long hap. "Mipela i mekim dispela long wanem mipela i laik strongim nem bilong pati. Na tu mipela i laik bringim namba bilong pati i go antap," Seravo ti tok.

Pati lida Bill Skates i tok em i amamas tru

long pasin tupela memba i mekim. Long wanem em i no gutpela long ol memba bilong wanpela pati i stap nabaut nabaut.

"Wanpela samting nau mi askim long ol pati memba em olsem. Mipela olgeta i mas stap wantaim long gutpela taim na long taim nogut. Sapos mipela i mekim olsem, mipela bai strongim pati. Na mipela bai soim olsem mipela inap long stap olsem ol lida na helpim ol pipel bilong mipela," Skates i tok.

Taim Wantok i askim Nali long wanem as tru

na em i laik joinim gavman bilong Wingti, em i tok, "Mi mekim olsem long tupela as tasol. Long Fraide bihain long Wingti i bin kamap praim minista, ol mausman long ilektolet bilong mi i bungim mi na askim mi long go long sait bilong Wingti sapos mi laik helpim ol. Namba tu samting em mi bilip olsem mi bai helpim gavman long mekim ol senis na ol polisi long vot me bai givim ol long palamen. Long dispela we bai mi helpim ol pipel bilong mi."

Duwabane tokim ol Sauten rijon memba long wok wantaim

SAPOS ol memba bilong sauten rigon laikim wanpela bikipela wok long palamen, ol mas wok wantaim.

Dispela em ol toktok bilong olpela memba bilong Dauulo, Gai Duwabane.

Em i tok olsem ol memba i bin toktok planti long ileksen taim. Olsem ol laikim wanpela Papua long holim bikipela wok long palamen.

Tasol long taim bilong votim Spika long Fraide, Julai 17, ol i no bin bung wantaim na makim em. Ol i bruk long ol vot bilong ol. Na ol lain bilong Wingti i bin votim Bill Skate olsem spika bilong palamen. Duwabane i tok dispela i no gutpela pasin.

"Ol Papua i toktok long kisim bikipela wok. Tasol ol i no toktok long bel bilong ol stret. Bill Skate i wanpela man Papua. Tasol ol lain long sauten rigon i no bung na votim em. Ol sampela lain tasol i bin makim em," Duwabane i tok.

Em i tok, wok bilong Spika i wanpela bikipela wok insait long palamen. Dispela pasin we ol i no bung wantaim na sapotim memba long rigon bilong ol i no gutpela. Em i soim olsem ol i no toktok tru. Ol mauswara tasol.

"Sapos ol Papua i laik mekim sampela wok long hap bilong ol, ol i mas putim pati politik baksait. Ol i mas wanbel na bung wantaim na wok olsem ol lida bilong wanpela rigon," em i tok.

Wingti makim ol 6-pela wasgavman minista bilong em

PRAIM Minista Paias Wingti i makim pinis 6-pela gavman memba long bosim ol ministri inap taim em i makim kabinet bilong em.

Memba bilong Namatanai, Sir Julius Chan bai wok olsem namba tu praim minista. Na em bai lukautim ministri bilong Helt, Fainens, Woks na Edministretiv Sevises. Memba bilong Gumine, John Nilkare bai lukautim ministri bilong Provinsal Afeas, Hom Afeas, Transpot na Pos en Telekomyunikesen.

Memba bilong Rabaul, John Kaputin bai lukautim ministri bilong Foren Afeas, Tred na Industri, Minerels na Eneji wantaim Edukesen. Memba bilong Milen Be, Tim Neville bai lukautim ministri bilong Egrikalsa, Laipstok, Fiseris na Marin Risoses wantaim Sivil Eviesen.

Memba bilong Mosbi Saut, Albert

Karo bai lukautim ministri bilong Difens, Lens na Fisikel Plening, Fores na Plis. Albert Kipalan, memba bilong Wabag bai lukautim ministri bilong Jastis, Korektiv Institusen, Leba na Emploimen, Enviromen na Konvesesen na Hausing.

Dispela ol memba bai lukautim ol dispela wok inap long taim nupela gavman i makim ol minista bilong em.


Long Oposisen, ol memba husat bai was long ol dispela ministri (ol sedo minista) em Anthony Temo, Paul Pora, Pater John Momis na ol sampela narapela. Lida bilong Oposisen, Rabbie Namaliu i tok ol bai makim gut ol sedo minista bihain long Wingti i makim ol minista bilong em.

Long Ogas 4, palamen bai i bung gen. Na long dispela taim, ol nupela minista bai holim ol wok bilong ol pinis.

REX Namah, wanpela kendidet husat i bin resis long Vanimo rijonal sia long nesanel ileksen i tok em i amamas long tingting bilong Air Niugini long wokim ol ron bilong balus i go long Vanimo i go antap.

Olsem na em i askim nau nupela gavman bilong Paias Wingti na Sir Julius Chan long lukluk na traim stretim Vanimo ples balus.

Namah i tok Vanimo em i maus rot bilong go long ol kantri long Esia. Olsem na em i laikim Wingti na Sir Julius long lukluk long dispela na stretim Vanimo ples balus.



Wokman bilong Kopra Maketing Bod, Mathew Kanino traim nupela kopra drala long ples bilong wok long Mosbi.

Dispela palamen i brukim rekot long Papua Niugini

WINIS MAP I raitim

DISPELA yia em i namba wan taim bilong wanpela Spika bilong palamen long givim vot bilong em long makim praim minista.

Stat long 1977 i kam inap long 1988, Spika i no bin givim vot bikos namba ol memba i givim long makim prai minista i no bin tait tumas.

Tasol long las wik Fraide nupela spika bilong palamen, Bill Skate i bin givim vot bihain long Paias Wingti na Rabbie Namaliu i kisim 54-54 vot. Na Skate i bin givim vot long Paias Wingti na bringim namba bilong Wingti i go antap long 55. Dispela i bin givim namba long Wingti long kamap praim minista.

Tasol bai yumi lukluk long hamas vot wan wan praim minista i bin kisim stat long 1977 i kam inap long dispela yia. Dispela em long ileksen bilong prami minista na taim bilong vot i no gat bilip.

9 / 8/77 ileksen bilong praim minista, Sir Michael Somare 64 na Sir John Guise 36.

24 / 8/78, vot i no gat bilip long Somare na Somare yet i winim wantaim 68 vot na lambakey Okuk i kisim tasol 35 vot.

16 / 11/78, oposisen i putim gen narapela vot i no gat bilip na Somare i winim long 62 vot na Okuk i kisim 45.

6 / 9/78, oposisen i putim gen narapela vot i no gat bilip long gavman bilong Somare tasol em i winim long 63 na Okuk i gat 34 vot.

11 / 3/80, oposisen i putim gen narapela vot i no gat bilip na dispela taim Sir Julius Chan i winim Somare long 57-49 vot.

2 / 8/82, bihain long ileksen Sir Michael Somare i kamap praim minista taim em i winim Pater John Momis long 66 vot na Momis i gat 40 vot.

25/3/85, oposisen i putim vot i no gat bilip long Somare na Somare i winim dispela long 68 vot na Paias Wingti i kisim tasol 19.

21/ 11/85, oposisen i putim gen wanpela vot i no gat bilip long Somare na Paias Wingti i winim long 58 vot na Somare 51.

5/ 8/87, dispela em bihain long ileksen, Paias Wingti i kamap praim minista wantaim 54 vot na Somare i kisim 51 vot.

4/ 7/88, ooesisen i suvim vot i no gat bilip long gavman bilong Wingti na Rabbie Namaliu i kamap praim minista wantaim 58 vot na Wingti 50.

17/ 7/92, dispela em long las wik, Paias Wingti i kamap praim

minista taim em i winim Namalui long 55-54 vot. Lukluk long olgeta ileksen bilong

praim minista, las wik tasol i bin wanpela bikipela samting tru long stori bilong politik long Papua

Niugini. Bikos Spika i givim vot bilong em bihain long tupela sait wantaim i dro long 54-54.



• Dispela ol lain man ya i no inap go insait long nesanel palamen long lukim fomesen bilong nupela gavman. Bikos plis i larim tasol ol lain wantaim invitesen na ID kad tasol long go insait. Olsem na ol i sanap outsait long banis bilong palamen na wet tasol long harim nem bilong nupela praim minista. Foto : Dominic Kakas

Wokim nupela tinpis na tinmit edvetismen

Dia Edita,

Mi no amamas long pasin em EM TV i mekim long sampela edvetismen.

Ol i laik tasol long wokim mani na grisim ol kampani long yusim EM TV long edvetaisim ol samting.

Olgeta edvetismen i orait tasol edvetismen bilong tinpis na tinmit tasol i no gutpela. Dis-

pela tupeia edvetismen i soim tasol ol man i kaikai.

Mi laikim ol i soim ol pipel long we bilong redim kaikai yusim tinmit na tinpis. Dispela bai helpim ol pipel long baim samting na kukim gut kaikai bilong ol.

Ol i mas tok save long ol pipel tu long sampela sik em tinpis na tinmit i ken kamapim.

R.K. RIP EM Banz.



Nem: Hanzie Hess

Krismas: 17 yia

Adres: Malala Secondary Centre, P. O. Alexishafen, Madang.

Hobis: Ritim niuspepa, raun wantaim ol pren, tok pilai, na harim musik bilong Papua Niugini na ol ovasis kantri.

Nem: Pius. P. Kaino

Adres: PNG Cocoa and Coconut Research Institute, P. O. Box 1864, Rabaul, East New Britain Province.

Hobis: Mi wanpela manki Wabeg tasol nau mi stap long Rabaul.

Mi laik mekim pen pren wantaim ol manmeri bilong Papua Niugini. Olsem na mi rait long *Wantok Niuspepa*.

Husat i laik rait i kam, adres bilong mi i stap antap.

Nem: Jim Kool

Krismas: 20 yia

Adres: C/- P. O. Box 470

Mendi, S.H.P.

Hobis: Pilai gita, pilai ragbi na raitim pas.

Nem: Johnny B'Ku Nec

Krismas: 17 yia

Adres: C/- P. O. Box 470

Mendi, S.H.P.

Hobis: Pilai ragbi, basketbal, ritim buk, go long lotu, tok pilai na serim aidia.

Nem: Andrew Awi

Krismas: 16 yia

Adres: C/- P. O. Box 470

Mendi, S.H.P.

Hobis: Ritim buk, pilai ragbi na go long lotu.

Ol Passam nesenel haiskul wokman nogut o?

Dia Edita,

Mipela olgeta wokman bilong Passam nesenel haiskul i no amamas long pe ol i save baim mipela long potnait.

Mipela i save kisim

tasol K75 na mipela i no amamas long dispela kain mani. Sampela bilong mipela i gat ol pikinini i stap long ol provinsal haiskul na komyuniti skul. Na

mipela bai baim ol skul fi, klos na kaikai samting olsem wanem?

Mipela i save painim hat tru long sevim tu mani bikos wanem samting mipela i kisim i

liklik tru. Sampela ol arapela gavman dipatmen na oganaisesen i save apim pe bilong ol wokman na meri bilong ol. Tasol mipela i no gat tru.

Olsem na mipela i laikim Gavening Kaunsil bilong skul long streim hariap dispela hevi na apim pe bilong mipela. Sampela bilong mipela i stap tu long haus bilong ol DPI skul. Na long olgeta potnait, ol i save rausim K5 long pe bilong mipela long

baim dispela ol haus. Tasol dispela ol haus i no gat tebol na matres bilong slip. Na tu, mipela yet i save baim pawa long olgeta taim.

Tasol oltaim mipela i bringim ol dispela wari i go long bos bilong skul o rejistra, ol bai tok olsem i no gat mani. Ating ol wokman bilong ol narapela nesenel haiskul i save amamas tru ya. Na mipela olsem wanem?

Mathias Mexon, Wewak, E.S.P.

Putim plis raiot skwat long Angoram

Dia Edita,

Mi wanpela Sepik na mi laik sapotim ol toktok bilong bos bilong Lutheran Siping long mun Februeri olsem ol bai kirapim wanpela bes long Angoram.

Dispela em i gutpela tingting tru. Bikos em bai helpim gut tru ol pipel long hap. Tasol long wankain taim i

gat dispela bes, Plis Fos i mas wokim tu wanpela raiot skwat bes long hap. Bikos ol man i save bikhet na hambak tru long Angoram.

Oltaim yumi save harim nem olsem Wewak Kauboi taun o Angoram kauboi taun. Dispela i no gutpela.

Samson Sully, Angoram, E.S.P.



Kisim gutpela sindaun long pikinini bilong yu

Yu save lukautim gut pikinini bilong yu. Nau yu mas tingting tu long givim gutpela sindaun long pikinini long bihain taim.

Olsem yu mas opim pasbuk akaun wantaim Nambawan

Haus Moni bilong yumi. Stat nau long sevim moni long

peim skul fi, baim ol buk bilong skul na givim gutpela sindaun long pikinini nau bai em i kamap strong.

Askim nau ol wokmanmeri long PNGBC long opim wanpela pasbuk akaun na ol arapela sevis em yu laikim.

Mipela ken halivim famili bilong yu kisim gutpela sindaun long bihain taim... emi tru!

Sepik tu save pulap long sip

Dia Edita,

Mi laik bekim pas bilong Barnabas bilong Wewak i bin kamap long niuspepa long 7 Februeri, 1992.


Brata ya i bin tok olsem ol hailans i save pulap long sip na go painim buai long Wewak. Mi laik tok olsem yu no gat rait long tok olsem. Ating yu wanpela longlong man husat i no gat kru long het ya.

Sapos ol hailans i no kam buai bilong ol papamama bilong yu, tarangu ol lapun bai kisim mani long we? Ating yu wanpela kain man husat i no save tingting long ol lapun o ol arapela.

Yu no ken mekim ol kain tok olsem. Bikos mi save lukim tu ol Sepik i pulap long sip na i go i kam long Madang, Lae, Kimbe, Rabaul, Kavieng na Manus. Na taim ol i raun, ol i save smokim brus na kaikai buai olsem ples kanaka bilong ol stret.

Olsem na brata i mobeta yu mas tingting gut pastaim na sutim toktok long ol hailans. Bikos hailans em pawa ya!

Yaitisa Goma, Kerowagi, Simbu provins.



PAPUA NEW GUINEA BANKING CORPORATION

Larim Tulo lukautim Bogenvil

Dia Edita,

Mi no wanbel long tok-tok bilong Pater John Momis em i bin kamap long niuspepa.

Em i tok Sam Tulo bai lukautim Buka ailan, na em yet bai lukautim Bogenvil.

Mi laik tokim Pater Momis olsem, Sam Tulo i stap na klostu hevi bilong Bogenvil i pinis.

Olsem na maski long daunim em.

Momis i stap tasol long Mosbi. Olsem na em i mas larim Sam long wok isi isi na pinisim hevi.

Em tasol na tenkyu.

Jeffery S. Ikat Madang

Gavman mas wokim nupela haus sik long Ramu Suga

Dia Edita,

Mi laikim Papua Niugini gavman long wokim wanpela haus sik long Ramu Suga.

Ol dokta na nes long Ramu i save pret long kampani long hap. Olsem na ol i no save wok gut. Taim ol wokman wantaim bikipela sik i go lukim ol, ol i save kisim blut bilong ol na tok ol i gat sik malaria tasol. Ol i no

save sekim gut ol sikman.

Ol save givim malaria marasin na salim ol sikman i go bek long wok. Bilong wanem haus sik long hap i bilong kampani. Olsem na planti wokman i kisim bagarap pinis.

Em tasol wari bilong mi.

Bal Johnson Kapia Ramu Suga

Ol kaunsol long Numbo Sauso i no wok olsem trupela lida

Dia Edita,

Mi laik autim wari bilong mi i go long ol kaunsol insait long Numbo Sauso konstituensi long Is Sepik provins.

Mi no amamas long pasin ol i save mekim long stretimol trabel long ples. Mipela ol lain long ples i save westim taim bilong mipela long votim ol. Tasol ol i no save skelim gut na stretim hevi bilong mipela.

Taim wanpela man o meri i mekim liklik trabel, kwiktaim tru ol bai kisim man ya i go long han bilong plis.

Olsem wanem, yupela i no gat pawa long stretim hevi long ples?

Yupela i mas save olsem ol lain long ples i makim yupela long kamap kaunsol. Olsem na yupela yet i mas stretim ol liklik hevi long ples. Na maski long kisim i go long han bilong ol plis.

Ol pipel i gat bilip long yupela na makim yupela olsem lida. Na yupela i mas mekim wok olsem lida.

Camillus B. Bambo RABAUL.

Ol Nipa baim meri long kamapim moa pikinini

Dia Edita,

Mi laik bekim pas bilong G. Naiko.

Naiko i tok ol Nipa i no save mekim famili plening. Olsem na ol i save givim bel long meri bilong ol klostu klostu. Brata, yu wanpela longlong man tru. Mi bilong Nipa na mi no amamas long toktok yu mekim.

Plantu man i save lusim bikipela mani long baim meri taim ol i marit.

Na mipela lusim mani long mekim dispela wok tasol.

Em tasol na tenkyu tru.

Mathew Nolim Wes Nu Briten provins

Nupela memba mas stretim ol rot long Kiunga

Dia Edita,

Komplen bilong mi em olsem das i save bagarapim Kiunga taun.

Bilong wanem na ol memba bilong mipela i save slek tru long kamapim developmen long Westen provins.

Ol rot insait long taun em karanas tasol.

Mi laikim sampela senis i mas kamap long dispela taun.

Olsem na mipela laikim nupela memba bilong mipela long wok strong na stretim rot bilong mipela.

Em tasol.

Manfred Balyage Kiunga

Ol nambis noken senisim susa long marit

Dia Edita,

Mi laik toktok i go long ol manmeri bilong Papua Niugini. Mi bilong Sauten Hailans tasol nau i stap long Madang.

Long lukluk bilong mi, mi lukim olsem ol manmeri long nambis i save mekin olsem long marit.

Sapos man i maritim wanpela meri, orait, brata bilong dispela meri i mas maritim susa bilong dispela man.

pela man.

Dispela kain pasin i no stret long ai bilong mi. Mipela ol Hailans i no save mekim olsem.

Olsem na yupela ol nambis man, yupela no ken senisim susa bilong yupela yet na maritim. Traim na painim ol narapela meri na maritim.

Nape Kilipin MADANG

Kisim ol wokman long save, maski wantok sistem

Dia Edita,

Mi les pinis long lukim planti wantok sistem pasin hia long Papua Niugini.

Taim mipela ol man nating i go painim wok, bos bilong ol kampani save tok nogat wok. Na taim wantok bilong ol i go painim wok, ol bosman ya i save givim ol wok.

Traim na lusim dispela kain pasin. Dispela pasin i nogut na rabis olgeta. Kisim ol wokman long save na wok bilong ol.

Tenkyu.

Dickson Opa Sauten Hailans provins

Ol kumul selekta mas wasim ai long sno wait



Dia Edita,

Wari bilong mi i go olsem. Mi laikim ol man i save makim ol pilala bilong Papua Niugini Kumul tim i lukluk gut, na makim ol gupela

pilala tasol.

Ating yupela ol selekta i mas go long stua na baim moa sno wait marasin bilong wasim ol klos laplap. Yupela yusim dispela marasin na wasim gut ai bilong

yupela.

Ating dispela i ken mekim yupela i opim gut ai na makim ol nambawan pilala tasol.

Dispela kain bilong go lus na kam bek olgeta taim em mipela i les

pinis. Long wanem dispela i bagarapim nem bilong Papua Niugini.

Em tasol liklik wari bilong mi.

Jogere Arua Pita Erima Namba 1 MOSBI

Kimbe smok faktori i no wokim gut smuk

Dia Edita,

Mi i no amamas long ol wokman bilong ol smok faktori long Kimbe.

Mi laik autim wari bilong mi olsem ol i no save wokim gut smok. Ol i save putim planti marasin insait long smok, na i no save drai gut.

Wanpela taim mi bin baim wanpela tin spia. Mi opim na lukim olsem smok i no drai. Em i wara wara stret.

Olsem na mi kisim smok i go bek long stua na tokim stuakipa. Em krosim mi na tok olsem mi yet i bin pulapim wara long tin. Mi toktok strong i go na em givim bek mani bilong mi.

Olsem na yupela ol wokboi i mas traime na tingim dispela na mekim wok bilong yupela gut.

Unns Aumis Kimbe

Pasim gut maus bilong Ramu suga

Dia Edita,

Mi laik komplem long ol wokman bilong Ramu Suga Kampani. Bikos ol i no save pasim gut maus bilong ol paket suga i kam long faktori bilong ol.

Mipela sampela i gat ol tred stua na i save painim hat stret.

Plantu taim mipela save baim ol suga long wolsel stua na karim i go salim long ples. Tasol sampela suga i save kapsait.

Olsem na taim mipela salim long stua, ol kastoma i no save baim. Long wanem plantu suga i kapsait pinis.

Na tu ol anis i save smelim suga na kam insait long stua, na bagarapim ol arapela kaikai.

Mi laikim ol bos bilong kampani

long lukim dispela pas, na mekim sampela stretpela samting.

Jay Awong Songi LAE

TOKSAVE I KAM LONG EDITA:

Wantok Niuspepa i no inap long putim nem bilong ol manmeri long dispela painim PREN pes, sapos yupela putim giaman nem long leta na salim i kam. Ol pas i gat trupela nem tasol bai stap insait long dispela pes.

Bruce Waoti painim Jei

Dia Edita,

Mi painim wanpela brata bilong mi. Nem bilong em Jei Ozebedi. Em i bin lusim Lae na go long Rabaul.

Tasol em i no raitim pas i kam na tok save long mi long wanem hap em i stap.

Mi askim em long raitim pas i kam long mi.

Sapos yu husat man o meri i save long Jei, inap yupela tokim em long raitim pas i kam long mi. Tokim em long raitim pas long dispela adres:

Bruce Waoti Lae.

Boting Dingua MADANG



Ministri bilong Tred na Indastri i amamas long tokaut long nupela

SMOK SKEL BISNIS KREDIT FESILITI BILONG OL TRU TRU PNG BISNIS



em i kamap long



wok bung wantaim bilong
Smol Bisnis Developmen Kopresen

na Beng bilong Papua Niugini na ol Bisnis Beng

Ol Progam i sut long

Kirapim ol liklik bisnis long Papua Niugini olsem bai moa pipel inap kam insait long dispela wok bilong kirapim kantri. I gat wanpela kain dinau skim we ol liklik bisnismen na meri inap kisim dinau bilong statim ol nupela o helpim olpela bisnis bilong ol. Na kirapim ol tingting bilong strongim ol bisnis na givim wok long ol man.

Progam bai wok olsem wanem

Smol Bisnis Kredit Fesiliti em i olsem wanpela fan i kamap long wok bung wantaim namel long Smol Bisnis Developmen Kopresen, Beng bilong Papua Niugini na ol Bisnis Beng. Mani ol i kisim long statim dispela fan em K1.5 milien na bai i stap bilong ol liklik bisnismen na meri long kisim dinau.

Long sotim, aninit long Smol Bisnis Kredit Fesiliti, ol dispela samting i stap:

Rot bilong kisim Dinau: Long statim o sapatim bisnis we i stap pinis long en.

Hamas Dinau: I go antap inap long K60,000.

Mak bilong Interes na Rot bilong Bekim: namel long 8 na 10 pesen long olgeta yia.

Long Bekim: Taim bilong bekim i ken stap inap long 10 yia. Na narapela tupela yia bilong skelim rot em bisnis i go long en nau.

Hamas Mani Olgeta: liklik mak em inap long 10 pesen (i karamapim olgeta kos) olsem mani bilong projek. Ol i ken baim long mani o narapela samting olsem.

Rot bilong Kisim Helpim:

Long kisim helpim, tok orait bilong dispela bisnis i mas kam long SBDC, na i mas:

- bisnis bilong Wanpela man/Grup, o
- i karim nem olsem wanpela Nesenel Bisnis, o
- i kam aninit olsem projek bilong wanpela Bisnis Grup/Asosiesen husat i rejista pinis.

Man husat i aplai i mas gat ekspiriens long wankain bisnis o wok.

Dispela bisnis bai i mas wok na i bilong Papua Niugini stret.

Dispela projek i mas sut long ol kain bisnis bilong wokim ol samting, bakstua bisnis, salim ol samting, givim gutpela sevis wantaim bikpela save, liklik hap bilong wokim ol samting yu yet, stretim, kirapim turisem bisnis, wok bilong trenspot na wokim kaikai.

Rot bilong Kisim Dinau

Go long opis bilong Smol Bisnis Developmen Kopresen o wanpela bilong ol dispela Bisnis Beng na kisim aplikesen fom bilong Smol Bisnis Kredit Fesiliti na pulimapim. Ol projek we i gat gutpela rekot na ripot inap kisim dinau.

Bihain long ol mausman bilong Smol Bisnis Developmen Kopresen, Beng bilong Papua Niugini na ol Bisnis Beng i skelim ol aplikesen, ol bai tokaut long husat inap kisim dinau.

Ol lain husat i laik aplai i ken askim tu SBDC long go mekim ol wok painimaut pastaim long dispela projek em ol i laik statim. Na lukim sapos em bai wok na go het o no gat. Dispela em sampela sevis SBDC i save givim.

Ol Opis bilong SBDC i stap long:

Southern Region: Mr. Celestine Aihi
Haus Tomakala, 3rd Floor, P O Box 271, Boroko, N.C.D.
Phone: 25-0100, 25-4536 Fax: 25-0996

Highlands Region: Mr. Kak Meninga
2nd Floor, AGC Building, Mt Hagen, P.O. Box 179, W.H.P.
Phone: 52-1067 Fax: 52-1275

Momase Region: Mr. Solomon Kangku
Suite 16, Central Arcade, 7th St., Lae, P.O. Box 103, Morobe.
Phone: 42-1677

Islands Region: Mr. Sebastian Maragau
Ground Floor, Dawapia Haus, Rabaul, P.O. Box 1106, E.N.B.P.
Phone: 92-2406 Fax: 92-2403

All Other Regions: Arrangements can be handled through the Commerce Division of the province.



Bank of South Pacific Limited



You can bank on Westpac



ANZ Bank



INDOSUEZ NIUGINI BANK LTD.

Luteran Sios i bringim bikpela developmen

Luteran sios i winim 106 yia long PNG

SANANG ZAZORING i raitim

LUTERAN Sios i mekim bikpela wok tru long bringim planti gutpela sevis i go long Isten Hailans provinsal taim provinsal gavman i bin bungim hevi bilong mani.

Provinsal memba bilong loa Asao konstituensi, David Mehuwo i mekim dispela tok na tenkyu long Luteran Sios long taim bilong mekim Kainantu i bruk lusim Goroka sios distrik long Sande 12 Julai, 1992.

Mehuwo i tok tenkyu tu long Luteran Sios i wok hat long autim Tok bilong God i go long ol pipel bilong Isten Hailans. Mehuwo i kisim maus bilong Isten Hailans provinsal gavman long dispela bung. Long wanem, olgeta het bilong gavman i stap long kamapim nupela nesanel gavman long Mosbi.

Mehuwo i tok, pasin bilong wok bung na wanbel i mas stap strong namel long gavman bilong Isten Hailans na Luteran Sios long givim sevis i go long ol pipel.

Em i tok ol sios wokman i no ken yusim rot bilong brukim distrik long wok politik insait long ELC-PNG Goroka na Kainantu distrik na daunim wok bilong sios.

Man i makim Finintugu seket, Mantari Etaso i tok, Kainantu distrik i bruk i no long as bilong mani na biknem, tasol long autim Tok bilong God i go long olgeta hap we ol Kristen manmeri i stap long en. Em i tok, tupela distrik i mas wok bung wantaim long bringim Tok bilong God i go long olgeta manmeri.

Etaso i tok, yumi pinis kaikai bilong wok sios, tasol long sot bilong ol pipel long Tok bilong God, Kainantu i mas bruk. Long dispela rot, olgeta Kristen manmeri bai save long wanem wok bilong ol na sios bai i no inap pundaun. Em i tok, Kainantu distrik bai lukluk yet long kisim sapot i kam long nesanel sios na Goroka distrik long sanapim wok bilong distrik. Em i tok mipela bai redi tu long helpim Goroka distrik long taim bilong sot.

Presiden bilong Goroka distrik, Pasto Ohuno Mambu tu i tok, "Long wok edministresen, Kainantu na Goroka bai stap hap hap. Tasol long bilip, tupela bai stap wanpela bodi na wok bung wantaim.

Asisten bisop bilong ELC-PNG, Bisop Ray Rasowe na ol arapela distrik lida tu i mekim strongpela tok bilong wok wanbel i mas stap namel long tupela distrik. Ol i tok, ol sios lida i mas wok klostu wantaim ol pipel na daunim ol pasin nogut.

SANANG ZAZORING i raitim

OLGETA Luteran sios memba long Papua Niugini i tingim 12 Julai 1992 long amamasim namba wan taim Gutnius i bin kam long Papua Niugini.

Long wok bilong wanpela man na misineri Johann Flierl bilong kantri Jemani, namba bilong ol memba bilong Evangelikel Luteran Sios bilong Papua Niugini nau i go antap abrusim 800,000.

Long namba wan taim misineri Johann Flierl i bin krungutim Simbang, Finsafen long 12 Julai 1886, sios i winim nau 106 yia. Ol Luteran sios memba long Papua Niugini i amamas tru long dispela. Long wanem, long dispela rot Tok bilong God i bin kam long ol.

Klostu long 2,000 Kristen memba bilong Luteran sios long Goroka i bin bung long Goroka Nesanel Pak long Sande 12 Julai, 1992 na amamasim dispela de bilong Gutnius i bin kam.

Dispela amamas i go wantaim bung bilong ELC-PNG Kainantu na Goroka distrik i brukim distrik long wok bilong sios. Long dispela bung, het bilong Luteran Sios, Bisop Getake Gam na asisten bisop, Bisop Ray Rasowe na ol arapela het bilong dipatmen na ol distrik tu i bin stap.

Makim Isten Hailans provinsal gavman em memba bilong Loa Asaro konstituensi, David Mehuwo husat i bin stap tu long lukim amamas de bilong Luteran Sios.

Ol yut memba bilong Goroka taun seket i go pas

long lotu wantaim ol gita, singsing na kwaia. Ol meri grup bilong Kainantu distrik tu i singim tupela song olsem mak bilong tok gutbai long Goroka distrik. Kainantu distrik nau i lukluk long holim namba wan konprens bilong em long Finintugu seket long 17 - 22 Ogas, 1992.

Na tu long makim dispela de, ripot i kam long Kimbe i tok ol Luteran long Niugini Ailan tu i amamasim dispela de. Pasto Roewec Roenu i tok moa long 600 Luteran kristen manmeri i bung long Kimbe taun bihain long seket konprens bilong sios.

Pasto Roewec i tok, long dispela taim ol Luteran long Kimbe seket i bung na makim nupela seket presiden, Ben Zalatang. Ol i holim Baibel stadi, toktok long envairomen (lukautim bus, graun na olgeta samting) na ol i putim ofa mani bilong mekim wok Gutnius olsem sios kalenda i makim long en.

Wankain pasin i kamap long ELC-PNG Papua Distrik. Het bilong sios long hap, Bisop Anonga Pingina i tok moa long 1,000 Luteran i bin bung long Marimari Luteran sios long Gordons na amamasim Senior Flierl de.

Ol i lotu na putim ofa mani bilong skruim wok bilong autim Gutnius. Bisop Pingina i tok ol arapela sios memba bilong Koki, Towamo, Gerehu, 6 mile na ol arapela Luteran kongrigesen i stap yet long hap bilong ol na lotu.

Ol bikpela opis, koles na skul long Luteran sios i pasim wok long Mande 13 Julai long tingim dispela de.

MT HAGEN BUTCHERY

RISIVA I TOKAUT PINIS LONG

SPESEL PRAIS BILONG OL MIT LONG MUN ME

| | |
|--|--------------------------|
| Brisket long ol 25 kilogram katen | = K52 long wanpela katen |
| Lamp flaps long ol 20 kilogram katen | = K25 long wanpela katen |
| Lamb Neck Slices long ol 21.6 kilogram | = K29 long wanpela katen |

(Speisel prais long 10-pela katen na moa).

LUKIM PRAIS BILONG OL MIT LONG BIKPELA KARAMAP I DAUNBILO TRU

| | |
|----------------------|--------------------------------|
| Mutton Chops Speisel | = K1.80 long wanpela kilogram |
| Lamp Neck Slices | = K1.50 long wanpela kilogram |
| Lamp Flaps | = K1.90 long wanpela kilogram. |

Speisel prais bilong Baracoutta Fish Fillets long mun Me tasol em **K22.80** long wan wan bilong ol 10-pela katen o **K24** long wanpela katen.

Baim aninit long 10-pela katen

Olgeta Haus Kaikai, Tred Stua na Skul i

WELKAM

TELIPON: 52 1163 O SALIM ODA I KAM LONG FAX NAMBA 521206

WANTOK

BISNIS LONG PAPUA NIUGINI

WANTOK

KOPRA

Pe bilong kopra i go antap nau long K30 long wan wan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

| | |
|---------|------|
| Smoke | K263 |
| F.M.S | K265 |
| Hot Air | K268 |

Na pe bilong kopra long ol liklik depo i stap olsem:

| | | |
|---------|---------|------|
| SAMARAI | Smoke | K231 |
| | F.M.S | K233 |
| | Hot Air | K236 |

| | | |
|-----------------------|---------|------|
| KANDRIAN na NAMATANAI | Smoke | K228 |
| | F.M.S | K230 |
| | Hot Air | K233 |

| | | |
|------|---------|------|
| BUKA | Smoke | K227 |
| | F.M.S | K229 |
| | Hot Air | K232 |

| | | |
|-------------|---------|------|
| FINSCHAHFEN | Smoke | K223 |
| | F.M.S | K225 |
| | Hot Air | K228 |

| | | |
|----------|---------|------|
| LORENGAU | Smoke | K198 |
| | F.M.S | K200 |
| | Hot Air | K203 |

| | | |
|--------|---------|------|
| KEREMA | Smoke | K218 |
| | F.M.S | K220 |
| | Hot Air | K223 |

| | | |
|--------|---------|------|
| KARKAR | Smoke | K200 |
| | F.M.S | K202 |
| | Hot Air | K205 |

CMB nau bai i no inap long kisim moa prais sapot long Gavman. Dispela i stat long Januəri 1992

KAKAO

PRAIS bilong drai kakao long wanwan tan long Rabaul long Mande inap long Fraide long las wik.

| Mande | Tunde | Trinde | Fonde | Fraide |
|-------|-------|--------|-------|--------|
| 13/07 | 14/07 | 15/07 | 16/07 | 17/07 |

| | | | | | |
|---|------|------|------|------|------|
| Pe ol baiya sasim long papa bilong fementri | K661 | K682 | K636 | K672 | K648 |
|---|------|------|------|------|------|

| | | | | | |
|-------------|------|------|------|------|------|
| Sapot prais | K629 | K629 | K629 | K629 | K629 |
|-------------|------|------|------|------|------|

Prais ol papa bilong fementri i kisim K1290 K1311 K1285 K1301 K1277 Sapot prais bilong kakao long dispela mun em K628.95. Dispela prais i no wankain olsem pe bilong kakao long ol narapela hap bilong kantri.

KOPI

Pe bilong drai arabika na robusta kopi long wanwan kilogram long Jun 15, 1992. Dispela i karamapim prais bilong kopi long dua bilong faktori, na i no long sait bilong rot.

| | |
|--------------|-------|
| Arabika : | |
| Kainantu | K1.00 |
| Goroka | K0.95 |
| Minz na Banz | K0.90 |
| Hagen | K0.92 |
| Lae | K1.00 |
| Mumeng | K1.00 |
| Wau/Bulolo | K0.85 |

Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu. Robusta : Is Sepik Madang

Ripot bilong ol arapela senta husat i save groim robusta kopi i no kamap.

RABA

Gavien faktori (ESP) - 21 1/2 kg Doa faktori (Sentral) - 36 1/2 kg inap long 391/kg

KADAMON

Prais bilong kadamon em A. T. Agri Ejensi Pty Ltd long Madang i tok asit long en i stap olsem: Drai long san em namel long K0.80 na K1.10. Drai long faktori em namel long \$6.50 na \$8.00. A. T. Agri i lukautim Kobum Spice em i stap long Bundi we planti ol kadamon i save kam long en.

PRAIS BILONG OL BENSIN

| | |
|------------------------|-----------|
| Kos long warpela lita | |
| Ex Pump (Wanman takis) | |
| Petrol | 51.9 toea |
| Diesel | 38.6 toea |
| Kerosin | 43.0 toea |

Nupela rot bilong ol liklik bisnis long dinau kamap pinis

GODFRIED NIAKA i raitim

LONG Tunde apinun, Julai 21, Dipatmen bilong Tred na Industri, ol memba bilong Smol Bisnis Developmen Kopresen (SBDC), Beng ov Papua Niugini, na ol memba bilong ol bisnis beng i bin bung na sainim ol pepa bilong helpim ol liklik wok bisnis ol i kolim long Smol Skel Bisnis Kredit Fesiliti (SSBCF).

Long taim bilong sainim ol pepa, Gavana bilong Beng ov Papua Niugini, Sir Henry ToRobert i tok Smol Skel Bisnis Kredit Fesiliti i bilong helpim ol liklik bisnismen na meri long Papua Niugini.

Em i tok husat man na meri i laik statim ol liklik wok bisnis i ken kisim dinau long ol bisnis beng. Tasol husat i kisim dinau i mas bekim insait long taim em beng i makim long en.

Long ol toktok bilong em, Sir Henry i tok olsem Papua Niugini i wanpela laki kantri long gat dispela Smol Bisnis Developmen Kopresen olsem hap bilong Smol Skel Bisnis Kredit Fesiliti. Na ol liklik bisnismen na meri i mas yusim ol dispela kain sevis i stap bilong helpim ol.

Em i tok SBDC i bai sapotim long ol kain kain liklik bisnis inap long taim ol yet inap wok. Em i tok ol

beng i mas yusim SBDC olsem namelman bilong sekap long ol lain husat i aplai long kisim dinau.

Sir Henry i tokaut strong olsem dispela ol kain bisnis bai holim lek bilong kantri long taim bihain.

Beng ov Papua Niugini, Smol Bisnis Developmen Kopresen na ol bisnis beng i givim pinis K1,500,000 (1 milien na 5 handet tausen kina) i go long Smol Skel Bisnis Kredit Fesiliti. Sir Henry i tok i tru olsem dispela mani i liklik, tasol Beng ov Papua Niugini bai amamas tasol long helpim sapos mani i sot.

Seketeri long Dipatmen bilong Tred na Industri, Robert Igara i tok as tingting bilong statim Smol Skel Bisnis Kredit Fesiliti em long givim dinau mani i go long ol liklik man na meri long Papua Niugini long kirapim ol bisnis bilong ol. Na tu long kirapim ol wok bisnis long kantri. Olsem bai hevi bilong no gat wok i ken go daun liklik.

Igara i tok dispela Smol Skel Bisnis Kredit Fesiliti bai i no inap karim kaikai sapos i no gat gutpela wok bung wantaim namel long ol memba. Em i tok planti kain wok olsem i bin kamap bipo, tasol ol i no bin ron gut. Olsem na ol memba bilong SSBCF i mas redi long karim hevi na lainim ol asua bilong ol long mekim dispela wok i go het.



• Seketeri bilong Tred na Industri, Robert Igara i sindaun sainim pepa bilong Smol Skel Bisnis Kredit Fesiliti (SSBCF).

Nupela masin gen bilong draim kopra kam pinis

MESERY GUBAG i raitim

KOPRA Maketing Bod (CMB) bilong Papua Niugini i kisim pinis 60 nupela kopra draia i kam long Filipin Ailan.

Dispela ol draia i nara kain liklik long ol sampela arapela ol i bin kisim long hap. Long wanem, ol i karamapim ples bilong paia wantaim kapa. Na dispela bai mekim ol kopra long drai kwik.

Bos bilong CMB, Joe Bae i tok olsem ol i bin kisim ol draia long las wik tasol. Na ol bai salim i go long ol provins we i save wokim kopra.

Mosbi bai salim ol draia ya long ol pipel bilong sauten rigon. Rabaul bai lukautim Niugini ailan na Madang bai lukautim noten rigon.

Bae i tok olsem olpela kopra draia ol i bin salim long ol man long yusim, i bikpela mani na i no gutpela tumas. Bilong wanem, ol kopra i no save drai kwik. Na dispela save westim taim bilong ol man husat i wok kopra.

Em i tok olsem dispela nupela draia i gutpela. Long wanem, em i no bikpela mani tumas na kopra i save drai kwik. "Sikspela man i ken karim dispela na em bai mekim wok bilong kopra i isi tru. Long wanem, ol i ken karim draia i go long lain kokonas na wok," Bae i tok.

Prais bilong olpela kopra draia em K750 na prais bilong nupela draia em K650 tasol.

Bae i tok sapos ol i lukim olsem ol man i laikim ol dispela nupela draia, ol bai salim oda i go long Filipin Ailan long kisim sampela moa.



• Tupela wokman bilong Kopra Maketing Bod i traim wanpela nupela kopra draia. Long lep han em Mathew Kanino na long rait han em Agila Mambro. Foto : Mesery Gubag

Welpam kopresen kisim K9.5 milien

WEL PAM Industri Kopresen bai kisim moni inap long samting K9.5 milien long helpim em wok bilong ol long 1993.

Ol dispela helpim bai i go long tripela seksen bilong industri. Ol mani ya bai i bruk olsem: Ol projek nau i stap yet bai kisim K7.4 milien, Oro Wel Pam projek bai kisim K2.1 milien na Esian Developmen Beng (ADB) Rises na Ekstensen bai kisim K0.25 milien.

Ol projek menesa bilong Wel Pam Industri Kopresen i bin bung na i toktok long ol plen bilong ol dispela projek bihain long wanpela miting bilong ol long dispela yia.

Ol plen bilong wok projek

long Milen Be provins i orait pinis bihain long miting bilong ol lokol plening komiti. Ol sampela provins i stap yet long wokim ol plen bilong ol. Bihain long ol i pinis raitim ol plen bilong ol, ol bai givim long narapela bikpela plening komiti long sekim na givim tok orait.

Ol projek plen bilong Hoskins, Biella na Milen Be i gat ol pe bilong ol etpos odali na pe bilong ol tisa. Milen Be projek bai i pinis long mun Septemba long dispela yia.

K100,000 bai i kam tu long helpim ol sevis ol dispela projek bai i givim. Miting bilong toktok long dispela mani i wok long go het yet namel long ol bikman.

PNG redi long maining semina

PAPUA Niugini bai holim wanpela intanesenel semina bilong Petroleum risoses long mun Septemba.

Dispela semina bai Dipatmen bilong Atoni Jenerel, Lo Rifom Komisen, Lo Dipatmen bilong Yunivesiti bilong Papua Niugini na Trensekse nel Kopresen bilong Ekonomik na Sosel Developmen Divisen bilong Yunaited Nesens bai i oganisim.

Ol lain husat bai bung long dispela semina em long ol saveman na ol loya, ol saveman long ol ekonomik polisi, plena long Dipatmen bilong

Praim Minista, Minerels na Enegi, Atoni Jenerel, Fainens na Plening, provinsal gavman na ol narapela institusen olsem MRRDC, Yunivesiti bilong Papua Niugini na Yunivesiti bilong Teknoloji.

As tingting bilong oganisim na holim dispela semina i bilong larim ol oganaisesen bilong mekim polisi na tu ol narapela manmerj long givim ol tingting bilong ol long wok maining insait long kantri.

Na tu dispela semina i long mekim ol manmeri bilong kantri i luksave long ol samting i stap insait long wok maining.

WANTOK

BISNIS LONG PAPUA NIUGINI

WANTOK

Goroka So komiti stat long redim ol samting

JAMES KILA I raitim

WANPELA komiti i kamap pinis bilong redim ol samting bilong Goroka So long dispela yia.

So bilong dispela yia bai kamap stat long 11 Septemba i go inap long 13 Septemba, 1992.

Kodineta bilong 1992 Goroka So, Koi Minimulu i tok ol lain husat i fomim dispela komiti em ol representativ bilong Isten Hailans provinsal gavman, ol bisnis komyuniti na ol lida bilong

ples yet. Na i gat ol arapela ausait manmeri husat i joinim komiti bilong givim sapot na helpim.

Ol memba bilong komiti em Auwo Ketawo olsem siaman, Henry Smith olsem namba tu bilong em, Koi Minimulu em seketeri na kodineta, Andrew Pook olsem tresera o man bilong lukautim mani, Warren Daniels bilong lukautim ol sponsasip na haus slip, na Steven Mago olsem niusman o ripota.

Ol lain husat i joinim komiti long givim helpim na sapot em Cynthia Leahy, Ben Malarie,

Ivan Rakimov, Ian Bolton, Gill Marshall, Justine Tonti, Ian Mopafu, Pat Siwi, Jack Gopave, Robert Kapilo, Lola McGhee, Gabriel Waranu, na Bauke Uke.

Wanpela bikpela samting bilong kamap long Goroka So long dispela yia em Mis Goroka resis. Wina bilong dispela resis bai kisim wanpela tiket bilong bilong go raun long wanpela hap insait long Papua Niugini. So komiti i no makim yet wanem hap em bai go long en. Dispela balus tiket em Talair balus kampani bai givim.

Narapela samting em ol pipel

bilong Hagahai long hap bilong Madang provins bai i putim kamap ol singsing na danis bilong ol. Ripot i tok ol lain wokman bilong Medikel Rises Institut i bin painim ol dispela lain pipel long 1985 tasol. Pastaim long dispela, no gat man i save olsem ol i stap.

Long sait bilong sapot mani, sponsasip na helpim, Isten Hailans Kapitel Atoriti tasol i givim pinis K5,000 i go long So Komiti long mekim ol wok bilong en. Na komiti bai yusim dispela mani long stretim graun long Nesene Spot Institut.

PE BILONG AIR NIUGINI LONG PNG TASOL

| KISIM LONG I GO LONG PE BILONG | | BALUS | PE BILONG |
|--------------------------------|-------------|-------|-----------|
| POM | Alotau | K101 | K1.01 |
| POM | Daru | K117 | K1.17 |
| POM | Goroka | K114 | K1.14 |
| POM | Hoskins | K140 | K1.40 |
| POM | Kavieng | K234 | K2.34 |
| POM | Kundiawa | K113 | K1.13 |
| POM | Lae | K95 | K0.95 |
| POM | Madang | K129 | K1.29 |
| POM | Manus | K206 | K2.06 |
| POM | Mendi | K136 | K1.36 |
| POM | Misima | K155 | K1.55 |
| POM | Mount Hagen | K132 | K1.32 |
| POM | Popondetta | K59 | K0.58 |
| POM | Rabaul | K187 | K1.87 |
| POM | Tabubil | K189 | K1.89 |
| POM | Tari | K153 | K1.53 |
| POM | Vanimo | K234 | K2.34 |
| POM | Wapenamanda | K141 | K1.41 |
| POM | Wewak | K180 | K1.80 |

Ol kago em hevi abrusim 16kg bai gat pe

Exchange Rates



| Bank buys at: | Notes | T/T |
|---------------|--------|--------|
| Australia | 1.4340 | 1.4042 |
| USA | 1.0840 | 1.0496 |
| UK | 0.5730 | 0.5508 |

| Bank sells at: | |
|-----------------|----------|
| Australia | 1.3932 |
| UK | 0.5398 |
| USA | 1.0416 |
| Solomon Islands | 3.0121 |
| China | 5.6260 |
| Fiji | 1.5186 |
| Hong Kong | 7.9960 |
| India | 29.0240 |
| Japan | 129.1300 |
| New Zealand | 1.8786 |
| Philippines | 25.6520 |
| Singapore | 1.6650 |
| Switzerland | 1.3630 |
| Germany | 1.5360 |

| Gold rates (in US\$): | |
|-----------------------|----------|
| per ounce | \$357.65 |
| per gramme | \$11.50 |

Bikpela ren na tait bagarapim Lae bisnis

PLANTI ol bikpela na liklik bisnis long ol eria klostu long Lae siti i bin kisim bagarap taim bikpela ren na haiwara i kamap long las wik.

Presiden bilong Lae Semba ov Komes, Philip Franklin i tok bikpela ren na haiwara i mekim planti ol kampani long Lae i senisim ol taim bilong ol long wok. Na tu planti bilong ol dispela kampani i lusim ol kastoma bilong ol. Em i tok tu olsem dispela hevi bilong taim bris i bin bruk long Kamkumung na Taraka i stapim planti ol wokman long go long wok. Na tu stapim tu ol ka long karim ol kago bilong ol kampani i go long ples bilong wok.

Franklin i tok planti ol kampani husat i save wokim ol kain kain samting bilong salim i senisim ol taim bilong ol long wok bihain long dispela hevi bilong ren na tait.

Sampela ol kampani long hap bilong Is na Wes Taraka i no inap long kisim o salim ol toktok bikos ol sampela telipon waia i bruk long dispela bikpela tait.



• Tupela wik ogleta ren i pundaun long Lae Siti na olgeta wara i tait. Long dispela as wara i bagarapim bikpela industrial eria long Malahang. Na planti gaden kaikai bilong ol Butibam tu wara i rausim.

Tebol na sia kampani bung long Lae Tok lukaut bilong ol sekenhan klos bisnis

I NO olgeta 20 kampani husat i save wokim ol tebol na sia insait long kantri bai i go long bikpela bung bilong ol long Lae long Ogas 17 i go inap long 23.

Ripot i kam long Dipatmen bilong Tred na Industri i tok sampela long ol dispela kampani husat i bin aplai long go long dispela kibung i no bilong Papua Niugini stret.

Long lo bilong ol kampani long kamap long dispela kibung, olgeta i mas kampani bilong Papua Niugini stret o PNG manmeri imas gat 100 pesen sea long.

Dispela bikpela kibung long Lae bai

kamap bihain long wok bung wantaim bilong Dipatmen bilong Tred na Industri na Senta bilong Developmen ov Industri long Brussels, Swisalen. Kibung ya i bilong painimaut long wanem gutpela ol tebol na sia bilong PNG i ken go long bikpela maket long Yurop.

Ol i bin makim ples bilong kibung long Lae bihain long ol gutpela prodaks em wanpela kampani bilong PNG, Golden Square i bin soim long Fiji las yia.

Ol kantri long planti hap bilong Saut Pasifik olsem Solomon Ailan, Fiji, Vanuatu, Australia na Nu Silan bai i kam long dispela kibung.

FELIX RAMRAM I raitim

BISNIS bilong salim ol sekenhan klos i wok long go het strong yet long Vanimo insait long Wes Sepik provins.

Tasol i gat bikpela tambu nau long ol lain husat i no gat laisens long salim ol sekenhan klos long Vanimo taun na ol ples klostu. Na opis bilong Helt Inspekta long Vanimo haus sik i bin autim dispela tok lukaut.

Helt Inspekta Balthasar Kipit i tokaut long dispela insait long wanpela ripot bilong em namba 26/92 bilong 1 Julai, 1992.

Long dispela ripot, Kipit i tok olsem no gat wanpela man o meri inap baim ol bikpela beg sekenhan klos na go salim gen. Ol lain husat i laik mekim olsem i mas gat wanpela haus na laisens bilong wokim sekenhan klos bisnis.

Sapos ol i no mekim olsem, ol i brukim lo.

Kipit i tok bihain long dispela tok save i go long pablik, ol bai was gut na kotim ol lain husat i brukim lo.

Em i tok save tu pinis long ol bikpela bisnis na stua long no ken salim nating ol beg sekenhan klos long ol lain husat i no gat laisens.

Bia long Wewak op long 24 aua sevis

GODFRIED NIAKA I raitim

PROVINSAL seketeri bilong Is Sepik na siaman bilong Is Sepik provinsal Lika Laisensing Bod, Vincent Maragau i opim gen bia long las wik Fonde, 16 Julai, 1992.

Olsem na ol klab, taven na ol stua i ken salim bia nau long ol kastoma. Dispela tok orait i kamap bihain long bia i stap pas long provins inap long 6-pela mun olgeta.

Maragau i tok nau ol stua, taven na klab i ken salim bia long 24 aua sevis. Tasol em i tok dispela nupela taim bilong salim bia i no inap stap oltaim long provins.

Wanem samting em i mekim nau i bilong traim tasol. Sapos i gat ol hevi na trabel insait long namba wan tripela 0 6-pela mun, em bai stapim

gen ol klab, taven na stua long salim bia. Sapos no gat, em bai senisim taim bilong salim bia.

Provinsal seketeri i bin tokaut tu olsem maski lo i bin kamap long tambuim bia, planti man i wok long dring yet. Dispela ol lain i save kisim bia long ol narapela provins na bringim i go bek long Is Sepik long balus o sip.

Insait long wanpela kibung namel long seketeri wantaim ol lain bilong Wewak Taun Developmen Komisen, komisen i no amamas long tingting bilongopim gen bia. Komisen i laikim olsem bia i mas pas yet inap long narapela 6-pela mun.

Wanpela ripot i kam long *Wantok Niuspepa* long Wewak i tok olsem ol pipel long Is Sepik i no amamas tumas long dispela nupela taim bilong ol klab, taven na klab long salim bia inap long 24 aua.

Bikos ol i ting olsem dispela bai kamapim moa hevi na trabel long provins. Ripot i tok tu olsem ol pipel bilong ol komyuniti insait long taun eria bai askim seketeri long senisim dispela ol taim.

Isong amamas long wanpela de vot

BIHAIN long ileksen long dispela yia, planti pipel i no bin amamas long taim ol i makim long kisim ol vot.

Plantu kendidet na ol sapota i no amamas tumas long holim wanpela de bilong vot. Sampela bilong dispela lain em ol palamen memba husat i bin givim tok orait long wanpela de vot tasol ol yet i komplem gen long dispela.

Wanpela man husat i amamas long dispela wanpela de vot em provinsal ritening opisa bilong Westen Hailans provins, Kaeing Isong.

Isong i tok wan de poling long Westen Hailans i bin stapim ol pipel long go long ol arapela ples na grisim ol man long votim ol kendidet em ol pipel i no gat laik long en. Isong i tok, long bipo ol man i save

lusim ples bilong ol bihain long ol i vot pinis na go long ol arapela ples na grisim ol man.

Wanpela liklik hevi ol i bungim long Westen Hailans em ol balot pepa i no bin kamap hariap long taim ol i makim. Ol lain long Mosbi i no bin prinim ol balot pepa hariap na salim i go antap long Westen Hailans.

Isong i tokim *Wantok Niuspepa* olsem provins bilong em i no bin bungim bikpela hevi long komon rol olsem ol arapela provins. Em i tok planti pipel i bin givim nem bilong ol pastaim long ileksen i stat.

Dispela i mekim isi long ol yet na planti bilong ol i bin vot. Liklik lain tasol i no vot bikos nem bilong ol i no stap long komon rol.

Provinsal gavman rausim Lae Siti Atorit bod

PROVINSAL gavman bilong Morobe i rausim bod bilong Lae Siti Atoriti.

Dispela hevi i kamap bihain long siaman bod bilong bod, Pukman Katu i dai 4-pela wik i

go pinis.

Taim provinsal gavman i rausim Lae Siti Atoriti, Eben Atoriti

Asosiesen Bod bilong Papua Niugini i holim wanpela kibung wan-taim Primia bilong

Morobe Titi Christian. Long dispela kibung ol i askim Primia Titi long tok orait long ol bod long kirapim wok gen.

Narapela samting ol bod memba bilong Eben Atoriti Asosiesen i askim long en, em long provinsal gavman long givim inap mani long lukautim Lae Siti Atoriti. Dispela em bilong helpim ol man-meri husat i stap long Lae siti stretim rot long Lae Siti yet.

Mausman bilong UAAB, Bernard Morlin i tok ol i no wan bel bikos provisal gavman i bin rausim Lae Siti Atoriti Bod tripela taim namel long tupela yia. Long dispela as Lae Siti Atoriti i no givim wanpela gutpela sevis i go long ol pipel bilong Lae.

"Na tu provinsal gavman i no tokaut long wanem samting i rong

na ol i rausim bod. Olsem na em i mas tok orait na ol bod memba i statim wok bilong ol gen long helpim ol pipel bilong Lae," Morlin i tok.

Lae Siti Menesa Jacob Sawanga i tokaut long Tunde olsem Lae Siti Atoriti em i wanpela han bilong Lae Siti Atoriti bod olsem na em i wok yet. Na sapos provinsal gavman i laik rausim bod em i mas stapim olgeta wok bilong Lae Siti Atoriti. Bikos olgeta wok i stap aninit long han bilong ol bod memba.

Olsem na Primia Titi i tokaut long dispela kibung olsem i no long taim em bai tok orait long bod i statim wok gen. Tasol Seketeri bilong dipatmen bilong Morobe, Manasupe Zurenuoc i mas kliaim tingting bilong primia

olsem dipatmen bilong Morobe bai painim aut long olgeta paul wok bilong Lae Siti Atoriti Bod bipo ol i mekim wok bilong ol.

Nau Titi i luksave pinis long hevi bilong mani long Lae Siti Atoriti. Na em i tok Lae Siti i mas lukautim ol arapela samting long pulim moa mani. Long dispela as Titi i tok em bai lukluk long givim wok bilong lukautim Lan ret na Trafik rejistri i go long han bilong Lae Siti Atoriti.

Strong bilong Wingti i gro

i kam long pes 11

wanpela vot i nogat bilip long gavman bilong Wingti, em bai hat liklik. O Wingti i ken mekim sem pasin Namaliu i bin mekim bipo.

PPP opim rot long Sandaun


WANPELA kendidet bilong Pipels Progres Pati (PPP), Bob Nitin i bin winim sia bilong Telefomin Open long Wes Sepik.

Na dispela i opim nau rot bilong PPP long Wes Sepik long 1997 nesenel ileksen. Wanpela bikpela tingting bilong provinsal PPP opis em long makim moa man bilong resis long provins.

PPP inap mekim olsem long dispela yia, tasol hevi bilong mani i pasim ol.

Olsem na long strongim dispela, provinsal kodineta bilong PPP long Wes Sepik, John Aloitch i askim nau ol bos bilong PPP long luksave long dispela na i no ken pasim tumas mani bilong pati.

Em i askim nau pati lida, Sir Julius Chan na ol pati eksekutiv long luksave long tuhat bilong ol pipel bilong Telefomin na Oksamin long gutpela wok bung wantaim bilong ol. Long dispela tasol na senis i kamap.



Lapun go pas...Tupela bikman bilong ples Pari long Sentrel provins husat bai go pas long wokim bikpela lagatoi kanu bilong Hiri Moale festival long Septemba. Foto: Sam Vulum.

Skul i no bilong painim wok mani tasol

LAIP LAIN



Dia Laiplain,

Mi wanpela long ol lain Papua Niugini husat i no gat wok. Mi laik wok long helpim ol famili bilong mi. Tasol ol i save tok "No gat wok na mani."

Mi ting olsem ol pipel bai i no inap salim pikinini bilong ol i go long skul long taim bihain. Na lainim long rit na rait.

UNEMPLOYED

Dia Pren, Bikpela wari bilong yu em long painim wok na kisim mani. Yu tok

olsem yu lainim long rit na rait tasol yu i no inap painim wok.

Sampela taim i go pinis, planti man i no save long wanem as na pikinini bilong ol i mas go long skul. Planti bilong ol i save ting olsem ol pikinini i go long skul em long kisim wok na mani.

Ol pipel i gat dispela tingting bikos long bipo taim ol man i go long skul, ol i save kisim wok long taun na plantesin. Tasol dispela i no tru olsem taim yu lainim long rit na rait bai yu painim wok. Sapos wanpela man i

ken rit na rait, em bai save long wanem samting i wok long kamap long kantri bilong em na long ovasis. Em bai painimaut tu long rot bilong kirapim ol liklik bisnis long ples olsem lukautim kakaruk, planim kopi na ol arapela liklik bisinis. Em i ken raitim pas long ol gavman opisa na kisim edvais long we bilong planim ol diwai kaikai na kisim dinau long beng.

Dispela em sampela samting ol bikpela kantri long wol i bin mekim long kamapim developmen long ples bilong ol. Ol i yusim save bilong ol long rit na rait long kain kain we. Olsem yu, yu i yusim liklik save bilong yu long raitim pas i kam long Laiplain na kisim edvais.

Mipela i bilip yu bai luksave olsem, sapos yu save long rit na rait, em bai helpim yu na ol pikinini bilong yu maski yupela i no painim wok.

Mipela i bilip olsem yu bai salim ol pikinini bilong yu i go long skul long kisim save na bihain long stretim sindaun bilong ol long ples.

Las tru, mipela i laik tok klia long yu olsem, nau long Papua Niugini yu i no inap painim wok long kisim mani. Bikos nau yet kantri bilong yumi i no gat planti wok long givim long ol man husat i painim wok.

Planti pipel bai i mas stap bek long ples na yusim gut save ol i kisim long kamapim sindaun bilong ol long ples. Statim ol liklik bisnis na kisim liklik mani long ples em sampela.

Edukesen dipatmen nau i tingting long senisim ol kos em ol i save tisim long komyniti skul na ol sumatin i ken mekim gutpela ol samting long ples taim ol i pinis long skul na i no ken tingting tumas long painim wok long taun.

LAE'S NO.1 USED CARS

PNG Motors

"No.1 Car of the Week"

Suzuki Super

carry bus 1000cc motor, 6 seater

K5,490.00

Excellent condition

In our yard we have quality, used cars at Bargain Prices, so don't delay...

| | |
|--|-------------------|
| Mazda E2200 pick up diesel - good work horse | K3,990.00 |
| Suzuki SJ410 hardtop - reg. no. BAB 036 good cheap 4x4 | K4,500.00 |
| Suzuki SJ410 hardtop - reg. no. LAA 025 rainbow colours, air conditioning | K6,500.00 |
| Toyota Dyna truck - reg. no. AEW 284 big 4 tonner, plenty of work in this truck | K11,900.00 |
| Toyota Corolla station wagon, air con, radio cassette, reg. no. AFD 897 | K4,900.00 |

PNG MOTORS

This weeks specials apply to PNG MOTORS - LAE only.

Maningulai kamap long meri Simbian

WANPELA taim long bipo tru, ol yangpela meri bilong ples Warikum long Simbian, Is Sepik provins i laik wokim ol nupela purpur. Olsem na ol i painim ston akis bilong bipo na i go long katim ol nupela lip bilong saksak.

Namel long ol dispela lain meri, i gat wanpela husat em papa na mama bilong em i bin dai pinis. Dispela meri i go long haus bilong tumbuna meri bilong em na askim long yusim ston akis bilong em.

Orait lapun i tokim em long i go bek long moning na kisim dispela akis.

Long bikmoning tru, tumbuna i kirap na senisim em yet i go olsem gutpela tamiok na hangamp antap long fran bilong dua. Taim yangpela meri i kamap long haus bilong tumbuna, em i lukim dispela tamiok na i amamas nogut tru. Long wanem, em bai katim olgeta lip bilong saksak hariap na i go bek long ples.

Em i amamas wantaim na i go bungim ol arapela meri na ol i go long bus long katim ol lip bilong saksak.

Ol i wok long katim ol lip bilong saksak i stap taim tamiok bilong dispela yangpela meri i lus na flai i go daun long wara tais. Em i painim i go tasol i no lukim wanpela samting. Tamiok i

go senis i go olsem lapun meri gen na wokabout isi i go long ples.

Olgeta meri i katim lip saksak pinis na go bek long ples, tasol tarangu ya i wok long mekim save long painim yet tamiok i stap. Mekim i go apinun nau na em i wok long tingting planti long wanem samting bai em i tokim tumbuna meri bilong em.

Apinun tru nau na em i wok about isi i go long ples na tokim lapun meri long wanem samting i kamap. Tasol tumbuna meri i orait tasol na tok long painim nupela ston akis gen. Bihain, tupela i sindaun stori i stap na lapun meri i tokim em long tupela i go painim pis long wanpela raun wara.

Long moning taim tru, tupela i go long raun wara. Tupela i pul long kanu i go na long namel, yangpela meri i laik pekpek. Olsem na lapun meri i saitim kanu i go long wanpela liklik ailan i stap klostu na yangpela ya bai go pekpek.

Tasol taim yangpela meri ya i wok long pekpek i stap, tumbuna meri bilongem i kirap kalap long kanu na pul i go bek gen long ples. Yangpela meri i kam ausait lukim olsem na singautim tumbuna bilong em. Tasol lapun meri i bekim, "Yu bin lusim ston akis bilong

mi. Nau yu painim rot bilong yu yet na i kam long ples." Mekim dispela toktok pinis na em i go long ples.

Yangpela meri ya i sindaun kra i stap na wanpela masalai pis i harim. Olsem na em i salim pikinini bilong em long kam antap sekim. Boi nogut i kam lukim dispela yangpela meri nau na i laik maritim em.

Olsem na em i givim em kaikai na mekim olgeta samting long grisim dispela yangpela meri.

Wanpela apinun bihain, em i kam bek na slip wantaim dispela yangpela meri. Olgeta taim em i mekim olsem i go na dispela yangpela meri i gat bel. Tasol em i no karim pikinini bilong man, em i karim tupela kiau bilong pisin. Em i pret nogut bai ol pukpuk i kaikaim, olsem na em i digim graun na planim dispela tupela kiau.

Wanpela moning em i go long sekim hap we em i bin planim tupela kiau na i kalap nogut long lukim tupela naispela liklik pisin i sindaun i stap. Em i go bek long haus kisim kaikai na i kam givim tupela. Na bihain em i kisim tupela i go long haus na lukautim tupela i stap i go inap tupela i bikpela.

Tasol dispela tupela pisin tu i no ol pisin nating, tupela i

save toktok tu ya. Olsem na long wanpela taim, tupela i askim mama long stori olsem tupela i kam olsem wanem na ol i stap wantaim long dispela ailan. Em i stori pinis na tupela pisin i tok long kisim mama bilong ol i go long ples bilong em. Tasol mama i pret na tokim ol long karim wanpela bikpela diwai pastaim. Tupela i mekim olsem tasol mama i pret yet. Tupela i strong i go na mama i orait long ol i ken karim em i go bek gen long ples. Olsem na tupela i karim em na flai i go kamap long ples na lusim em stret long haus. Orait tupela pisin ya i go sindaun antap long haus.

Long dispela taim, man tru bilong dispela meri long ples wantaim poro bilong em i kam bek long gaden na lukim smok i kirap long dispela haus. Olsem na tupela i spit i kam na lukluk i go insait, na meri bilong em i sindaun kukim saksak long paia i stap. Man ya i amamas nogut tru na stat askim meri ya long olgeta stori. Meri i stori pinis na man bilong em i go ausait na lukim tupela pisin ya i sindaun i stap.

Em i kirap tingim saksak meri bilong em i kukim i stap na i laik kilim tupela pisin ya.

Avisat Nien,
Wewak, E.S.P.



WANPELA taim Kanage i kalap long ka bilong wanpela waitman wantaim ol arapela wokman. Em yet i sindaun long fran. Ol i go long rot na waitman i lukim olsem klostu bensin bai pinis. Olsem na em i stapim ka na askim Kanage long tok Ingllis, "Do you know where they sell petrol?" Kanage i harim liklik olsem patrol na em i tokim waitman long Ingllis, "Yu go corner, see the hill wantaim maunten with the kapa, yu pay patrol." Waitman i paul na tokim Kanage long kalap long ka na ol i givim siksti i go long taun long painim bensin.

Aron Kwila,
KUBALIA.

Kanage i go long munlait long spak. Em i go sanap i stap na wanpela gutpela singsing i kamap. Kanage harim na leg bilong em i guria long danis. Wanpela meri i wokabout stret i kam na tupela i go aut danis. I no long taim meri askim Kanagei. Yu bilong we? Kanage i tok em bilong Wains. Olsem na meri i askim na yu bilong we? Kanage bekim mi bilong yu. Taim meri i harim olsem em i givap olgeta na kaikai han bilong Kanage.

John Karoll
KIMBE

taim bipo

by Mike Coutts

PLANTI manmeri moa long ovasis i wok long kam nau long Papua Niugini. Long wanem, ol i laik lainim na save moa long kain kalsa, laip, pasin na ol stori tumbuna bilong yumi. Tasol, namel long yumi yet, em bai i gutpela long painimaut na lukim hamas ol lain i save long ol stori tumbuna

na laip bilong yumi long bipo.

Ating mi inap tok olsem liklik namba tru. Dispela pasin em i sem tru. Long wanem, maski Papua Niugini i gat ol samting bilong ol waitman na i bihainim ol pasin waitman, kalsa, bilip na stail bilong ol tumbuna tu i stap yet.

Dispela daunpasin

long mipela i no save gut long ol stori tumbuna na pasin bilong bipo i wankain tasol olsem PNG i no gat inap buk we i stori long pasin tumbuna, laip wantaim kalsa na bilip bilong bipo taim ol waitman i no krungutim nambis bilong PNG yet.

Olsem na i bin gutpela tru taim wanpela man bilong rait na nius ripota, Mike Coutts i raitim wanpela buk long pasin, kalsa na bilip bilong bipo na ol stori tumbuna nabaut. Wantaim dispela em i putim tu ol poto bilong bipo long yia 1880 i kam inap long 1960. Olgeta poto na stori insait long dispela buk bilong em, *Taim Bipo*, i stori long Papua Niugini.

No ken ting olsem dispela buk i pulap long ol poto tasol, nogat. Em i gat tu planti ol stori, toktok na ripot bilong ritim. Ating em i nambawan buk bilong dispela ol yia em wanpela man i raitim long Papua Niugini.

Long olgeta hap i gat liklik stori bilong olgeta samting, stat long namba wan taim ol waitman i kam long Papua Niugini, i go long taim bilong bikpela wol woa, taim

bikpela maunten paia bilong Vulcan long Rabaul i pairap na kilim 500 pipel na planti arapela stori na poto moa.


Dispela buk i gat stori long laip bilong ol pipel long ples, ol taven na klab na ol kain kain ples nabaut. Em i toktok tu long taim bilong namba wan gol long kantri, ol kalsarel so na namba wan taim ol balus i pundaun long PNG. Long wanpela pes i gat stori bilong ol sip na bot long Papua Niugini. I gat wanpela poto tu bilong las bikpela lakato i kanu long nambis bilong Papua. I gat ol poto bilong ol namba wan balus na stori long rot em ol namba wan niuspepa i stat long kantri.

Mike Coutts i bin lusim longpela taim tru long bungim ol poto na raitim dispela buk. Yumi i mas amamas long kain man i mekim olsem. Tasol Coutts i no bin bihainim stret ol rot bilong salim dispela buk. Em i no wokim nem long sait bilong kisim mani, tasol em i amamas long raitim ol gutpela buk.

Imong Brooksbank i glasim buk na raitim dispela.

taim bipo

PHOTOGRAPHS FROM PAPUA NEW GUINEA 1880 - 1960



P.O. Box 1385, Port Moresby
Spring Garden Rd., Hohola.

Tele: 25 2508
25 9032

Fax: 25 2579

THE TURTLE AND THE ISLAND
Folk Tales from Papua New Guinea

collected by
DONALD S STOKES
retold by
BARBARA KER WILSON
illustrated by
TONY OLIVER

**WAS
K4.00
NOW
K2.00**

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Miri Aiori - Ext 203
John lagata - Ext 215
Kosinto Fosagu - Ext 216
Bonner Hui - Ext 202



SKUL BILONG STUAKIPA
1972 - 1992 Anniversary

Welkam long yupela olgeta

Menesmen, ol Wokman, ol Tisa na ol Sumatin i laik tok welkam long amamasim 20 Yia Aniveseri long Skul bilong Stuakipa long Sarere 25 Julai, 1992 long 10 klok moning. Bung bai kamap long

Skul bilong Stuakipa Wewak/ Yawasoro

Program:

- 10.00 am Opening
- 10.30 am Ol lain i makim Gavman na Independen Stet bilong Papua Niugini na Federal Ripablik bilong Austria bai givim ol toktok bilong ol.
- 11.30 am Bung Lotu
- 12.30 pm Belo Kaikai
- 2.00 pm Ol sumatin bilong nau na bilong bipo long S.B.S bai putim kamap ol kain kain danis na pilai long olgeta hap bilong Papua Niugini.

Ol kain kain Pilai, laki resis bilong winim ol prais na planti moa...

Mani bilong Dua: K1 long ol bikpela man na meri
K0.50 long ol Pikinini

Michael Beer Manager
Emmanuel Kouman Skul Kepten
Mike Nick Senior Teacher



Always a step ahead with

THE TIMES



Tok sori

Seketeri Mista Peter I. Peipul na ol Wokman long Dipatmen bilong Difens i laik salim tok sori bilong ol i go long Misis Jennifer Pote na ol pikinini long man na papa bilong ol husat i bin dai,

MESA DAVID POTE MOMBORO

Mesa Pote i gat 36 krismas na i bin stap wok long HETK-WATA bilong PNGDF inap long taim em i dai long 16 Julai, 1992 bihain long em i sik liklik.

EM I KEN SLIP WANTAIM BEL ISI

Peter I. Peipul
Seketeri
Dipatmen bilong Difens



Kopra Maketing Bod i gat ol sampela nupela beg bilong pulimapim kopra. Dispela ol nupela beg kopra i kam yet long Singapo. Na prais bilong wanpela em 80 toea. Na tu i gat ol nupela kain kopra draia masin i kam long Filipin Ailan. Kos bilong dispela ol masin em K650.

Dispela ol beg na masin i stap long ol opis bilong CMB long ol dispela hap:

- | | |
|--------------|-----------|
| Port Moresby | Lorengau |
| Alotau | Kavieng |
| Samarai | Namatanai |
| Lae | Rabaul |
| Finschhafen | Kimbe |
| Madang | Kandrian |
| Karkar | Buka |
| Wewak | |

DO YOU REALLY MEAN BUSINESS ?

*Then don't keep it to yourself
Tell Papua New Guinea
through*



PNG
BUSINESS

For Editorial/Advertising Enquiries:
Tel. 25-2500
Fax: 252579

HAGEN KALSAREL SO 1992

Ileksen i pinis nau na olgeta pipel bilong Westen Hailans i mas putim tingting wantaim na wok long kirapim nem bilong kalsa na ol pasin tumbuna bilong ol.

Sans bilong mekim olsem i kamap pinis long olgeta pipel bilong Westen Hailans. Ol inap soim nau olgeta arapela pipel bilong kantri na wol long taim bilong Hagen So long Sarere, 22 na Sande, 23 Ogas, 1992.

So bai i kamap tu long yaim bilong amamasim 13 Yia bilong Westen Hailans Provinsal Gavman.

Mipela bai amamas tru long kisim tu ol singsing grup bilong ol arapela provins.

I gat bilip olsem moa long 50 singsing grup bai pairapim ol kundu bilong ol long Kagamuga So Graun. Orait, na olsem wanem long grup bilong yu. Sapos yu gat laik, toktok wantaim Julie Bengi na Simon Kuk long telipon namba 52 2296 o Pam Bates long telipon namba 52 1438.

SIMON KUK
SIAMAN
SO KOMITI

WANTOK

NIUSPEFA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH. Min Aion - Ext 203
John Iagata - Ext 215
Kosinto Fosagu - Ext 216
Bonner Hui - Ext 202**1992 GOROKA SO**

1. DE 11, 12, 13 September 1992
2. PLES: Nesenel Spots Institut, Wes Goroka
3. **OL BIKPELA SAMTING:**
 - * Singsing resis em ol lain kalsarel danis grup bilong ol provins long Hailans, Nambis na Ailan rijon bai putim kamap. Prais moni: K24,000.00
 - * Soim ol samting ol tumbuna i save wokim olsem bilum, basket na kaving
 - * Soim tu ol samting na kaikai bilong gaden, ol abus na ol arapela samting bilong Agrikalsa na laipstok.
 - * Profesenel Atletiks - Goroka Gift - Hailans Mile Maraton resis
 - * Resis long sut long bunara
 - * Ol skul bai mas long ol tumbuna kolos
 - * Ol disko ben bai pilai, Pawa Ben
 - * Resis long katim diwai
 - * Ukarampa Hai Skul ben bai soim stail bilong ol
 - * Difens Fos bai autim ol paip na dram bilong ol
 - * Resis bilong Mis Goroka So
 - * Soim ol samting bilong graun, solwara na aninit long graun
4. **MOA TOKSAVE NA FOM BILONG PUTIM SAMTING. HIA EM OL LAIN BILONG LUKIM**
 - * Ples bilong Slip - Bird of Paradise Hotel (Warren Daniels Ph: 72 1144)
 - * Wokim liklik haus na salim ol samting - Seketeri Ph: 72 1999.
 - * Singsing resis - Seketeri Ph: 72 1999
 - * Miss Goroka So - Mrs. Lola Mcghee Ph: 72 2925
 - * Soim ol Agrikalsa samting - Ian Mopafi Ph: 72 1704
 - * Katim diwai - Gabriel Waranu Ph: 72 2193
 - * Ol pilai olsem atletik - Samu Sasama - NSI Ph: 72 2391
 - * Soim ol samting bilong graun, Solwara na aninit long graun - Gilll Marshal Ph: 72 2128
 - * Disko resis - Pawa ben, Strin ben resis - Pat Siwi Ph: 72 1268



**Sapos yu no klia, ringim
So Seketeri
long telepon - 72 1999**

INTANESENEL SEMINA/KOS

long

**SENIS I KAMAP NAU
LONG WOK BILONG
PAINIM WEL**

Long mun Septemba bilong dispela yia, wanpela semina na kos long ol kain kain bensin na wel bai kamap long Papua Niugini. Dispela kos na semina i kamap tu long wankain taim em kantri i stat long salim wel i go long ovasis. Ol lain husat i go pas long kamapim dispela semina na kos em Dipatmen bilong Atoni Jenerel, Lo Rifom Komisen, Lo Fokalti bilong UPNG na Trensnesenel Kopresen Sekta bilong Ekonomik na Sosol Developmen Divisen bilong Yunaited Nesens.

Het tok bilong dispela semina na kos long tok inglis em "The Changing Environment of Petroleum Arrangements". Na ol samting bilong toktok long taim bilong dispela semina em:

1. Tok orait bilong Kutubu Wel Projek: Sapos dispela em i gutpela eksampel o piksa bilong ol arapela liklik kantri olsem PNG long bihainim o no gat?; na
2. Ol Toktok bilong husat bai Papa long ol Samting i kamap long Wok bilong Wel.

Dispela semina na kos bai i sut long mekim ol pipel i luksave long wanem samting wok bilong ol inap kamapim long Papua Niugini. Olsem bai ol inap toktok long ol samting bilong mekim dispela wok i go het moa yet. Ol bai lukluk na glasim tu ol kain lo na polisi we i save karamapim ol dispela kain gol, kopa na wel projek. Na wanem helpim na hevi ol dispela projek inap bringim long ol komyuniti, pipel na kantri.

Ating planti lain husat bai kamap long dispela semina na kos em ol loya na bikpela saveman. Namel long ol tu bai i gat ol saveman bilong lo na bisnis i kam long ol dipatmen bilong Praim Minista, Minerels na Eneji, Atoni Jenerel, Fainens na Plening, ol

Provinsal Gavman, na ol arapela oganaisesen olsem long MRDC, UPNG na Yunitek.

Dispela semina bai lukluk tu long ol kain hevi i kamap long ol lo long wok bilong painim gol, kopa na wel long Papua Niugini bihainim ol dispela samting:

- a). long larim ol lida na wan wan man na meri long autim tingting long wanem lo ol i gat long en; olsem bai dispela inap;
- b). kirapim bel bilong ol pipel long luksave long wanem samting i kamap long wok bilong painim gol, kopa na wel long kantri.

Long taim bilong dispela semina bai i gat wanpela trening kos tu bilong ol Pablik Opisa husat i save wok long ol Nesenel na Provinsal Gavman Dipatmen.

Moa tok save bilong dispela semina na kos bai kamap long ol radio, televisen na niuspepa long taim bihain. Husat i laik save moa long dispela i ken salim pas i go long Dokta John Nongorr, Nesenel Kodineta, Join Oganaising Komiti bilong Semina, c/- Lo Fokalti, P.O. Box 320, UPNG.

POMAT PALIAU, ISO
Seketeri
Dipatmen bilong Atoni Jenerel.



BENSON & HEDGES SOFTBALL

Wantok



•Mangi Fuji ya i bin taitim olgeta bun na redi long flaim bal tasol em i abrusim. Strong-pela pilai i bin kamap namel long tim bilong em na ol NGI long Bisini Sofbal graun long las wik Sarere. Ol NGI i bin pilai strong na winim ol mangi Fuji ya. Poto : Ivan Bayagau.

Gordons bagarapim Marianville long anda 18

JUNIA SOFBAL RIPOT

MESERY GUBAG i raitim

WANPELA strongpela pilai i bin kamap namel long ol anda 18 meri bilong Gordons na Marianville long Sarere, Julai 18 long Bisini sofbal graun.

Ol sapota tu i bin kilim skin long singaut long sait na mekim pilai i go nais tru. Long stat bilong pilai, ol meri Marianville i no westim taim. Ol i lokim ol meri Gordons gut tru na ol tarangu ya i no bin gat spes long pulim win na pilai.

Bekstop Winifred Varpam na pitsa Christine Takura bilong Marianville i bin kamapim wanpela gutpela tim wok tru na givim hatpela taim long Gordons. Takura i wok long givim straik bal na TKO long ol meri Gordons. Na ol i wok long let long paitim bal. Varpam wantaim gutpela han bilong em i holim bal gut na i no givim sans liklik long ol meri Gordons long ron. Taim ol i laik ron, Mary Diapo long namba wan bes i autim ol. Long wanem, bal i stap pinis wantaim em.

Long namba foa raun, skoa i bin stap olsem, Marianville 6 na Gordons 4. Na i bin luk olsem pilai ya i bilong ol meri Marianville stret. Tasol dispela i no bin kamap olsem.

Sotstap bilong ol meri Gordons, Stephanie Sete i kisim tupela pren bilong em, Flora Kara na Teresa Awa i kam long hom bes. Bal em i paitim i abrusim het bilong Goretti Vaki, Penelope Bure na Helen Apelis long autfil na ol i no inap holim.

Long las raun bilong pilai, Stephanie i bin kilim bodi na mekim wanpela hom ran. Na dispela i winim pilai bilong ol Gordons long 7 na Marianville 6.

Long ol narapela gem bilong ol junia sofbal long resis bilong ol anda 15, Gerehu 11 i winim Mada-ha 5, De La Salle 14 i bagarapim Malangan 9 na Fuji 7 i lus long NGI 10.

Long ol anda 18 divisen, Gerehu 8 i wilwilim Gordons high 7 na Don Bosco II 5 i salim long Laloki 38.

Long gem bilong ol meri long anda 15, Yunivesiti 14 i waraim Malangan 2, SenPeters 0 i salim long Marianville 7. Long ol anda 18 meri, Gerehu 0 i lus long Yunivesiti 7, Elcom 9 i katim Laloki 2, Laloki 7 i mekim save long Gerehu 0.



•Kain sindaun bilong Winifred Varpam bilong Marianville i mekim na ol i lus long han bilong Teresa Awa wantaim ol gel bilong em long Gordons Haiskul 7-6.

BOMANA OFF-SEASON SOFTBALL 26.07.97 WEEK SEVEN

| TIME | GRADE | TEAM | GROUND |
|--------|-------|-------------------------|--------|
| 1.00pm | A | Bomana 2 vs Bomana 1 | D1 |
| 1.00pm | A | Gordon 1 vs G Village 1 | D2 |
| 3.00pm | A | McGregor 1 vs Prontos | D1 |
| 3.00pm | A | Wild Duck vs Dog Unit | D2 |



•Tupela Benard bilong NGI tim bilong anda 15 i traिम long holim bal long namba tri bes. Kain stail bilong ol dispela manki Tolai olsem na ol i bagarapim sindaun bilong Fuji 10-7.

BENSON & HEDGES SOFTBALL

PORT MORESBY SOCCER LADDER

Progressive Points Ladder: Premier Division Week 12
July 18/19

| Teams | GP | Win | Draw | Loss | GF | GA | Pts |
|----------|----|-----|------|------|----|----|-----|
| Guria | 12 | 8 | 3 | 1 | 22 | 9 | 21 |
| Uni | 12 | 7 | 4 | 1 | 28 | 8 | 25 |
| K/Andra | 12 | 7 | 2 | 3 | 16 | 13 | 23 |
| Westpac | 12 | 5 | 4 | 3 | 23 | 17 | 19 |
| Rapatona | 12 | 5 | 4 | 3 | 20 | 17 | 19 |
| G.F.C | 12 | 4 | 4 | 4 | 22 | 15 | 16 |
| Koupa | 12 | 4 | 3 | 5 | 18 | 30 | 15 |
| B/Kumuls | 12 | 3 | 3 | 6 | 13 | 21 | 12 |
| Sobou | 12 | 3 | 2 | 7 | 12 | 23 | 11 |
| Amalpak | 12 | 2 | 5 | 5 | 14 | 21 | 11 |
| B.F.C | 12 | 2 | 3 | 7 | 18 | 24 | 9 |
| Golo | 12 | 2 | 3 | 7 | 13 | 25 | 9 |

First Division Week 13

| | | | | | | | |
|---------------|----|---|---|----|----|----|----|
| Verave | 13 | 9 | 1 | 3 | 33 | 14 | 28 |
| PTC | 13 | 8 | 4 | 1 | 27 | 7 | 28 |
| Moukasi | 13 | 8 | 3 | 2 | 26 | 18 | 27 |
| Bao-Mitas | 13 | 7 | 3 | 3 | 21 | 12 | 24 |
| Sunam | 13 | 7 | - | 6 | 22 | 28 | 21 |
| Maset | 13 | 6 | 2 | 5 | 27 | 24 | 20 |
| Amazon Bay | 13 | 5 | 4 | 4 | 19 | 17 | 19 |
| Tarangau | 13 | 4 | 4 | 5 | 15 | 17 | 16 |
| Wanzesi | 13 | 3 | 6 | 4 | 14 | 18 | 15 |
| S.T.C | 13 | 3 | 4 | 6 | 14 | 21 | 13 |
| Kula | 13 | 3 | 4 | 6 | 15 | 18 | 13 |
| Defence | 13 | 3 | 3 | 7 | 15 | 23 | 12 |
| Boroko United | 13 | 3 | 2 | 8 | 15 | 23 | 11 |
| PS Roots | 13 | 1 | 2 | 10 | 10 | 32 | 5 |

Second Division Week 13

| | | | | | | | |
|---------------|----|----|---|----|----|----|----|
| Walia | 14 | 11 | - | 3 | 36 | 15 | 33 |
| K/Krama M | 14 | 9 | 4 | 1 | 41 | 9 | 31 |
| Mt Obree | 14 | 9 | 3 | 3 | 34 | 15 | 30 |
| Fisika | 14 | 8 | 5 | 1 | 30 | 12 | 29 |
| Hoods | 13 | 9 | 2 | 2 | 18 | 8 | 29 |
| P.M.G.H | 14 | 6 | 4 | 4 | 20 | 22 | 22 |
| Maniota | 14 | 6 | 4 | 4 | 26 | 17 | 22 |
| Gala United | 14 | 6 | 3 | 5 | 14 | 18 | 21 |
| Buresong | 13 | 5 | 5 | 3 | 14 | 13 | 20 |
| Tubi | 14 | - | 4 | 6 | 18 | 19 | 16 |
| Losegu | 14 | - | 3 | 7 | 14 | 27 | 15 |
| T Yellow Page | 14 | 6 | 5 | 17 | 23 | 15 | 15 |
| Cloudy Bay | 14 | 2 | 8 | 4 | 19 | 20 | 14 |
| Elcom | 14 | 2 | 7 | 5 | 12 | 25 | 12 |
| Bao-Mitas | 14 | 3 | 3 | 9 | 14 | 37 | 9 |
| Keroro | 14 | 2 | 1 | 11 | 9 | 43 | 7 |
| Watamads | 14 | 1 | 2 | 10 | 6 | 40 | 5 |

Premier Reserve Week 12

| | | | | | | | |
|----------|----|---|---|---|----|----|----|
| Golo | 12 | 8 | 1 | 3 | 15 | 8 | 25 |
| G.F.C | 12 | 7 | 3 | 2 | 26 | 6 | 24 |
| Amalpak | 12 | 7 | 1 | 4 | 21 | 16 | 22 |
| K/Andra | 12 | 6 | 3 | 3 | 19 | 10 | 21 |
| B.F.C | 12 | 6 | 2 | 4 | 19 | 10 | 21 |
| Guria | 12 | 5 | 5 | 2 | 18 | 13 | 20 |
| Uni | 12 | 6 | - | 6 | 14 | 17 | 18 |
| Rapatona | 12 | 5 | 1 | 6 | 12 | 19 | 16 |
| Westpac | 12 | 3 | 3 | 6 | 14 | 22 | 12 |
| Koupa | 12 | 3 | 3 | 6 | 11 | 20 | 12 |
| Sobou | 12 | 2 | 4 | 6 | 12 | 16 | 10 |
| B/Kumuls | 12 | 3 | - | 9 | 12 | 20 | 9 |

Under 19 Division Week 12

| | | | | | | | |
|-------------|----|----|---|---|----|----|----|
| B/Kumuls | 14 | 11 | 2 | 1 | 28 | 6 | 35 |
| G.F.C | 14 | 9 | 4 | 1 | 26 | 11 | 31 |
| Golo | 14 | 8 | 4 | 2 | 27 | 22 | 28 |
| Guria | 14 | 7 | 3 | 4 | 24 | 15 | 24 |
| Sobou | 14 | 7 | 2 | 5 | 16 | 13 | 23 |
| Westpac | 13 | 7 | 2 | 4 | 20 | 10 | 23 |
| Maset | 11 | 6 | 3 | 2 | 22 | 10 | 21 |
| Rapatona | 14 | 5 | 3 | 4 | 22 | 20 | 20 |
| Amalpak | 14 | 5 | 3 | 6 | 14 | 13 | 18 |
| Mt Obree | 13 | 4 | 3 | 6 | 14 | 20 | 14 |
| Kaupa | 13 | 4 | 2 | 7 | 14 | 20 | 14 |
| K/Andra | 14 | 4 | 3 | 7 | 17 | 19 | 12 |
| Uni | 14 | 3 | 3 | 8 | 10 | 22 | 12 |
| B.F.C | 14 | 3 | 2 | 9 | 8 | 24 | 11 |
| Bao-Mitas | 11 | 2 | 2 | 7 | 7 | 14 | 11 |
| Gala-United | 12 | 2 | 2 | 8 | 11 | 26 | 8 |

Women Division Week 12
July 18/19

| | | | | | | | |
|----------------|----|----|---|----|----|----|----|
| Wanzesi | 11 | 10 | - | 2 | 35 | 2 | 30 |
| PTC | 12 | 10 | - | 1 | 39 | 7 | 30 |
| Sunam | 13 | 9 | 2 | 2 | 22 | 6 | 29 |
| Waliya | 12 | 8 | 2 | 2 | 28 | 9 | 29 |
| G.F.C | 11 | 8 | 1 | 2 | 38 | 8 | 25 |
| Uni | 12 | 7 | 4 | 1 | 34 | 8 | 25 |
| Guria | 11 | 8 | 1 | 2 | 31 | 8 | 25 |
| Amalpak.M.U | 12 | 7 | 2 | 3 | 33 | 9 | 23 |
| Sobou | 12 | 7 | - | 5 | 37 | 9 | 21 |
| K/Andra | 12 | 6 | 1 | 5 | 11 | 17 | 19 |
| Sogeri N.H.S | 12 | 4 | - | 8 | 18 | 27 | 12 |
| Tarangau | 11 | 3 | 2 | 6 | 7 | 32 | 11 |
| B.F.C | 12 | 3 | 2 | 7 | 6 | 22 | 11 |
| B/Kumuls | 10 | 3 | 1 | 7 | 6 | 28 | 10 |
| Kula | 11 | 3 | 1 | 7 | 6 | 28 | 10 |
| P.M.G.H | 10 | 2 | 2 | 6 | 7 | 22 | 8 |
| Golo | 13 | 1 | 1 | 11 | 2 | 32 | 3 |
| T. Yellow Page | 12 | - | 1 | 11 | 3 | 33 | 1 |
| Koupa | 12 | - | 1 | 11 | 1 | 46 | 1 |

**PORT MORESBY SOCCER SATURDAY
25th JULY 1992.**

| TIME | DIV | GR | FIXTURE |
|-------|---------|----------|-------------------------|
| 9.00 | Reserve | Bisini 1 | Sobou Vs K/Andra |
| 10.15 | U/19 | Bisini 1 | B/Mitas Vs Golo |
| 11.40 | women | Bisini 1 | Sunam Vs P.T.C |
| 1.05 | Second | Bisini 1 | Buresong Vs Kinhill K.m |
| 2.30 | First | Bisini 1 | Verave Vs Kula |
| 4.05 | Premier | Bisini 1 | G.F.C Vs Golo |
| 9.00 | U/19 | Bisini 2 | Koupa Vs Sobou |
| 10.15 | Second | Bisini 2 | T/yellow P Vs Mt. Obree |
| 11.40 | women | Bisini 2 | Golo Vs Wanzesi |
| 1.05 | First | Bisini 2 | Moukasi Vs Boroko UTD |
| 2.30 | First | Bisini 2 | Wanzesi Vs Amazon Bay |
| 4.05 | Premier | Bisini 2 | Guria Vs B.F.C |
| 9.00 | Reserve | G.F.C | Guria Vs B.F.C |
| 10.20 | Women | G.F.C | Guria Vs Koupa |
| 11.45 | Women | G.F.C | G.F.C Vs P.M.G.H |
| 1.15 | Second | G.F.C | Losegu Vs Gala UTD |
| 2.45 | Second | G.F.C | Elcom Vs Amazon Bay |
| 4.15 | Second | G.F.C | Hoods Vs Tubi |
| 9.00 | U/19 | Defence | Maset Vs B/Kumuls |
| 10.20 | U/19 | Defence | K/Andra Vs Westpac |
| 11.45 | U/19 | Defence | Mt.Obree Vs Gala UTD |
| 1.15 | Women | Defence | Tarangau Vs B.F.C |
| 2.45 | U/19 | Defence | Amalpak Vs G.F.C |
| 4.15 | U/19 | Defence | Guria Vs Uni |

SUNDAY 26th JULY 1992.

| TIME | DIV | GR | FIXTURE |
|-------|---------|----------|-----------------------|
| 9.00 | Reserve | Bisini 1 | Uni Vs B/Kumul |
| 10.30 | First | Bisini 1 | S.T.C Vs Maset |
| 12.00 | First | Bisini 1 | Defence Vs P.T.C |
| 1.45 | Premier | Bisini 1 | Uni Vs B/Kumuls |
| 3.30 | Premier | Bisini 1 | Amalpak Vs Koupa |
| 9.00 | Second | Bisini 2 | G/Bay Vs Maniota |
| 10.30 | First | Bisini 2 | Bao/Mitas Vs Tarangau |
| 12.00 | First | Bisini 2 | P.S Roots Vs Sunam |
| 1.45 | Premier | Bisini 2 | Rapatona Vs Westpac |
| 3.30 | Premier | Bisini 2 | Sobou Vs K/Andra |
| 9.00 | Reserve | G.F.C | Amalpak Vs Koupa |
| 10.20 | Reserve | G.F.C | Rapatona Vs Westpac |
| 11.15 | Reserve | G.F.C | Golo Vs G.F.C |
| 1.15 | Second | G.F.C | Fisika Vs Watamads |
| 2.45 | Second | G.F.C | B/Mitas Vs P.M.G.H |
| 4.45 | Second | G.F.C | Keroro Vs Waliya |
| 9.00 | U/19 | Defence | Westpac Vs Koupa |
| 10.00 | Women | Defence | S/N.C.H Vs Uni |
| 11.30 | U/19 | Defence | Rapatona Vs B.F.C |
| 1.00 | Women | Defence | Waliya Vs Kula |
| 2.30 | Women | Defence | B/Kumul Vs L/Yellow P |
| 4.00 | Women | Defence | Sobou Vs K/Andra |

**MT HAGEN SOCCER ASSOCIATION
WEEKEND RESULTS**

| | |
|---|---|
| Juniors: Westpac 2 - Sunam 1 Wantoks 1 - Kalibobo 0 H/United 3 - BFC 2 | Women: Tarangau 5 - H/United 1 Wantoks 2 - Kalibobo 0 |
| Reserve: H/United 2 - BFC 2 Tarangau 3 - Kalibobo Westpac 4 - Wantoks 0 | Seniors: Kalibobo 6 - Tarangau 1 H/United 1 - BFC 1 Westpac 3 - Wantoks 2 |

WEEKEND DRAW:

| | | |
|--------------------------------|--------------------------------|--------------------------------|
| Date: 25.7.92 | Ground One | Ground Two |
| 12.30 Squad vs BFC | 12.30 Wom: Sunam vs Kalibobo | 2.00 Jnr: Sunam vs BFC |
| 2.00 Westpac vs T/Gau | 3.30 Jnr: W/pac vs Wantoks | |
| 3.30 Kibobo vs H/Ut | | |
| Sun: 26.7.92 | 12.30 Snr: Sunam vs Wantoks | 12.30 Wom: Wantoks vs H/United |
| 2.00 Snr: Westpac vs Tarangau | 2.00 Jnr: Kalibobo vs H/United | |
| 3.30 Snr: Kalibobo vs H/United | 3.30 Res: Sunam vs Wantoks | |

BFC - Snr: Res on Bye
Tarangau - won on Bye

Note:
Mt Hagen Soccer Association fund raising dance at Kimininga Lodge on Sat 25-7.92. Entry by ticket only K10 per head.
CONTACT: Joe Kimat on 55 1336 or the president on 52 1877 for tickets.

**MADANG SOCCER ASSOCIATION
WEEKEND DRAW**

Sunday July 25

| Time | Grades | Teams | Ground | Referee |
|-------|---------|--------------------|--------|------------|
| 10.00 | U/19 | Panfun vs Mimlon | 1 | C. Wann |
| 11.15 | U/19 | PX vs M.T.C | 1 | C. Tuari |
| 12.30 | Res | Adguria vs Panafun | 1 | T. Maripai |
| 2.30 | Premier | Adguria vs Panafun | 1 | B. Pongo |
| 4.30 | Premier | Momase vs Waskia | 1 | A. Magim |
| 10.00 | U/19 | M/Blues vs Adguria | 2 | Gerry |
| 11.00 | U/19 | K/Andra vs Waskia | 2 | F. Tuwedeu |
| 12.30 | Res | Watabag vs M/Blues | 2 | C. Wann |
| 1.30 | Res | Mimlon vs PX | 2 | R. Hamandr |
| 2.30 | 1st Div | diwai vs Godau | 2 | b. Pongo |
| | | (wash out game) | | |

Sunday July 25

| | | | | |
|-------|---------|--------------------|---|------------|
| 10.00 | U/19 | Spider vs Waskia | 1 | Gerry |
| 11.15 | Wom | Panafun vs K/Andra | 1 | A. Magim |
| 12.30 | Res | Mimlon vs PX | 1 | F. Tuwedeu |
| 2.30 | Prem | Watabag vs M/Blues | 1 | P. Marika |
| 4.30 | Prem | Mimlon vs PX | 1 | A. Maganim |
| 10.00 | U/19 | Watabag vs Momase | 2 | T. Maripau |
| 11.15 | Wom | Momase vs M.T.C | 2 | C. Tuari |
| 12.30 | Wom | Watabag vs Waskia | 2 | C. Wann |
| 2.30 | Wom | M/Blues vs P.T.C | 2 | R. Homandi |
| 4.30 | 1st Div | Diwai vs Safico | 2 | C. Tuari |
| | | (Wash - out game) | | |

Women Adguria "Bye".

**LAE FOOTBALL ASSOCIATION
PRESIDENT'S CUP**

Thursday 23 July, 1992.

| Time | Ground | Division | Fixtures | Pool |
|-------|------------|----------|---------------------|------|
| 09.00 | 1 LFA Park | U/19 | Gaziga vs Buresong | A |
| 09.00 | 2 LFA Park | U/19 | Defence vs Goro | A |
| 10.15 | 1 LFA Park | U/19 | Poro vs Wullet | B |
| 10.15 | 2 LFA Park | U/19 | Nadzab vs Bugandi | B |
| 11.30 | 1 LFA Park | U/19 | Jaura vs Kawa Utd | A |
| 11.30 | 2 LFA Park | U/19 | Defence vs Wullet | A |
| 12.45 | 1 LFA Park | U/19 | Mitif vs Nadzab | B |
| 12.45 | 2 LFA Park | U/19 | Bugandi vs Wullet | B |
| 02.00 | 1 LFA Park | U/19 | Kawa Utd vs Goro | A |
| 02.00 | 2 LFA Park | U/19 | Gaziga vs Jaura | A |
| 03.15 | 1 LFA Park | U/19 | Mitif vs Wullet | B |
| 03.15 | 2 LFA Park | U/19 | Poro vs Bugandi | B |
| 04.30 | 1 LFA Park | U/19 | Defence vs Kawa Utd | A |
| 04.30 | 2 LFA Park | U/19 | Buresong vs Jaura | A |

Saturday 25 July, 1992.

| | | | | |
|-------|------------|------|----------------------|---|
| 10.00 | 1 LFA Park | U/19 | Poro vs Nadzab | B |
| 10.00 | 2 LFA Park | U/19 | Mitif vs Bugandi | B |
| 11.15 | 1 LFA Park | U/19 | Goro vs Gaziga | A |
| 11.15 | 2 LFA Park | U/19 | Defence vs jaura | A |
| 12.30 | 1 LFA Park | U/19 | Nadzab vs Wullet | B |
| 12.30 | 2 LFA Park | U/19 | Mitif vs Poro | B |
| 01.45 | 1 LFA Park | U/19 | Kawa Utd vs Gaziga | A |
| 01.45 | 2 LFA Park | U/19 | Buresong vs Goro | A |
| 03.00 | 1 LFA Park | U/19 | Curtain Raiser | |
| 03.00 | 2 LFA Park | U/19 | No Game | |
| 03.30 | 1 LFA Park | U/19 | Defence vs Gaziga | A |
| 03.30 | 2 LFA Park | U/19 | Jaura vs Goro | A |
| 05.00 | 1 LFA Park | U/19 | Curtain Raiser | |
| 05.30 | 2 LFA Park | U/19 | Kawa Utd vs Buresong | A |

Sunday 26 July, 1992

| | | | | | |
|-------|------------|------|------------------------|----|----------------------|
| 09.00 | 1 LFA Park | U/19 | Winner Pool A | vs | Runner up Pool B |
| 09.00 | 2 LFA Park | U/19 | Winner Pool B | vs | Runner up Pool A |
| 10.15 | 1 LFA Park | U/19 | Lae Womens squad trial | vs | 4th Place |
| 11.45 | 2 LFA Park | U/19 | Play off 3rd | vs | Lae Mens squad trial |
| 01.15 | 1 LFA Park | U/19 | Play off ist | vs | 2nd Place |
| 03.15 | 2 LFA Park | U/19 | Presentation | | |

Anda 19 Presiden Kap stapim ol LFA gem

MESERY GUBAG I raitim

LAE bai lukim ol anda 19 soka klap bilong en i resis long Presidents kik long dispela wiken.

Olsem na olgeta narapela divisen bilong Lae Futbol Asosiesen bai i no inap pilai. Ol bai pilai long neks wik.

Tim husat bai pilai long difendim dispela Kap nau em Jaura. Ol i bin winim dispela taitel long 1989. Tasol sampela hevi i bin kamap long 1990 na

1991 na resis bilong Presidents Kap i no kamap.

LFA i brukim anda 19 divisen i go long pul A na pul B. Na insait long pul A, 8-pela tim bai pila. Ol tim ya em Gaziga, Buresong, Defence, Goro, Jaura na Kawa Yunaited. Ol tim long pul B em Poro, Wullet, Nadzab, Bugandi na Mitif.

Dispela kap i save stap long han bilong ol presiden bilong LFA. Olsem na presiden bilong dispela yia, John Tekka bai go pas long dispela resis.

Bikos ren i bagaapim pilai long las wik, sampela ol tim i bin pilai namel long dispela wik. Na sampela bai pilai gen long wik bihain.

Tarangau rausim ai bilong Hagen kwin

KWIN bilong ol meri long Hagen soka, Hagen United i bin kisim taim long han bilong ol meri Tarangau.

Tarangau i bin pasim olgeta rot bilong United na wilwilim ol wantaim 5 gol na United i bekim tasol wanpela. Hagen United i bin lusim dispela gem bikos ol i no save kamap long trening.

Na long tupela divisen bilong ol man, Westpac yet i wok long go pas long poin lata. Las wiken, junia tim bilong Westpac i bin nekim Sunam 2-1 long kisim poin bilong ol i go antap.

Primia tim bilong Westpac tu i bin winim Wantoks na dispela i mekim Westpac i stap namba wan nau long poin lata.

Westpac i bin laki tru long sutim tupela gol long namba tu hap. Wantoks i bin givim hat taim long Westpac taim ol i sutim namba wan gol. Tasol Westpac i bekim hariap na sutim gen namba tu gol

bilong ol na kisim skoa i go antap 2-1 long haptaim.

Bihain, Westpac i no strong na Wantoks i bekim namba tu gol bilong ol. Gem i ron gut tasol beklain bilong Wantoks i no strong olsem na Westpac i sutim gen namba tri. Fultaim skoa, Westpac 3 i winim Wantoks 2.

Long ol arapela gem long primia divisen, Kalibobo i winim Tarangau 6-1 na BFC i dro wantaim Hagen United 1-1.

BFC bihain long ol i lus long United long namba wan raun i bin wok hat tru na holim lek bilong United. Namba wan gol bilong BFC i bin kam long Mukite Manggin.

Tasol Kalibobo i bin bekim dispela gol long namba tu hap na stapim sans bilong BFC long win.

Kerema statim ol raun tu kik

KIK bilong raun tu long Kerema i bin stat long las wiken.

Long namba wan gem, pilai i bin stap namel long Medix na Delta. Delta husat i wok long go pas long poin lata i bin kisim taim stret. Ol marasin boi i no marimari na wilwilim ol 4-1.

Namba tu gem i bin stap namel long NCY na IYS. Tupela tim wantaim i bin kamapim gutpela kik na dro 1-1.

Narapela bikpela gem i bin stap namel long Works na Blu Kumul. Stat long namba wan wisil, Blu Kumuls i no lukluk bek. Ol i mekim save stret na sutim tupela gol long namba wan hap bilong kik. Na long

namba tu hap, ol i putim moa pawa na stapim olgeta rot bilong Works long sutim gol.

Blu Kumuls i bin mekim difens bilong Works i slek na sutim narapela tupela gol gen. Dispela i kisim skoa bilong ol i go antap long 4 na Works 0.

Bikpela gem bilong Sarere apinun i bin stap namel long Niu Galp na Spy Panthers. Panthers i bin kamapim gutpela kik tru na daunim Niu Galp. Panthers long wanpela wik i go pinis i bin nekim Delta long 3 gol na Delta i bekim wanpela tasol.

Na long las wiken, Panthers i yusim wankain stail bilong kik na rausim tiket bilong Niu Galp, 3-1.

Kokopo rausim tripela klap long resis

GODFRIED NIAKA i raitim

KOKOPO Soka Asosiesen i rausim pinis tripela klap long stap insait long resis.

Presiden bilong Kokopo Soka Asosiesen, Mathew Palah i tok asosiesen i rausim ol dispela tripela klap bikos ol i no baim yet ol afiliesen fi o mani bilong klap.

Dispela ol dispela tripela klap em Channel Koles, Muri na Morobe Yunaited. Em i tok olsem long stat bilong resis long dispela yia, i bin gat 8-pela klap. Tasol nau i gat 5-pela tasol bihain long ol i

rausim tripela.

Em i tok dispela i no rong bilong em o asosiesen. Em i rong bilong ol klap yet. Long wanem, Palah i tok, asosiesen i bin askim olgeta klap long baim ol afiliesen fi bilong ol taim raun wan i pinis. Ol narapela 5-pela i baim tasol ol dispela tripela i no mekim. Olsem na asosiesen i rausim ol long soka dro bilong dispela yia.

Long nau yet, Palah i tok ol gem bilong raun wan i pinis na ol tim i go insait long stat bilong raun tu. Em i tok asosiesen bai skruim pilai i go long raun tri. Dispela long wanem i gat inap taim i stap bilong ol 5-pela tim long pinisim raun tu na go insait long raun tri. Bihain long dispela, olgeta tim bai redi gen long ol fainal long mun Septemba.

Westpac holim lek bilong Kurti Andra long Mosbi

WINIS MAP i raitim

PRIMIA tim bilong Westpac long las wiken i bin kamapim gutpela kik tru long statim raun tu bilong em long Mosbi soka.

Westpac i no larim Kurti Andra long winim ol na i go antap long poin lata. Olsem na ol i stapim olgeta rot bilong Moyap Francis long sutim gol.

Long namba wan hap bilong kik, Westpac i bin painim liklik spes na brukim namba wan kiau. Dispela gol i bin kam long Vincent David taim Mondi Kalong i setim em.

Tingting bilong ol boi Kurti Andra i no bin stret taim David i sutim dispela gol na ol i stat kik strong long bekim. Tasol ol i no bin gat sans long bekim dispela gol.

Bihain long haptaim, Kurti Andra i stat kirapim gen das. Na long sampela minit bilong kik, John Lelai i kam insait na senisim Willie Pais long wing.

Kwiktaim tru i kirapim ol ensin bilong em na stat brukim banis bilong Westpac. Em i pilai hat tru na painim rot bilong em i go long banis bilong Westpac long sutim namba wan gol bilong Kurti Andra.


I no longtaim, Kawetan "Teksi" Pombuai i suvim het i go klostu long maus bilong umben na ol boi Westpac i mekim liklik paul pilai long em. Olsem na referi i givim penelti long Kurti Andra. Na Posenei N'Drihin i kikim i go insait.

Westpac i wari long dispela gol na kik strong gen long bekim. Golkipa bilong Westpac, John Sevese, i bin putim strongpela banis na i no givim sans long Kurti Andra.

Westpac i bekim namba tu gol bilong Kurti Andra na tupela i dro 2-2.



• Dispela pilala bilong Wanzezi i no laik westim taim na rausim bal hariap tru pastaim long birua pilala bilong em long Kula i kam kisim bal long em long Mosbi soka resis.



• Kas nogut bilong Kula wantaim bal i ranawe long wanpela pilala bilong Wanzezi. Tasol tim bilong em i no strong tumas na ol i dro 1-1 long Mosbi las wiken. Foto Ivan Bayagau

Hagen na Goroka i no inap salim tim long sempionsip

WINIS MAP I raitim

I GAT bilip olsem planti senta bai i no inap salim tim bilong ol i go pilai long Rabaul long bikpela sempionsip bilong ol meri.

Sampela senta i tingting long stapim ol pilaia long go kik long Rabaul bikos ol i bilip olsem em bai kostim ol bikpela mani tru.

Tupela asosiesen long hailans i tokaut pinis olsem ol i no inap salim tim bilong ol i go pilai long Rabaul. Dispela tupela asosiesen em Hagen na Goroka.

Presiden bilong Goroka Soka Asosiesen, Mathew Waram i no laikim tingting bilong Papua

Niugini Futbol Asosiesen (PNGFA) long kisim kik bilong ol meri i go long Rabaul.

Long wanpela pas em i salim i go long PNGFA long las wik, Waram i bin askim strong PNGFA long senisim tingting bilong ol na kisim kik i go long Lae o Goroka.

Waram i bin mekim dispela askim bikos em i bilip olsem planti senta bai i no inap go long Rabaul. Em i tok PNGFA i no ken wari tumas long holim sempionsip, tasol, em i mas tingting long kamapim soka long olgeta hap bilong kantri.

Em i tok soka long kantri bai i no inap kamap gut sapos ol liklik senta i no kisim sans bilong stap insait long ol bikpela sempionsip.

Waram i tok em yet i laikim kik i go bek long Goroka bikos ol i baim pinis afiliesen fi long PNGFA. Em i tok PNGFA i mas lukluk long askim bilong em bikos Goroka i bin gat liklik hevi na ol i no baim hariap afiliesen fi.

Em i tok, Goroka i bin i gat hevi long baim K2000 long NSI bikos NSI i bin tokim ol long baim dispela fi. Na sapos ol i no baim, ol bai i no inap yusim fil. Olsem na ol i bin painim taim gen long kisim narapela K1000 long baim afiliesen fi.

Waram i tok PNGFA i mas lukluk long dispela hevi bilong GSA na senisim tingting bilong em pastaim long kik i kamap.



• Dispela pilala bilong Maset i putim al bilong em long bal. Tim bilong em i no strong na Moukasi i winim ol 2-1 long kik bilong namba wan divisen long Mosbi soka, long las wiken.

MADANG SOCCER ASSOCIATION POINTS LADDER:

| Teams | P | W | D | L | F | A | P |
|------------|---|---|---|---|----|----|----|
| Momase | 8 | 6 | 2 | - | 8 | 1 | 14 |
| PTC | 8 | 4 | 3 | 1 | 9 | 4 | 11 |
| Waskia | 8 | 3 | 4 | 1 | 11 | 6 | 10 |
| Mad-Blues | 8 | 3 | 3 | 2 | 8 | 4 | 9 |
| Watabag | 8 | 3 | 2 | 3 | 8 | 6 | 8 |
| Adguria | 8 | 3 | 2 | 3 | 6 | 6 | 8 |
| Panafun | 8 | 1 | 5 | 2 | 3 | 5 | 7 |
| MTC | 8 | 2 | 1 | 5 | 5 | 10 | 5 |
| Kury Andra | 8 | - | - | 8 | 2 | 17 | 0 |

DIVISION: Promotion (1st) Division ROUND: One

| | | | | | | | |
|------------|---|---|---|---|----|----|----|
| Kury Andra | 7 | 3 | 1 | 3 | 8 | 12 | 7 |
| Paramed | 7 | 3 | 1 | 3 | 11 | 12 | 7 |
| Safico | 7 | 3 | 0 | 4 | 13 | 15 | 6 |
| PTC | 7 | 4 | 2 | 1 | 22 | 15 | 10 |
| MTC | 7 | 2 | - | 5 | 13 | 27 | 4 |
| Diwai | 7 | 3 | 1 | 3 | 6 | 10 | 7 |
| Godowan | 7 | 7 | - | - | 37 | 8 | 14 |
| Spiders | 7 | - | 1 | 6 | 7 | 23 | 1 |

DIVISION: Premier ROUND: One

| | | | | | | | |
|-----------|---|---|---|---|----|----|----|
| Momase | 8 | 8 | - | - | 15 | 1 | 16 |
| Panafun | 8 | 3 | 1 | 4 | 9 | 12 | 7 |
| Waskia | 8 | 4 | 2 | 2 | 17 | 14 | 10 |
| Adguria | 8 | 1 | 2 | 5 | 7 | 18 | 4 |
| Watabag | 8 | 2 | 2 | 4 | 16 | 17 | 6 |
| Mimlon | 8 | 5 | 2 | 1 | 16 | 9 | 12 |
| PX | 8 | 3 | 3 | 2 | 15 | 12 | 9 |
| Mad-Blues | 8 | 3 | 2 | 3 | 15 | 9 | 8 |
| KPI | 8 | - | - | 8 | 1 | 18 | 0 |

Angassa i no amamas long ol meri i kik long Rabaul

MADANG RIPOT

MESERY GUBAG I raitim

MADANG i laikim Papua Niugini Futbol Asosiesen (PNGFA) i serisim ples bilong holim soka sempionsip resis bilong ol meri.

Long las yia, Papua Niugini Futbol Asosiesen i makim Rabaul olsem ples bilong holim nesenel soka sempionsip bilong ol meri. Ol i holim pilai ya long Lae.

Madang Soka Asosiesen i bin holim kibung long las wik. Na dispela i bin

wanpela samting MSA i toktok long en.

Presiden bilong MSA, Peter Angassa i tok Rabaul i longwe tumas long ol sampela narapela senta. Na dispela bai stapim ol sampela senta long salim ol tim long ol bilong wanem em bai kostim bikpela mani tumas.

Angassa i tok, Madang Soka Asosiesen bai i no inap long salim tim bilong ol i go long Rabaul.

"Sapos ol i putim long wanpela hap olsem Lae, em bai orait. Em bilong wanem, Lae i stap long namel na ol narapela senta i ken go long hap," Angassa i tok.

MSA i bin toktok tu long givim taim long ol klap husat i no baim registresen fi bilong ol yet. Na sapos ol i no baim registresen bilong ol kwik, bai asosiesen i givim mekim save long ol.

Madang makim trening skwat bilong ol man

MADANG Soka Asosiesen i makim pinis 75 man trening skwat bilong go kik long Benson & Hedges Kap long Manus. Dispela kik bai kamap long Independens Wiken long mun Septemba.

Long las wik, sampela ol sinia pilaia na ol klap opisal i no amamas olsem nem bilong ol pilaia i no kamap hariap. Ol i laikim asosiesen i mas tokaut hariap long nem bilong ol pilaia long trening skwat olsem bai i gat inap taim bilong ol long tren.

Trening i stat pinis long Mande apinun. Bikpela wok bilong ol pilaia nau em long traim winim spes bilong stap insait long skwat.

Ol pilaia husat i stap insait long trening skwat bilong ol man long Madang em Alfred Kabong, Trimo Topio, Joshia Gulum, George Martin, Daniel Yalaboi, Aurther Nasi, Bonny Bongo, Simon Robert, Pius Bokorum, Hondo Bart, Carson Victor, Benny Beddie, John Panu, Amos Ramo, John Norike, Daniel Do, Bill Diwong, Dixon Laviong, Jack Manda, Mark Makeli, Paul Kuno, Fred Tonten na Mileng Nalon.

Tim ya i stap aninit long lukaut bilong tupela biknem kosa bilong Madang, John Girigo na Norman Kunewai.

Girigo i tok long olgeta dispela man, ol bai kisim tasol 22 pilaia.

Asosiesen i bin givim tu sampela nupela trening bal long ol pilaia long Mande apinun.

Presiden bilong Madang Soka Asosiesen, Peter Angassa i tok, "Bikpela tingting bilong mipela nau em long banisim dispela taitel em mipela i winim long Mosbi long 1990.

GOROKA SOCCER ASSOCIATION POINT LADDER:

| Team | P | W | D | L | F | A | PTS |
|----------|----|---|---|---|----|----|-----|
| Rapatona | 10 | 7 | - | 3 | 34 | 18 | 14 |
| Guria | 10 | 5 | 4 | 1 | 25 | 18 | 14 |
| Murat | 10 | 6 | - | 4 | 29 | 16 | 12 |
| Kalibobo | 9 | 4 | 3 | 4 | 29 | 16 | 12 |
| Waskia | 10 | 5 | - | 5 | 21 | 24 | 10 |
| PTC | 10 | 3 | 2 | 5 | 21 | 24 | 8 |
| Uni-Tech | 9 | 2 | 3 | 4 | 20 | 24 | 7 |
| Elcom | 10 | 2 | 1 | 7 | 18 | 15 | 5 |

PREMIER RESERVE:

| Team | P | W | D | L | F | A | PTS |
|----------|----|---|---|---|----|----|-----|
| Rapatona | 10 | 5 | 2 | 3 | 31 | 17 | 12 |
| Elcom | 10 | 5 | 2 | 3 | 27 | 23 | 12 |
| Guria | 10 | 6 | - | 4 | 24 | 25 | 12 |
| PTC | 10 | 5 | 2 | 3 | 23 | 9 | 12 |
| Murat | 10 | 4 | 3 | 3 | 22 | 19 | 11 |
| Kalibobo | 9 | 3 | 3 | 3 | 15 | 12 | 9 |
| Waskia | 10 | 2 | 1 | 7 | 9 | 27 | 5 |
| Uni-Tech | 9 | 1 | 1 | 7 | 10 | 21 | 3 |

WOMEN:

| Team | P | W | D | L | F | A | PTS |
|----------|----|---|---|---|----|----|-----|
| Guria | 10 | 7 | 2 | 1 | 24 | 5 | 16 |
| Kalibobo | 10 | 6 | 1 | 3 | 23 | 19 | 13 |
| Murat | 10 | 4 | 4 | 2 | 17 | 12 | 12 |
| Rapatona | 10 | 3 | 5 | 2 | 16 | 10 | 11 |
| PTC | 10 | 2 | 6 | 2 | 15 | 21 | 10 |
| Elcom | 10 | 3 | 3 | 4 | 10 | 19 | 9 |
| Waskia | 10 | 3 | 1 | 6 | 9 | 23 | 7 |
| Uni-Tech | 10 | 1 | 4 | 5 | 9 | 14 | 6 |

UNDER 16:

| Team | P | W | D | L | F | A | PTS |
|----------|----|---|---|---|----|----|-----|
| PTC | 10 | 8 | 1 | 1 | 24 | 8 | 17 |
| Kalibobo | 10 | 7 | 2 | 1 | 28 | 6 | 15 |
| Rapatona | 10 | 7 | 1 | 2 | 18 | 9 | 15 |
| Elcom | 10 | 5 | 1 | 4 | 6 | 15 | 11 |
| Murat | 10 | 3 | 1 | 6 | 5 | 29 | 7 |
| Waskia | 10 | 2 | 2 | 6 | 7 | 19 | 6 |

VANIMO SOCCER ASSOCIATION POINTS LADDER AS AT JULY 12

| WOMEN | GP | W | L | D | GF | GA | PTS | PLACE (as of 12/7) |
|-----------|----|---|---|---|----|----|-----|--------------------|
| Asikai | 6 | 1 | 3 | 2 | 7 | 9 | 4 | 6 |
| A. United | 6 | 1 | 3 | 2 | 3 | 7 | 4 | 8 |
| Yako | 7 | 3 | 2 | 2 | 14 | 8 | 8 | 4 |
| Watex | 6 | 5 | - | 1 | 11 | 1 | 11 | 2 |
| Lido | 6 | 5 | 1 | - | 16 | 5 | 10 | 3 |
| Samex | 5 | 1 | 3 | 1 | 5 | 15 | 3 | 9 |
| Educ | 7 | 2 | 4 | 1 | 5 | 10 | 5 | 5 |
| M. United | 7 | 2 | 5 | - | 5 | 21 | 4 | 7 |
| Waromo | 7 | 5 | 1 | 1 | 22 | 6 | 11 | 1 |
| Wutung | 5 | 1 | 4 | - | 4 | 10 | 2 | 10 |

PREMIER

| | | | | | | | | |
|-----------|---|---|---|---|----|----|----|----|
| Abau Rutz | 7 | 1 | 3 | 3 | 10 | 15 | 5 | 7 |
| Asikai | 6 | 4 | 2 | - | 13 | 8 | 8 | 3 |
| Lido | 7 | 5 | 1 | 1 | 22 | 6 | 11 | 2 |
| Samex | 6 | 1 | 5 | - | 4 | 15 | 2 | 9 |
| Water | 6 | 3 | 2 | 1 | 11 | 12 | 7 | 5 |
| A. United | 7 | - | 5 | 2 | 9 | 20 | 2 | 10 |
| Yako | 5 | 2 | 3 | - | 5 | 6 | 4 | 8 |
| M. United | 7 | 3 | 2 | 2 | 10 | 9 | 8 | 4 |
| Tarakum | 5 | 1 | 4 | - | 3 | 11 | 2 | 11 |
| Waromo | 6 | 6 | - | - | 17 | 4 | 12 | 1 |
| Wutung | 4 | 3 | - | 1 | 10 | 3 | 7 | 6 |
| Sandaun | 4 | 1 | 3 | - | 2 | 7 | 2 | 12 |

MEN

| | | | | | | | | |
|-----------|---|---|---|---|----|----|----|----|
| Abau Rutz | 7 | 3 | 1 | 3 | 11 | 10 | 7 | 3 |
| Asikai | 6 | 4 | 1 | 1 | 12 | 4 | 9 | 2 |
| Lido | 6 | 2 | 1 | 3 | 8 | 8 | 5 | 7 |
| Samex | 4 | 1 | 2 | 1 | 7 | 7 | 4 | 8 |
| Watex | 7 | 3 | 1 | 3 | 9 | 14 | 7 | 4 |
| A. United | 6 | 2 | 2 | 2 | 6 | 8 | 6 | 6 |
| Yako | 4 | 1 | 1 | 2 | 2 | 5 | 3 | 10 |
| M. United | 6 | 2 | 2 | 2 | 7 | 9 | 6 | 5 |
| Tarakum | 5 | - | - | 5 | 1 | 11 | 0 | 11 |
| Waromo | 4 | 1 | 1 | 2 | 2 | 4 | 3 | 9 |
| Wutung | 5 | 5 | - | - | 16 | 1 | 10 | 1 |

Toksava:

(1) Dispela poin lata i no bilong raun 1. Em i kam inap long 12 Julai. Sampela tim i gat ol wasaut pilai i stap yet.

(2) Na sampela tim husat i bin kam bihain long asosiesen i bin lus long fofiet. Husat tim i bin stap 'Bye' em i win long fofiet.



Raithan em Aienmeri...Kathy
Wabadala bilong Wanzesi i traim bun
wantaim wanpela meri PTC.
Dispela kain stail i save kamap long
Bisini Oval long Mosbi olgeta wiken.

Lek bilong Wunum banisim GFC long bagarapim Guria

PRMIA risev tim bilong Guria long Mosbi i bin kamapim gutpela kik tru long las wiken egensim GFC.

GFC i bin stap long namba wan ples long poin lata wantaim 23 poin long pinis bilong raun wan. Na long las

wiken, oli bin kamapim strongpela kik long traim daunim Guria long namba wan kik bilong raun tu.

Tasol ol kas bilong Guria i no givim sans long ol. Guria i soim GFC olsem ol i no inap

moa long pilai kaskas long raun tu olsem na ol i holim pas lek bilong GFC inap referi William Vui i stapim kik long fultaim. Na tupela i dro 0-0.

Tupela midfilda bilong Guria, Javis Hoibi na Pascal Lasaro i bin

kamapim gutpela kik tru long tilim bal. Ambros Suebu na Winta Fosta i traim straikim gol tasol golkipa bilong GFC i no inap larim tupela.

Mahwhie "Kandre" Saprak i bin kirapim sampela das tu long

saitlain na setim ol midfilda na straiika bilong em tasol ol i painim hat long brukim difens bilong GFC.

Ol boi GFC i ting olsem ol bai winim Guria na pilai kaskas long ol. GFC i kamapim gutpela kik tasol ol i no lukim gut umben na

putim bal arere long mak. GFC i kisim sampela sans long sutim gol tasol golkipa bilong Guria, Herman Gire i no bin larim ol.

Tupela straiika bilong GFC i bin wok hat tru long sutim gol. Tasol difens bilong Guria i bin tait stret. Swipa

Tony Wunum i bin wok hat tru long sanapim banis. Kain kik bilong em i mekim na ol pilai bilong GFC i pret liklik.

Wunum i gat namba long brumim bal wantaim lek bilong man. Olsem na ol boi GFC i bin painim hat long brukim banis.

Meri Abau traim tasol long tromoi lek liklik

STORI BILONG PILAIA

WINIS MAP i raitim

Nem: Delilah Mapo
Krismas: 21 yia
Ples: Siiiau
Distrik: Abau
Provins: Sentral
Klap: Togelu (Mosbi)
Posisen: Straiika
 DELILAH em i wanpela yangpela meri Abau husat i kik long Mosbi soka.

Yangpela Delilah i no gat planti yia ekspirien long kik. Em i bin stat kik long 1991 long Goode-nough Soka Asosiesen resis. Dispela kik resis i save kamap long Edministretiv Koles long las yia. Bihain long kik bilong las yia, em i painim olsem soka i wanpela gutpela gem long pilai. Olsem na long dispela yia, em i joinim Togelu na kik wantaim ol.

Delilah i tok em i save laikim tru long pilai soka. Em' bai i no inap lusim inap long taim em yet i les long pilai.

Delilah i tingting long kik strong na kamapim kik bilong em. Em i gat tingting long stap insait long Mosbi wimens skwat. Tasol Delilah i tok em bai i mas wok hat na kamapim gutpela kik pastaim long em i tingting long stap insait long wanpela representativ tim.



. Delilah Mapo.



BENSON & HEDGES SOKA

Wantok

No gat moa tok

FRANCIS ULIAU i raitim

Ol nesenel sempionsip bai kamap long Rabaul na Manus

TOKTOK bilong ples na taim bilong holim tupela bikipela kik resis long kantri long dispela yia i pinis nau.

Bikipela kik resis bilong Nesenel Wimens Taitel bai kamap long Rabaul long 14, 15 na 16 Ogas, 1992. Na bai i no gat moa senis long ples na taim bilong holim dispela kik.

Orait long ol man, Nesenel Taitels kik bilong winim PNGFA Kap bai kamap long Manus long Independens Wiken. Na ol ripot bipo bilong holim dispela kik long Mosbi i no tru.

Vais presiden bilong Papua Niugini Futbol Asosiesen (PNGFA), Gabriel Pise i tok dispela em i fainal ripot long ples na taim bilong holim ol kik. Na bai i no gat moa senis, maski sapos Lae na Mosbi i laikim senis i kamap.

Pise i tok, "Lae na Mosbi i no gat pawa bilong toktok nau long wanem samting i kamap long PNG soka."

Em i tok olsem bikos dispela tupela senta i no rejista yet, maski ol i bin afiliyet pinis.

Pise i tok, "Long nau yet wanem samting em tupela i toktok i no gat pawa na kik long en. Olsem na wanem senta i laik toktok long dispela fainal ripot i ken toktok wantaim mi yet o presiden, Peter Mommers."

Tasol i luk olsem toktok bilong holim ol pilai long dispela tupela senta bai bringim moa bel hevi na kros long ol soka senta long kantri. Long wanem, kos bilong bringim ol tim i go long Rabaul na Manus bai i bikipela moa.

Wanpela senta husat i bin opim maus hariap tru long dispela em Madang.

Presiden bilong Madang Soka Asosiesen, Peter Angasa i tok long salim tim i go long hap bai kosim bikipela mani moa.



Moukasi bagarapim Maset...Fulbek bilong Moukasi i abrusim bal na givim stret long baksait bilong fowat pilaia bilong Maset long namba wan divisen kik resis long Mosbi las wiken. Moukasi i bin winim dispela gem, 2-1. Foto: Ivan Bayagau.

Sobou bai traim pawa bilong Kurti Andra

SOBOU bai traim bun long daunim Kurti Andra na Koupa bai meknais wantaim Morobe Yunaitet.

Sobou bai yusim ol wankain pilaia husat i bin kik long las wiken na wilwilim Koupa.

Man husat bai lukautim umben em Willie Holan. Long banisim Willie long umben em Emmanuel Metta, Kevin David, Celestine Solosaia na David Panap. Dispela ol lain i mas was gut long Moyap Francis na Kawetan Pombuai.

Joe Misob, Milton Kaetovua, Andrew Bosna na Steven Banono bai holim bikipela wok bilong tilim ol bal long midfil.

MOSBI RIPOT

WINIS MAP i raitim

Sapos ol i tingting na givim gut olbal long Don Titi na Timothy Besuin long franlain, Sobou inap meknais long umben bilong Bernard Kawa.

Tasol, sapos Titi na Besuin i no kikim gut bal, Kawa bai lap long ol taim em i sanap long umben. Kawa bai kisim tu helpim i kam long Thomas Dramoi na John Kowih long fulbek.

Posenei N'Drihin bai tilim bal long midfil bilong Kurti Andra na setim Moyap long

sutim gol. N'Drihin i mas setim tu Kawetan "Teksi" Pombuai long saitlain bikos Pombuai i ken kamapim bikipela bagarap sapos Sobou i no was gut.

Narapela strongpela gem long Sande bai i stap namel long Morobe Yunaitet na Koupa. Koupa bai winim dispela gem sapos ol i pilai gut.

Bikipela tingting bilong ol bai i stap long Kila

Pala na Ricky Moses long sutim planti gol na meknais long umben. Tasol Moses na Pala bai laikim Patrick Kero na Epata Laka long midfil long setim tupela long sutim gol.

Beklain bilong Koupa bai stap long lukaut bilong Vahei Kila na Berry Mongo.

Man husat bai lukautim golmak bilong Morobe Yunaitet em Willie Rubben. Na em bai kisim helpim i kam long Didi Saripa na Peter Mark long sanapim banis.

BENSON & HEDGES SOCCER




NO KEN SALIM

RUGBY

Namba 58

Fonde Julai 23, 1992

LIG NIUS



Mak bilong Wagambie... Richard Wagambie i putim nau mak bilong em antap long wanpela hap pepa em ol ragbi lig sapota bilong em i laikim long asde, Trinde 22 Julai long Mosbi. Ol Kumul i bin go raun bungim ol manmeri na pikinini long Mosbi taun.



Taim bilong Naipao... James Naipao bilong PNG Kumuls i sanap isi na sainim pepa bilong Lei Vagi Boge (long lephan) bilong Hanuabada. Lei i bilong Hanuabada na i gat 20 krismas. Em i save laikim pilai bilong Philip Boge. Long sait em Aquila Emil.

Winfield League '92

Ol boi Sauten Hailans bagarapim yet A gret poin lata

MOSBI LIG RIPOT

SAM YAKAM I raltim

SOUTHS em i wanpela nupela klap long Mosbi Winfield ragbi lig resis.

Na em i wok long kamapim bikipela pret nau long ol A gret resis. Souths i go het yet long strongim win bilong en taim em i wilwilim ol soldia boi bilong Defence, 20-12 long Lloyd Robson pilai graun las wiken.

Dispela win i bringim Souths i go antap nau long namba tu ples long poin lata bilong A gret resis. Na nau, Souths i sindaun wantaim Air Niugini antap long 25 poin. Tasol Air Niugini i winim ol boi Souths bikos poin bilong ol i antap moa. Air Niugini i gat 147 pesen gol na Souths i gat 141 pesen tasol.

Long Julai 12, Souths i bin wilwilim Royals na dispela i bringim skoa bilong en i go antap long 22 poin. Bihainim dispela win, em i kalap i go antap long namba tri ples wantaim Wests.

Orait, i luk olsem ol boi bilong Sauten Hailans bai kisim narapela tupela isi poin gen long

Sande taim ol i bungim Magani.

Kosa Badi Dou i tok olsem em bai yusim yet ol wankain pilai long winim gem long Sande. Na long stapim pawa bilong Souths, ol pilai bilong Magani i mas strongim difens na tromoi bal long fran i go long baksait na i go ausait long tupela winga. Dispela bai inap sloim liklik strong bilong Souths.

Tupela man em ol difens pilai bilong Magani i mas putim ai oltaim long ol em winga Peter Yuwi na fulbek, Luke Waldiat. Dispela tupela man i save kamapim ol strongpela stail futbol na sapos no gat man i was long ol, tupela bai pinisim olgeta stail bilong bringim Souths i go antap long namba wan ples.

Long las wik, Waldiat i bin kamapim gutpela gem gut tru long beklain. Ol gutpela kik bilong em i helpim long bringim ol pilai bilong Defence i go bek long mak bilong ol.

Dou i tok ol boi bilong em bai i no inap isi long Magani, bikos ol i laik winim namba wan sia pas-taim long raun namba wan i pinis.

Em i tok, "Long Sande, mi bai yusim ol wankain pilai olsem

long las wik."

Liklik senis tasol bai kamap long fowatlain.

Magani i bin laki long stap insait long primiasip taitel bilong Mosbi

long dispela yia. Olsem na em i mas pilai hat long winim wanpela ples bilong pilai long fainal.

Nau em i stap long namba 7-pela ples. Na sapos Magani i winim tripela gem bilong dispela

raun, em bai i gat sans long stap insait long fainal 5 resis. Sapos Magani i lus long Souths long Sande, i luk olsem ol bai tok gut-bai nau long 1992 sisen na stat trening gen bilong neks yia.



• Peter Yuwi i sindaun namba tu long ralthan wantaim ol boi bilong em bipo long bikipela gem egensim Defence long Mosbi Winfield Lig long Sande Julai 19, 1992. Stail bilong Yuwi tasol na ol boi bilong Sauts daunim Defence 20-12.

Saut Setelmen lig redi gen Krewanti karim han banis i stap arere long Lloyd Robson

LONG pinis bilong dispela yia na stat long 1993, Saut Setelmen bai statim op sisen resis gen long Mosbi. Olsem na olgeta eksekutiv bai holim wanpela kibung long neks wik.

Dispela kibung i bilong painim hamas klap bai pilai long dispela op sisen resis. Ol

eksekutiv i tok klia nau olsem olgeta tim i mas i gat inap pilai long wokim tripela divisen. Na tu long baim ol afiliesen fi stret long taim na wan wan yunifom bilong olgeta divisen ya.

Wanpela opisal, Benny Diau i tok dispela yia em i lukluk long planti klap long

rejistaim ol yet long pilai. Las yia i bin gat 16 klap olgeta i putim nem tasol 14 tim i rejistaim ol yet bikos ol i gat inap pilai na yunifom.

"Nau mipela i stretim olgeta dro bilong dispela op sisen pinis. Tasol mipela bai mekim liklik senis bihain long kibung bilong neks wik," Diau i tok.



• Arnold Krawanti

SAM YAKAM I raltim

STRONGPELA man bilong Sauten son na olupela Kumul pilai, Arnold Krawanti bai i no gat sans long soim pes gen long las raun bilong sisen propa.

Dispela em bikos Krawanti i bagarapim han bilong em long wanpela bikipela gem egensim West long Sande Jun 20, 1992. Krawanti i bin kisim dispela bagarap long han bilong em taim em i traim long pinisim takol long fulbek bilong Wests. Krawanti i tok tupela pilai bilong em i holim fulbek bilong Wests na sanap. Na em i lukim na siksti i

kam pundaunim tripela wantaim antap long han bilong em. Dispela i brukim tupela bun bilong em aninit long skru long han bilong em.

Han bilong Krawanti i bagarap yet. Tasol em i tokim Ragbi Lig Nius olsem medikel ripot i tok orait long em i pilai long namba 8 wik. Dispela wik praivet dokta bilong Krawanti, Dokta Jim Jacobi bai lukluk gen long em na givim narapela ripot.

Bihain em bai i go kisim piksa bilong bun long kli-aim ripot bilong Jacobi. Namba wan ripot i tok pinis olsem Krawanti i brukim tupela bun long skru long han bilong em. Foapela wik olgeta, Krawanti i no eksasaisim han bilong em. Tasol long dispela wik, em i tokim Ragbi Lig Nius olsem em i stat eksasaisim han bilong em. Sapos olgeta samting i kamap olsem Dokta Jacobi i tokaut long en, Krawanti bai ron gen long Lloyd Robson Oval pastaim long sisen propa i pinis.

"Nau yet mi no amamas long sindaun arere long fil na lukim ol birua tim i winim tim bilong mi. Mi gat wari long tim bilong mi i mas stap long fainal 5. Na dispela wari bilong mi i bikipela taim mi harim olsem skipa na kepten bilong Kumul, Kera Ngaffin i kisim bagarap long Australia," Krawanti i tok.

Faipela wik olgeta Krawanti i no pilai. Las wik poroman bilong em Ngaffin i sindaun wantaim em arere long fil. Dispela wik Ngaffin bai ron i go insait long fil na Krawanti bai eksasaisim han yet arere long fil.

"Na sapos eksrei ripot i tokaut wankain olsem ripot Dokta Jacobi i givim long en, mi bai pilai wanpela gem bilong dispela raun pastaim long ol fainal gem i stat," Krawanti i tok.



KIUNGA LEAGUE

DRAW: 26/07/92

| TIME | GRADE | TEAMS |
|--------|-------|--------------------|
| 2.00pm | U/19 | Ambangs vs United |
| 2.50pm | U/19 | Royals vs Souths |
| 3.40pm | U/19 | Brothers vs Magani |

DRAW: 29/07/92

| TIME | GRADE | TEAMS |
|--------|-------|----------------------|
| 5.00pm | U/19 | Play off if required |

RESERVE GRADE LADDER:

| TEAM | P | W | D | L | F | A | PTS |
|----------|----|----|---|----|-----|-----|-----|
| United | 15 | 10 | 3 | 2 | 162 | 146 | 23 |
| Souths | 15 | 10 | 2 | 3 | 172 | 91 | 22 |
| Ambangs | 15 | 8 | 3 | 5 | 166 | 90 | 19 |
| Magani | 15 | 8 | - | 7 | 148 | 153 | 16 |
| Brothers | 15 | 3 | 1 | 11 | 94 | 173 | 7 |
| Royals | 15 | 1 | 1 | 13 | 89 | 161 | 3 |

Round 13: United 10 beat Magani 8, Ambangs 8 beat Souths 0, Brothers 8 beat Royals 4.

UNDER 19 LADDER:

| TEAM | P | W | D | L | F | A | PTS |
|----------|----|---|---|---|-----|-----|-----|
| United | 12 | 6 | 3 | 2 | 97 | 94 | 15 |
| Ambangs | 12 | 6 | 2 | 4 | 114 | 66 | 14 |
| Souths | 12 | 6 | 2 | 4 | 163 | 85 | 14 |
| Royals | 12 | 6 | 1 | 5 | 90 | 122 | 13 |
| Magani | 12 | 5 | 2 | 5 | 114 | 116 | 12 |
| Brothers | 12 | 1 | 2 | 9 | 48 | 151 | 4 |

Magani 16 beat United 6, Ambangs 10 drew Souths 10, Royals 4 beat Brothers 4.

CLUB CHAMPIONSHIP LADDER:

| TEAM | A | B | U/19 | TOTAL | PLACE |
|----------|----|----|------|-------|-------|
| United | 57 | 46 | 15 | 118 | 1 |
| Souths | 54 | 44 | 14 | 112 | 2 |
| Magani | 48 | 32 | 12 | 92 | 3 |
| Ambangs | 15 | 36 | 14 | 65 | 4 |
| Brothers | 54 | 14 | 4 | 62 | 5 |
| Royals | 42 | 6 | 13 | 61 | 6 |

| TEAM | P | W | D | L | F | A | PTS |
|----------|----|---|---|----|-----|-----|-----|
| United | 15 | 9 | 1 | 5 | 288 | 283 | 19 |
| Brothers | 15 | 8 | 2 | 5 | 274 | 205 | 18 |
| Souths | 15 | 9 | - | 6 | 316 | 265 | 18 |
| Magani | 15 | 7 | 2 | 6 | 394 | 254 | 16 |
| Royals | 15 | 6 | 2 | 8 | 218 | 284 | 14 |
| Ambangs | 15 | 1 | 3 | 11 | 171 | 323 | 5 |

Round 13: United 18 beat Magani 16, Brothers 14 beat Royals 0, Souths 20 won on forfeit from Ambangs 0

DRAW: 23/07/92

| TIME | GRADE | TEAMS |
|--------|-------|---------------------|
| 2.00pm | U/19 | United vs Souths |
| 2.50pm | U/19 | Ambangs vs Brothers |
| 3.40pm | U/19 | Magani vs Royals |

DRAW: 25/07/92

| TIME | GRADE | TEAMS |
|--------|-------|--------------------|
| 2.00pm | U/19 | Magani vs Souths |
| 2.50pm | U/19 | Brothers vs United |
| 3.40pm | U/19 | Ambangs vs Royals |

Souths kirapim gen paia long Mendi

MOXIE YORE
i raitim

SAUTS em i wanpela tim we planti man i lus tingting long en long Mendi Winfield Lig.

Tasol ol yangpela pilaia bilong Sauten Hailans i holim gutpela nem yet long tim. Na tu planti man i lusim tingting olgeta long nem bilong Sauts long ol fainal bilong dispela yia.

Namba wan raun bilong dispela sisen, 7-pela sinia pilaia i bin stap log Inta Siti tim bilong Mendi Muruks. Tasol dispela i no stapim ol yangpela pilaia husat i kisim ples bilong ol long strongim tim.

Ol i pilai gut na holim

gutpela nem bilong Sauts i stap antap. Bikpela toktok ol man i mekim long Sauts olsem "tim bilong pulamapim ol pilaia ol arapela tim i tromoi long rabis dram". Tasol lukluk long gem bilong ol dispela yanpela pilaia, ol i gat bikpela tingting long pilaia fainal bilong dispela yia.

Nau Saut i stap long gutpela posisen long i go insait long fainal. Kosa Amex Yakili i stiaim ol dispela yangpela pilaia bilong em taim Andy Akivi i lusim klap na lukautim Inta Siti tim bilong Mendi.

Dispela liklik taim Yakili i soim planti gutpela kala long wok bilong em olsem kosa. Em i mekim gutpela wok long strongim gut-

pela nem bilong tim. Nau Sauts i gat tripela olpela pilaia olsem Bob Eka, Patrick Mini, Thomas Baro na William Mar i stap yet long tim.

Ol arapela pilaia em ol pipel bilong Mendi i kolim R na Rs. Dispela i min olsem rejects na Rockies. Hia em nem bilong ol dispela rejects na Rockies; Jerry Ilikis, Issac Paul, Jacob Loffty, Jack Etime, Johnson Essau, Dickson Joe, Jonah Suru na Jack Kereme.

Tasol Kosa Yakili i putim ol dispela pilaia long A gret na ol i holim gutpela nem bilong klap i stap antap yet. Ol dispela yangpela pilaia i soim

sapota olsem ragbi lig em i liklik samting.

Olsem na ol i sapota i sapotim ol yet long dispela sisen. Wan-

pela opisal, Steven "SK" Kila i tok planti sinia pilaia i no givim inap taim long pilai tu. Long dispela ol i no

soim stail long taim bilong gem. Tasol SK i tok em i gat bikpela bilip olsem Sauts bai i go yet long fainal.

Anda 19
bai bosim
ol pilai
long Kiunga

KIUNGA Ragbi Futbal Lig bai i no gat gem long dispela wiken.

Tasol ol anda 19 bai pilaim tripelagem. Ol bai stat pilai long Fonde, Sarere na Sande.

Dispela gem i kamap bikos anda 19 i bin statim gem bilong ol bihain tru long dispela yia. Olsem na ol eksekutiv i makim dispela wiken long ol pilaim olgeta gem bilong ol. Long Fonde apinun, United bai bungim Sauts, Ambang bai traim strong wantaim Brothers na Magani bai soim bun bilong em egensim Royals. Olgeta dispela gem bai kamap long Kiunga Taun pilai graun.

Long Sarere, Magani bai bungim Sauts. Brothers bai traim bun wantaim United na Ambangs wantaim Royals bai soim skin long Kiunga haikul pilai graun. Long Sande, Ambangs bai soim bun bilong em long United na Royals wantaim Sauts bai soim sampela gutpela stail long ol sapota long Kiunga haikul pilai graun.



• Max Uama wantaim Limplia Sayape i laik brukim nek bilong wanpela pilala bilong Defence long las wik Sande Julai 19, 1992. Dispela kain stail tasol na Sauts i nekim Defence long bikpela gem bilong Mosbi Winfield Lig 20-12.

Yakope bai soim Royals olsem win bilong las wik i no giaman

BIKNEM pilaia bilong Magani, Jacob Yakope i bin putim wanpela trai na kikim wanpela filgol long winim Bulldogs long bikpela gem bilong Mendi Winfield Lig las wik.

Long dispela wik Sande, Magani bai bungim Royals. Na Yakope bai soim Royals olsem dispela trai na filgol long daunim Bulldogs 23-22 em i no kam nating. Em i bin putim dispela trai na filgol klostu long pinis bilong gem.

Long Sande, Yakope i mas helpim Katel Masi, Thomas Tano, Nelson Koin, Rueben Ruing na Jacob Mombru long beklain sapos em i laik daunim Royals.

Las wik olgeta trai bilong Magani i kam long ol pilaia bilong beklain klostu long pinis bilong gem. Nau Magani bai painim olsem Royals bai kamapim strongpela stailfutbal. Royals i gat nem long Mendi bikos em i winim planti gem pinis. Na gris i pulap pinis long ai bilong em long primiasip taitel bilong dispela yia.

Magani i mas strongim difens bilong em sapos em i laik winim dispela gem egensim Royals na rabisim tingting bilong ol long gren fainal. Faiv et John Kapindu wantaim senta Gabriel Pima na Paul Kundi i gat nem long ron.

Royals bai karim ol AR15 bilong kilim ol wailpusi long Madang

BEN TAUMAI i raitim

ROYALS i mas yusim olgeta katres bilong AR 15 gan long kilim Panthers long bikpela gem bilong Madang Winfield Lig. Dispela gem bai kamap long Ron Albert Oval long Sande, Julai 26, 1992.

Nau yet Panthers i bosim namba wan ples long poin lata. Tasol em i mas lukaut tu long Royals bikos ol plisman i putim ai pinis long fainal bilong dispela yia. Las wik Royals i bin nekim Tigers 22-

12. Tupela wik i go pinis, em i bagarapim sindaun bilong Brothers 16-14. Olsem na tim spirit bilong ol i stap antap yet. I luk olsem ol bai yusim wankain lainap na gem plen long daunim Panthers sapos ol wailpusi i pilai kaskas tumas long fil.

Nau yet Panthers i gat nem long Madang, olsem na ol plisman i mas lukaut tu. Sapos Royals i abrus liklik long teknik na gem plen bilong en, Panthers bai inap kaikai olgeta katres na spetim i go bek long ol. Kepten bilong Royals, Rex Apuka i bin tokim *Ragbi Lig Nius* olsem ol i

bin autim tupela tim pinis. Na long dispela wiken, em i gat bikpela bilip olsem ol boi bilong em bai daunim Panthers.

Las wik, Apuka wantaim Job Whahe i bin sanapim strongpela banis long beklain na ol i nekim Tigers. Olsem na dispela wiken, ol bai kisim sampela helpim tu long insait senta, John Goie na ausait senta William Marita. Long wing em smok balus bilong Sepik, Otto Bani bai putim trai long laik sapos Panthers i no makim em gut.

Bani i gat nem long Madang long putim trai. Em bai i no inap

givim sans long wanpela birua pilaia sapos ol i givim spes long em. Tasol Bani i mas lukaut gut long ol biknem fowat pilaia bilong Panthers olsem John Manala, Eddie Bailey, James Glyn, Raphael Masie na Trevor Kasani.

Sapos Manala wantaim ol boi bilong em i sanapim strongpela banis, ol bai winim Royals. Paul Ewal yet bai lukautim hapbek posisen bilong Panthers. Tasol Kepten Apuka bai helpim Royals long stail kik bilong em. Na dispela bai givim bikpela presa long Ewal wantaim ol boi bilong Panthers.

Apuka i gat gutpela nem long kikim bal i go long lain. Na sapos Panthers i painimaut hariap long dispela kain stail, em inap stapim Royals long putim moa trai. Ol eksekutiv bilong Madang Winfield Lig i tok dispela gem em i wanpela gutpela gem bilong lukim.

Tasol ol pilaia na opisal i mas lukautim pasin bilong paitim referi na kros insait na ausait long fil. Las wik, ol pilaia i kros wantaim wanpela referi na em i lusim fil na wokabaut i go ausait. Dispela pasin ol referi bai mekim sapos ol pilaia na sapota i no stiaim gut tingting bilong ol.

Pulkapo kirapim das na putim United long mak

KIUNGA RIPOT

IAN KAKARERE i raitim

UNITED i winim Magani long bikpela gem bilong Kiunga Ragbi Futbal Lig long las wik Sande.

United i winim dispela gem bikos smokbalus bilong ol, Damien Pulkapo i kikim tupela gol na wanpela penalti long bringim skoa i go antap long 18-16. Dispela win i putim United long namba wan ples

long poin lata.

Na Magani inap kisim namba tu ples tasol ol eksekutiv bilong KRFL i rausim tupela poin. Long dispela as, em i go daun long namba 4 ples. Na Brothers wantaim Royals i stap long namba tu ples long 18 poin. Tasol lukluk long hamas gol ol i gat, Brothers i winim Royals

long 57.2 pesen olsem na em i kalap i go antap long namba tu ples. Na Royals i kisim namba tri ples bikos em i gat 54.2 pesen tasol.

Long narapela gem, United wantaim Magani i bin soim wankain stail. Long dispela gem, Oval Quagmire bilong United i holim wanpela lusbal na ron arere long fil i go putim namba wan trai.

Bihain long haptaim, Ben Owen wantaim Domenic Torona i

helpim Quagmire long putim tupela moa trai. Tasol ol dispela trai i no helpim Magani bikos golkik bilong ol i no gutpela.

Pulkapo i lukim dispela sans na kisim taim long kikim tupela gol na wanpela penalti long bringim skoa bilong United i go antap long 18-16.

Narapela bikpela gem long wankain taim i bin kamap namel long Royals na Brothers. Pastaim long dispela gem,

Royals i bin komplem long Magani. Olsem na ol judiseri komiti i givim tupela poin nating long Royals. Dispela i putim Royals long 14 poin na Brothers long 16 poin.

Royals i lukim olsem na em i kilim skin long pilai bikos dispela gem bai tokaut long wanem tim bai i stap namba 4 ples.

Tasol Brothers i gat planti bikpela na strong fowat olsem na olgeta taim ol i bringim bal i go long mak

bilong Royals. Royal i no pret long ol dispela bikpela pilaia. Na stapim ol pilaia bilong Brothers namel long fil.

Brothers i lukim olsem na yusim ol bikpela fowat gen. Dispela i mekim Royals i kamapim planti rong insait long mak bilong ol yet. Wanpela bilong ol dispela rong i kamap klostu long mak bilong Royals. Hapbek bilong Brothers, Nelson Gamai i lukim dispela sans na

kisim wanpela lusbal na siksti i go putim trai anit long pos. Faiv et Aigol Waninara i stretim lek na kikim gol long bringim skoa i go antap 10-0.

Faipwela minit i stap yet long pinis bilong gem na winga Alu James i putim las trai. Dispela trai i bringim skoa i go antap long 14-0.

Long ol arapela bikpela gem, Sauts i kisim tupela poin nating taim Ambangs i no kamap long fil.

Winfield League Results

PORT MORESBY WINFIELD LEAGUE

A GRADE POINTS TABLE

| Team | P | W | D | L | PF | PA | PTS |
|-------------|----|----|---|---|-----|-----|-----|
| Air Niugini | 17 | 12 | 2 | 3 | 432 | 293 | 26 |
| Souths | 17 | 12 | 1 | 4 | 422 | 299 | 25 |
| Brothers | 17 | 12 | 0 | 5 | 437 | 330 | 24 |
| West | 17 | 10 | 2 | 5 | 438 | 366 | 22 |
| Defence | 17 | 9 | 2 | 6 | 412 | 322 | 20 |
| Tarangau | 17 | 9 | 1 | 7 | 395 | 359 | 19 |
| Magani | 17 | 8 | 2 | 7 | 355 | 366 | 18 |
| Royals | 17 | 8 | 1 | 8 | 427 | 408 | 17 |

PLATE TEAMS:

| Team | P | W | D | L | GF | GA | PTS |
|----------|----|----|---|----|-----|-----|-----|
| Hawks | 17 | 10 | 0 | 7 | 419 | 403 | 20 |
| Kone | 17 | 6 | 0 | 11 | 375 | 479 | 12 |
| Waiya | 17 | 4 | 2 | 11 | 360 | 457 | 10 |
| Seagulls | 17 | 6 | 0 | 11 | 343 | 456 | 10 |
| DCA | 17 | 4 | 0 | 13 | 362 | 487 | 8 |
| Paga | 17 | 2 | 1 | 14 | 284 | 436 | 5 |

WIN MONI K10,000 CLUB CHAMPIONSHIP

| Club | A Gr | Res | U/21 | U/19 | U/17 | Total |
|-------------|------|-----|------|------|------|-------|
| West | 66 | 48 | 62 | 44 | 24 | 244 |
| Air Niugini | 78 | 56 | 50 | 34 | 15 | 233 |
| Souths | 75 | 40 | 34 | 60 | 16 | 225 |
| Brothers | 72 | 44 | 44 | 22 | 21 | 203 |
| Defence | 60 | 50 | 36 | 40 | 12 | 198 |
| Hawks | 60 | 24 | 40 | 38 | 29 | 191 |
| Royals | 51 | 32 | 28 | 44 | 19 | 174 |
| Waiya | 30 | 40 | 50 | 32 | 18 | 170 |
| Tarangau | 57 | 34 | 50 | 6 | 7 | 154 |
| Magani | 54 | 36 | 10 | 24 | 19 | 143 |
| Kone | 36 | 34 | 14 | 36 | 14 | 134 |
| Seagulls | 34 | 4 | 24 | 32 | 19 | 115 |
| Paga | 15 | 18 | 26 | 38 | 14 | 111 |
| DCA | 24 | 16 | 4 | 18 | 9 | 71 |

Reserves Points Table 1992

| Team | P | W | D | L | GF | GA | PTS |
|-------------|----|----|---|---|-----|-----|-----|
| Air Niugini | 17 | 13 | 2 | 2 | 363 | 207 | 28 |
| West | 17 | 12 | 0 | 5 | 363 | 225 | 24 |
| Defence | 17 | 12 | 1 | 4 | 313 | 225 | 24 |
| Brothers | 17 | 10 | 2 | 5 | 346 | 290 | 22 |
| Souths | 17 | 9 | 2 | 6 | 326 | 252 | 20 |
| Kone | 17 | 8 | 1 | 8 | 338 | 343 | 17 |
| Tarangau | 17 | 8 | 1 | 8 | 289 | 290 | 17 |
| Royals | 17 | 7 | 2 | 8 | 288 | 321 | 16 |

ROUND 2: CHAMPIONSHIPS GRADE: Air Niugini 30 beat Tarangau 14, Brothers 22 beat Royals 14, Defence 11 beat Souths 10, Wests 16 beat Kone 10. **PLATE ROUND:** Hawks 34 beat Seagulls 20, Waiya 20 beat DCA 0, Magani 16 beat Paga 10.

U/21 Points Table 1992

| Team | P | W | D | L | GF | GA | PTS |
|-------------|----|----|---|---|-----|-----|-----|
| West | 17 | 15 | 1 | 1 | 395 | 164 | 31 |
| Air Niugini | 17 | 12 | 1 | 4 | 313 | 146 | 25 |
| Waiya | 17 | 11 | 3 | 3 | 289 | 162 | 25 |
| Tarangau | 17 | 11 | 3 | 3 | 253 | 175 | 25 |
| Brothers | 17 | 10 | 2 | 5 | 242 | 153 | 22 |
| Defence | 17 | 8 | 2 | 7 | 252 | 223 | 18 |
| Souths | 17 | 7 | 3 | 7 | 243 | 243 | 17 |
| Royals | 17 | 6 | 2 | 9 | 214 | 290 | 14 |

PLATE TEAMS

| Team | P | W | D | L | GF | GA | PTS |
|----------|----|----|---|----|-----|-----|-----|
| Hawks | 17 | 10 | 0 | 7 | 229 | 190 | 20 |
| Paga | 17 | 6 | 1 | 10 | 182 | 233 | 13 |
| Seagulls | 17 | 6 | 0 | 11 | 148 | 269 | 12 |
| Kone | 17 | 3 | 1 | 13 | 147 | 232 | 7 |
| Magani | 17 | 2 | 1 | 14 | 122 | 300 | 5 |
| DCA | 17 | 1 | 0 | 16 | 115 | 364 | 2 |

ROUND 2: CHAMPIONSHIPS GRADE: Tarangau 8 beat Brothers 6, Air Niugini 28 beat Defence 6, Wests 28 beat Royals 8, Waiya 18 drew Souths 18. **PLATE TEAMS:** Hawks 20 beat DCA 0, Magani 16 beat Seagulls 10, Paga 18 beat Kone 10.

U/19 Points Table 1992

| Team | P | W | D | L | GF | GA | PTS |
|----------|----|----|---|----|-----|-----|-----|
| Souths | 17 | 15 | 0 | 2 | 214 | 104 | 30 |
| Royals | 17 | 11 | 0 | 6 | 175 | 114 | 22 |
| West | 17 | 10 | 2 | 5 | 187 | 138 | 22 |
| Hawks | 17 | 10 | 1 | 6 | 163 | 116 | 21 |
| Defence | 17 | 9 | 2 | 6 | 160 | 133 | 20 |
| Kone | 17 | 4 | 6 | 15 | 142 | 142 | 18 |
| Waiya | 17 | 6 | 4 | 7 | 146 | 140 | 16 |
| Seagulls | 17 | 6 | 4 | 7 | 173 | 205 | 16 |

ROUND 2: CHAMPIONSHIPS GRADE: Souths 14 beat Waiya 10, Wests 20 beat Seagulls 0, Royals 6 beat Kone 4, Hawks 16 beat Defence 8. **PLATE ROUND:** Brothers 9 beat Paga 8, Air Niugini 12 drew DCA 12, Tarangau 0 drew Magani 0.

U/17 Points Table 1992

| Team | P | W | D | L | GF | GA | PTS |
|-------------|----|----|---|----|-----|-----|-----|
| Hawks | 17 | 14 | 1 | 2 | 227 | 69 | 29 |
| West | 17 | 11 | 2 | 4 | 189 | 117 | 24 |
| Brothers | 17 | 10 | 1 | 6 | 165 | 114 | 21 |
| Magani | 17 | 9 | 1 | 7 | 143 | 131 | 19 |
| Seagulls | 17 | 8 | 3 | 6 | 140 | 186 | 19 |
| Air Niugini | 17 | 5 | 5 | 7 | 105 | 84 | 16 |
| Souths | 17 | 7 | 2 | 8 | 127 | 141 | 16 |
| Defence | 17 | 5 | 2 | 10 | 164 | 182 | 12 |

PLATE TEAMS

| Team | P | W | D | L | GF | GA | PTS |
|--------|----|---|---|----|-----|-----|-----|
| Royals | 17 | 9 | 1 | 7 | 150 | 93 | 19 |
| Waiya | 17 | 8 | 2 | 7 | 175 | 145 | 18 |
| Paga | 17 | 6 | 2 | 9 | 145 | 135 | 14 |
| Kone | 17 | 7 | 0 | 10 | 134 | 187 | 14 |
| DCA | 17 | 4 | 1 | 12 | 128 | 290 | 9 |

ROUND 2: CHAMPIONSHIPS GRADE: Seagulls 20 beat Souths 0, Brothers 8 beat Defence 4, Hawks 1 beat Air Niugini 0, Magani 18 beat Wests 10. **PLATE ROUND:** Royals 20 beat Tarangau 0, Kone 20 beat DCA 0, Paga 10 beat Waiya 8.

RESULTS:

ROUND 2: Brothers beat Royals 36-20, Air Niugini drew Magani 24-24, Tarangau beat Wests 34-24, Souths beat Defence 20-12. PLATE TEAMS: Seagulls beat Waiya 48-34, Hawks beat DCA 30-18, Kone beat Paga 36-26.

DRAW:

Friday July 24

7.45pm Paga vs Seagulls

Saturday July 25

3.30pm DCA vs Kone

Sunday July 26

Air Niugini vs Royals
Magani vs Souths
Tarangau vs Brothers
Defence vs Wests

Wednesday (29/7/92)

7.30pm Brothers vs Magani
(Part of Round Six)

MATCH OF THE ROUND:

Sunday July 26

3.30pm Defence vs Wests

COMMENTS/QUOTES RE WEEKEND'S GAME/NEXT WEEKEND:

Defence need to win this game to keep their semi-final hopes alive as Tarangau are only a point behind on 19.

Draws: Round 2 - Game 5

Friday: Date: July 24

| Ground | Time | Grade | Team | Team |
|--------|--------|-------|--------|-------------|
| LRO | 5:00pm | U21 | Souths | vs Wests |
| LRO | 6:15pm | Res | Souths | vs Wests |
| LRO | 7:45pm | A Gr | Paga | vs Seagulls |

Saturday: Date: July 25

| LRO | Time | Res | Tarangau | vs | Royals |
|-----|---------|------|-------------|----|---------|
| LRO | 9:30am | Res | Tarangau | vs | Royals |
| LRO | 11:00am | Res | Air Niugini | vs | Kone |
| LRO | 12:30pm | Res | Brothers | vs | Defence |
| LRO | 2:00pm | Res | DCA | vs | Kone |
| LRO | 3:30pm | A Gr | Hawks | vs | Waiya |

Sunday: Date: July 26

| LRO | Time | A Gr | Air Niugini | vs | Royals |
|-----|---------|------|-------------|----|-----------|
| LRO | 9:30am | A Gr | Air Niugini | vs | Royals |
| LRO | 11:00am | A Gr | Magani | vs | Souths |
| LRO | 12:30pm | A Gr | Tarangau | vs | Brothers |
| LRO | 2:00pm | A Gr | Defence | vs | Wests |
| LRO | 3:30pm | Zone | Southern | vs | Highlands |

Draws: Round 2 - Game 5

Saturday: Date: July 25

| Ground | Time | Grade | Team | Team |
|---------|---------|-------|----------|-------------|
| PRL II | 9 am | U/17 | Tarangau | vs DCA |
| PRL III | 9 am | U/17 | Paga | vs Kone |
| PRL II | 10 am | U/17 | Waiya | vs Royals |
| PRL III | 10 am | U/17 | Souths | vs Hawks |
| PRL II | 11 am | U/17 | ANG | vs Brothers |
| PRL III | 11 am | U/17 | Magani | vs Seagulls |
| PRL II | 12 noon | U/17 | West | vs Defence |
| PRL III | 12 noon | U/19 | Tarangau | vs DCA |
| PRL II | 1 pm | U/19 | Paga | vs Magani |
| PRL II | 1 pm | U/19 | Brothers | vs ANG |
| PRL II | 2pm | U/19 | Souths | vs Kone |
| PRL III | 2pm | U/19 | Waiya | vs Hawks |
| PRL II | 3pm | U/19 | Seagulls | vs Royals |
| PRL III | 3pm | U/19 | Defence | vs Wests |

Sunday July 26

| PRL II | Time | U21 | Hawks | vs | Seagulls |
|---------|---------|-----|----------|----|----------|
| PRL III | 9am | U21 | Magani | vs | Kone |
| PRL II | 10.15am | U21 | DCA | vs | Paga |
| PRL III | 10.15am | U21 | Brothers | vs | ANG |
| PRL II | 11.30am | U21 | Royals | vs | Tarangau |
| PRL III | 11.30am | U21 | Defence | vs | Waiya |
| PRL II | 1.15pm | Res | Magani | vs | Hawks |
| PRL III | 1.15pm | Res | Paga | vs | Waiya |
| PRL III | 2.45pm | Res | Seagulls | vs | DCA |

Wednesday July 29

| LRO | Time | Res | West | vs | Tarangau |
|-----|--------|------|----------|----|----------|
| LRO | 6.00pm | Res | West | vs | Tarangau |
| LRO | 7.30pm | A Gr | Brothers | vs | Magani |

LAE WINFIELD LEAGUE

POINTS TABLE

| Club | P | W | D | L | PF | PA | PTS |
|----------|----|---|---|---|-----|-----|-----|
| Tarangau | 10 | 7 | - | 3 | 243 | 154 | 14 |
| Spiders | 10 | 7 | - | 3 | 232 | 133 | 14 |
| Brothers | 10 | 6 | 1 | 3 | 281 | 143 | 13 |
| Defence | 10 | 4 | 2 | 4 | 175 | 91 | 10 |
| Royals | 10 | 5 | 1 | 4 | 215 | 134 | 11 |
| Panthers | 10 | 4 | 2 | 4 | 159 | 73 | 10 |
| Magani | 10 | 3 | - | 7 | 189 | 74 | 6 |
| Tigers | 10 | 1 | - | 9 | 136 | 50 | 2 |

RESULTS:

No games played last weekend due to torrential rain.

DRAW: 26/7/92

| | | |
|----------|----|----------|
| Tarangau | vs | Tigers |
| Defence | vs | Panthers |
| Spiders | vs | Magani |
| Royals | vs | Brothers |

MATCH OF THE ROUND:

Royals vs Brothers

COMMENTS/QUOTES RE WEEKEND'S GAME/NEXT WEEKEND:

A very important game for both sides as a win for brothers would keep them in the top three. Where a win for Royals would see them equal on points with their Brothers counterparts. Games not played weekend (19/07/92) will be played on Thursday 23rd Remembrance Day holiday.

MADANG WINFIELD LEAGUE

POINTS LADDER

| Team | GP | W | D | L | PF | PA | PTS |
|----------|----|---|---|---|-----|-----|-----|
| Tigers | 12 | 7 | 2 | 3 | 102 | 69 | 16 |
| Panthers | 12 | 6 | 1 | 5 | 210 | 189 | 17 |
| Brothers | 12 | 6 | - | 6 | 239 | 216 | 12 |
| Diwai | 12 | 6 | - | 6 | 240 | 226 | 12 |
| Royals | 12 | 6 | - | 6 | 250 | 244 | 12 |
| Tigers | 12 | 5 | 1 | 7 | 246 | 241 | 10 |
| Hawks | 12 | 4 | 1 | 7 | 201 | 273 | 9 |





UNDER 17:

| Team | GP | W | D | L | PF | PA | PTS |
|----------|----|---|---|---|-----|-----|-----|
| Tigers | 12 | 7 | 2 | 3 | 102 | 69 | 16 |
| Diwai | 12 | 6 | 2 | 4 | 123 | 62 | 14 |
| Royals | 12 | 7 | - | 5 | 120 | 79 | 14 |
| Panthers | 12 | 4 | 3 | 5 | 70 | 102 | 11 |
| Hawks | 12 | 4 | 2 | 6 | 60 | 102 | 10 |
| Brothers | 12 | 3 | 1 | 8 | 55 | 116 | 7 |

UNDER 19:

| Team | GP | W | D | L | PF | PA | PTS |
|----------|----|---|---|---|-----|----|-----|
| Tigers | 12 | 9 | 1 | 2 | 129 | 65 | 19 |
| Panthers | 12 | 9 | - | 3 | 140 | 54 | 18 |
| Diwai | 12 | | | | | | |

KING ARTHUR!



LONG dispela yia, 1992, sief eksekutiv bilong Cronulla Sharks, Peter Mortimer i lusim nau wok bilong olsem bos bilong klap.

Na sinia kosa, Arthur Beetson bai kisim ples bilong em long strongim na bringim klap i go antap long neks yia.

Nau yet Beetson i wok long bringim Cronulla i go antap long poin lata bilong Sidni Winfield Lig. Na long holim gutpela nem bilong Cronulla i stap, Beetson bai wok wantaim Brian Canavan olsem namba tu kosa. Dispela em bilong bringim stended bilong klap i go antap.

Nau Canavan i wok olsem ekting futbol menesa na tu long helpim Beetson long bringim sampela olpela stail bilong Kwinslen i kam insait long Cronulla.

Planti yia, Beetson i bin helpim Kwinslen long Stet ov Orijin. Olsem na em bai wok wantaim Canavan long bringim ol olpela stail bilong Kwinslan.

Nau yet planti toktok i bin kamap long wanem as na Cronulla i no gat nem long dispela yia. Na tu i no pilai gut long holim gutpela nem bilong em. Nau yet sampela man i sutim tok long hevi bilong mani Cronulla i bungim. Tasol dispela i no stret long tingting bilong Canavan bikos Cronulla i no trening long gran bilong em. Ol i tren ausait long wampela fil bikos nupela fil bilong ol i no redi yet.

Nau yet Cronulla i laik holim intanesenel pilaia Andrew Ettingshausen wantaim Mark McGaw long neks yia resis. Dispela tingting i givim bikpela het pen long Canavan na Beetson. Fowat pilaia bilong Cronulla, Dan Stains i tok Beetson em i wampela trupela ragbi lig man. Em i no save pret o tingting planti taim Cronulla i bungim ol hevi olsem. "Mi laikim dispela man. Na planti man i gat bikpela

Senis i kamap nau

long Cronulla ragbi lig klap . . .

rispek long em," Stains i tok.

Mipela trening gut. Tasol mipela i no winim planti gem bilong mipela na mi lukim i no gat rong long dispela. Stains i tok Canavan i save gut long Beetson na tupela bai wok wantaim long bringim Cronulla i go bek gen long olpela stended.

Canavan i bilip olsem Mortimer i lusim dispela bikpela sia na em bai traim long bringim Cronulla kam aut long tudak. Wampela bikpela samting em, Beetson i save laik bungim olgeta pilaia wantaim na i stap amamas," Canavan i tok.

Nau yet planti man i mekim planti nogut toktok long Cronulla. Tasol i gat planti gutpela samting i kamap long taim bilong trening. Dispela i soim olsem Cronulla bai i gat gutpela nem long bihain.

I luk olsem planti traim i kamap. Tasol sapos Beetson wantaim Canavan i wok wantaim, Cronulla bai i gat gutpela nem. Nau yet Canavan i bungim planti nupela pilaia na opisal pinis long sisen propa bilong neks yia. Olsem na Cronulla bai lukluk long sampela gutpela risalt bihain.

Canavan i tok olsem nau em i tingting long holim Ettingshausen, McGaw na Danny Lee i stap yet log klap. Na tu narapela bikpela samting em long trenim ol yangpela pilaia. Nau i no gat develop-

men bilong brigim ol pilaia long junia gret long pilai A gret. Bikos i no gat gutpela prensip name! long ol sinia pilaia na ol junia pilaia.

Long dispela as Cronulla bai kamapim tupela developmen skwat. Wampela skwat em bilong ol anda 15 na 16. Narapela em bilong anda 17 i go inap long anda 19.

Olgeta mun ol selekta bai lukluk long stail, strong na fitnes bilong ol. Dispela progrem bai inap helpim Cronulla long neks yia na ol arapela yia bihain. Nau yet Canavan wantaim Beetson i traim long rausim olgeta tingting nogut bilong bipo.

Planti sapota bilong Cronulla i lukim dispela na mekim sampela gutpela toktok olsem Cronulla bai i gat gutpela nem bihain long dispela tupela developmen skwat. Nau yet Cronulla i lukluk long 219 tim long Nu Saut Wels long makim junia tim bilong em. Na i luk olsem ol dispela yangpela pilaia bai mekim nem long A gret bihain.

"Bikpela tingting bilong Cronulla nau em long kamapim gutpela nem," Canavan i tok.



• Antap long lephan: Mark McGaw husat i no inap sainim kontrak, Andrew Ettingshausen bai sainim kontrak na Danny Lee i no gat tingting long sainim wampela kontrak yet.

Las singaut long Morobe ragbi lig kibung

SAM YAKAM i raitim

BIKPELA hevi i stap nau namel long ol pilaia na ol opisal bilong Morobe Ragbi Lig.

Singaut bilong holim kibung na stretim ol dispela hevi i save go lus nating. Bikos no gat ol eksekutiv i save kamap long ol kibung.

Presiden bilong lig, Kuma Manoba i tok ol singaut bilong em long holim ol kibung i save go lus nating.

Mekim olsem na Manoba i stapim nau ol gem bilong dispela wiken. Bikos em i laikim olgeta opisal bilong wan wan klap i mas kamap long las kibung bilong dispela yia na toktok long ol hevi em asosiesen i wok long bungim.

Presiden i tok sapos no gat man i kamap long tude, Fonde Julai 23 long Huon Galp Motel, em bai tokim ol pilaia long makim ol nupela klap eksekutiv.

Em i tok, "Mi laikim ol pilaia na klap opisal i mas wok wantaim bilong apim nem bilong asosiesen na ragbi lig yet. Na dispela i min

olsem i mas gat gupela wok bung wantaim namel long mipela yet."

Ol ripot i kam long Lae i tok tu olsem ol gem nau i wok long kamap long laik. Na i no bihainim kain strongpela stail na pasin bilong 1990 na 1991.

Na presiden i tok olgeta dispela hevi i kamap bikos ol pilaia na opisal i no toktok wantaim o wok bung wantaim long stretim ol liklik hevi namel long ol yet.

Em i tok toktok namel long ol pilaia na opisal em i wanpela bikpela samting. Ol yangpela pila-

ia husat i gat laik long makim Lae o Papua Niugini long taim bihain i no soim stail na strong bilong ol. Dispela em bikos ol opisal i no bung na givim inap taim long toktok long helpim ol dispela yangpela man.

Manoba i tok planti samting ol opisal i bin toktok pastaim long en i no kamap long ol klap na ol pilaia. Dispela i soim olsem ol opisal i kamap long kibung nating na i no save tokim ol klap memba long wanem samting ol eksekutiv i bin toktok long en.

Presiden i tok dispela em i

bikpela as bilong dispela ol hevi nau i wok long kamap olgeta taim.

Manoba i tok, "Ragbi lig em i bikpela na strongpela gem. Wanem pilaia i bihainim olgeta na na kisim inap gupela toktok na helpim long ol opisal, em bai inap mekim nem bihainim."

"Olsem na dispela em i las askim bilong mi nau long ol wan wan opisal long kamap long dispela kibung long Fonde, Julai 23. Olsem bai yumi inap stretim olgeta liklik hevi insait long asosiesen bilong kirapim ragbi lig long Lae."

Jacob bilip olsem Madang Tigers inap win na go long ol fainal

OLGETA klap long wan wan Winfield lig senta i gat bikpela laik long pilai insait long ol fainal resis bilong dispela yia.

Olsem na planti kosa tu i traime painim sampela gupela rot long stretim ol pilaia bilong ol. Olsem bai tim o klap bilong ol inap winim planti gem bilong ol pastaim long tru tru sisen i pinis.

Wanpela kain ragbi lig klap olsem em Tigers bilong Madang. Ol tu i laik winim wanpela sia bilong resis long ol fainal bilong dispela yia.

Long resis bilong Madang Ragbi Futbol Lig nau, Tigers wantaim Brothers na Hawks i gat 10-pela poin long lata. Panthers i go pas long 14 poin na Diwai wantaim Royals i bihainim em long 12 poin.

Dispela em ol poin nau bihainim long ol gem bilong las wiken. Nau i gat tripela gem tasol bilong las raun i stap. Olsem na Tigers i laik winim las tripela gem bilong en. Sapos em inap mekim olsem, em bai i gat sans bilong resis long ol fainal wantaim ol arapela tripela tim.

Long las wik, kosa bilong Tigers, John Jacob, i lukim klia olgeta asua ol pilaia bilong em i bin mekim long fil. Bikpela rong bilong Tigers nau i stap long kain stail bilong strongim difens na tromoi bal. Dispela i mekim na Tigers i lus long Royals.

Jacob i tok ol boi bilong em i gat hevi long ol dispela liklik stail. Olsem na pastaim long ol las tripela gem nau i stap, em bai stretim dispela ol asua na kliaim ol boi bilong em pastaim long ol i go insait long fil.

Wanpela bikpela hevi em ol boi bilong Tigers i no save tingting gut long wanem taim bai ol i ron. Na tu long kain stail bilong tromoi bal we bai i go stret long wan pilaia bilong ol.



• *John Jacob long bipo Jacob i strongim Tigers yet long Madang Winfield Lig. Nau Jacob i lukautim ol nupela pilaia olsem pilaia na kosa bilong klap. Tasol bikpela askim nau long tim bilong em bai i go insait long fainal o nogat.*

Tasol Jacob i tok, "Dispela bai i no inap stapim mipela long pilai insait long ol fainal resis bilong dispela yia. Mipela bai traime winim tupela o tripela las gem."

Bihainim ol dispela toktok bilong Jacob, poin lata i soim olsem Tigers i mas winim tripela gem bilong pilai insait long ol fainal. Na long dispela Sande, em i gat bikpela bilip long win bilong Tigers.

Em i tok, "Sapos dispela i kamap tru, no gat wanpela tim bai stapim mipela long go long fainal."



• *Aienman bilong Tarangau, Kaibal Kanaka i lukluk long trailain bilong West long las wik Sande Julai 19, 1992. Kain lukluk olsem na Tarangau i bagarapim sindaun bilong Wes 34-24.*

Tigers kukim West long Vanimo

WINIS MAP i raitim

LIKLIK taun bilong Vanimo i bin paia stret long las wiken taim Works Tigers i bungim West Nimo long bikpela gem bilong Vanimo Ragbi Lig.

Tigers husat i bin nekim Hawks wanpela wik i go pinis i no bin givim sans gen long West Nimo. Ol i bagarapim sindaun bilong West Nimo na winim dispela gem long 34 poin taim ol badi long Waramo i bekim tasol 4 poin.

Tigers i no bin lukluk bek stat long namba wan wisil. Kepten John Maine i mekim bikpela

wok tru long brukim banis bilong West Nimo. Maine na Job Tomur i bin mekim bikpela wok tru long fowat lain.

Huka bilong Tigers, Pais Yepie i bin mekim gupela wok tu long dami inap na setim ol fowat bilong em. Abel Agwi tu i bin mekim gupela wok tru long karamapim ol spes long fulbek posisen na givim hat taim long West.

Narapela ol pilaia husat i kamapim gupela pilai em tupela senta ya Banzai Lange na Ben Yambu. Lange na Yambu i bin kisim gupela helpim i kam long hapbek Alex

Rokarea.

Tupela teksi bilong Tigers husat i bin givim het pen long ol birua tim em Gilmen Russell na Titus Kaipi. Dispela tupela man i bin lukautim gut sailtain.

Dispela ol pilaia bilong Tigers i bin wok bung wantaim na brukim planti trai stret long mak bilong West.

Kepten bilong West, Max Iro i no bin skulim gut ol boi bilong em na ol i salim skin long Tigers.

Long narapela gem, Seagulls i bin wilwilim Hawks, 32-24. Na Tarakum i bin stap malolo.

Royals givim las sans long Wewak lig

DISPELA em i las wik em Royals ragbi lig klap long Wewak i givim ol opisal bilong asosiesen long stretim hevi namel long ol na Tigers wantaim Country ragbi lig klap.

Dispela hevi i bin kamap tupela wik i go pinis. Long dispela taim, ol sapota bilong Tigers na Country i bin pait wantaim ol pilaia na sapota bilong Royals.

Olsem na ol opisal na pilaia bilong Royals i tok dispela kain pasin i no ken kamap long dispela wiken na ol wiken bihainim.

Seketeri bilong Wewak Ragbi Futbol Lig (WRFL), Aga Vele i tok planti taim ol pilaia na sapota bilong ol arapela klap i save mekim dispela pasin long ol pilaia na sapota bilong Royals. Na em i no amamas long dispela. Bihainim dispela, wanpela kibung wantaim olgeta klap opisal i bin kamap long Sande Julai 19, 1992.

Long dispela kibung, Vele i tokim ol opisal long lukautim gut ol pilaia na sapota bilong ol long taim bilong pilai na bihainim long ol pilai. Em i tok nem na stended bilong ragbi lig long Wewak bai bagarap sapos ol pilaia na sapota i mekim ol dispela kain pasin long olgeta taim.

Royals i givim nau dispela wiken long lukim sampela senis i kamap insait na ausait long fil long ol pilaia na sapota bilong em. Sapos dispela i no kamap, Royals bai pulaut long resis bilong dispela yia. Bikos pasin bilong paitim ol pilaia na sapota bihainim long gem i stap yet.

Maski dispela olgeta hevi i wok long kamap long

Royals, em i no wari na isi long ol narapela tim taim em i bungim ol. Long las wiken, em i bin nekim Tarangau 20-10 long bikpela gem.

Long namba wan hap, fulbek pilaia bilong Royals, Peter Tupaia i bin skelim gut tru gem long beklain na helpim huka bilong em, Johnson Asea long putim tupela trai. Faiv et (5/8) Rafad Nati i no abrus na salim stret bal i go namel long tupela golpos bilong bringim skoa i go antap long 12-0. Long namba tu hap, Tupaia i kamapim gen moa gupela pilai long winim gem, 20-10.

Long sait bilong Tarangau, fulbek pilaia Gende na hapbek Herman Wora i bin mekim bikpela wok. Tasol tupela i no kisim inap gupela sapot na ol i lus.

Long dispela wik Sande, Royals bai bungim Tigers.

Olsem na Vele i askim ol pilaia long pilai gut na no ken traime kirapim kros na pait insait o ausait long fil.

Em i tok wanem samting i kamap long Sande bai helpim Wewak Ragbi Futbol Lig long go insait long tru tru sisen resis bilong en.

Seketeri na mausman bilong Royals i tok, "Mipela bai lusim gem namel long dispela yia sapos ol arapela tim i no pilai stret wantaim mipela. "Dispela em ol tok lukaut bilong ol pilaia na opisal bilong Royals klap."



Winfield League Interzone Championships

Sunday, 26th July, 1992

SOUTHERN vs HIGHLANDS AT PORT MORESBY

ISLANDS vs NORTHERN AT RABAU



SPAK MAIK

MINISTA
NAU!!

OL I PATI IGO TULAIT I BRUK ...



WAN WIK BIHAIN EM STRETIM OL-GETA KAGO BILONG EM NA TOK GUT BAI LONG OLGETA PIPEL LONG PLES ...



AIYOO TUMBUNA! SOB! GUT BAI LONG YUU!! TUMBUNAA OOOEEEEEE

EM GIVIM LAS TOKTOK BILONG EM LONG OL ...



YUPELA OLGETA NOKEN WARI... (SNIFF!) NAU MI SANAP LONG PALAMEN, OL-GETA PROBLEM BILONG YUMI PINIS.. (SOB!)

NAU OLGETA GO LUSIM EM WANTAM MERI BILONG EM LONG PLES BALUS ...

LONG PLES BALUS, NOMBRI TUI STAP LONG TOK NOGUTIM MAIK ...

NAU OL I TEK-OFF IGO LONG MOSBI ... INSAIT LONG BALUS, MAIK I DRIMAN I STAP ...



LUKIM YUPELA BIHAIN LONG FAI-PELA YIA! GUT BAI !!!




YU G*?/? STILIM OL VOT BILONG MI! BAI MI KARIM YU IGO LONG KOT!

SORI TUMAS TRAM GEN!!



PALAMEN HAUS, MI KAM NAU!

OL I KAM KAMAP LONG MOSBI ... WANTU EM KISIM TEKSI NA SUT IGO LONG PALAMEN HAUS ...



MONI! MONI! PAWA! PAWA! MI BIKMAN NAU!!



REBO

TINGTING BILONG REBO INO STRET...
EM SENIS NAU LONG GO PILAI!!!



OL I BIKHET LONG OL BOIS
BILONG MI, AHZ YUPELA WET,
MI KAM INSTAIT, NAU!

PILAI I STRONG MOA YET... OL TARANGU
BAGARAPIM OL P.N.G.B.C GUT TRU... OL
TARANGAU PUTIM NAMBA-TU TRAI NA SKOA I
SURUK I GO ANTAP,
TARANGAU-12
P.N.G.B.C-6



NAU REBO I GO INSAIT... NAMBA-TEN
BILONG OL KISIM BAGARAP NA REBO
KISIM PLES...



OKE, REBO,
YU KEN GO
INSAIT NAU!

TEKNS, LAINS-
MAN... TAIM
BILONG PAIA!

CHALS RON WANTAIM BAL, EM INO SAVE
OLSEM REBO BEKIM EM I STAP... REBO
SINGAIT LONG EM...



CHALS! MI
BEKAP I STAP!

KOSAZ YU
PILAI NAU?

LONG SEM TAIM OL BIRUA APIM EM NA
LAIK DAMPIM EM TASOL EM SALIM
BAL I GO LONG REBO PINIS...



UUNSS!!
EM YA
REBO!!

ISI!
ISI LONG
EM!!

NAU REBO PAIA.. (PAWAHAUS)... EM
BEKIM DINAU LONG OL...




UUF!

YUPELA BIK-
HET, AHZ... TRAIM
MI??!


UUH!

OL SAVEMAN BILONG BISNIS YUSIM OL!


Lister




LT1 5 K.V.A.
● TOTALLY PORTABLE ENERGY SOURCE
● IDEAL UNIT FOR VILLAGE LOCATIONS



TS2 8.5 K.V.A.
● 3 PHASE OR SINGLE PHASE POWER
● COMPACT AND EFFICIENT



HR3 26.25 K.V.A.
● IDEAL COMMERCIAL BACKUP SYSTEM



CS6 58 K.V.A.
● INDUSTRIAL CAPACITY
● WILL HANDLE MAXIMUM DEMAND FOR
POWER ANYTIME

Brian Bell Stores

● BOROKO — 25 5411
● LAE — 42 1433
● GOROKA — 72 1098

● MT. HAGEN — 52 1999
● RABAUL — 92 1966

Musik TELEVISION Komik

Raun bilong Barike long Kwinslen i popaia

WANPELA biknem pawa ben bilong Papua Niugini, Barike bai i no inap lusim Papua Niugini nau bilong go limlimbur

long Brisben long Australia long dispela mun. Dispela wokabaut bilong ol bai kamap gen sampela taim long pinis bilong mun Ogas.

Ripot long pastaim i bin tok olsem dispela biknem pawa ben bilong Rabaul bai go pilai long Saut Pasifik Gala Bol long Presidensel Pales rum long Mayfair Crest Hotel. Ol lain husat i save ranim dispela bikpela de bilong musik long Saut Pasifik i bin askim Barike long go.

Tasol bihain ol samt- ing i senis bikos ol oganaisa bilong Barike i no amamas long sampela senis em ol lain long Brisben i wokim. Oganaisa bilong ben, Glen Low i tok ol i no amamas long ples bilong slip em ol lain long Brisben i makim long en. Em i tok ol i makim ol long slip wantaim ol famili bilong ol oganaisa long hap. Na dispela i no gutpela.

Saut Pasifik Gala Bol i save kamap olgeta yia long Rimembrens De. Na long dispela taim i save gat ol kain kain danis na musik grup bilong Nu Kaledo-

nia, Tahiti, Frens Polinesia na ol arapela Pasifik ailan kantri.

Long namba wan program bilong Barike long go long hap, ol bai pilai tu long Water Lee Hotel long Fotitot Veli long Fraide. Orait bihain long dispela, ol bai go pilai long amamasim Saut Pasifik Gala Bol long Mayfair Crest Hotel.

Man husat i go pas long oganaisim dispela wokabaut na ben lida em Glen Low. Em i tok ol man i baim pinis planti tiket bilong dispela tupela de so. Na klostu olgeta bai pinis nau. Ol i bin salim ol tiket long olgeta kona bilong not Kwinslen na ol arapela hap bilong Australia.

Tasol i luk olsem dispela bai i go lus nating nau.

Low i tok ol Pasifik ailan komyuniti na ol studen oganaisesen long Australia i bin givim bikpela helpim tru.

EMTV

THURSDAY 23RD JULY, 1992

FRIDAY 24TH JULY, 1992

6.00 TEST PATTERN AND MUSIC
6.27 STATION OPEN
6.30 ITN NEWS (G)
7.00 TODAY SHOW (G)
8.58 EMTV TOK SAVE (G)
9.00 STATION CLOSE
1.10 STATION RE-OPEN
1.13 EMTV TOK SAVE (G)
1.15 MIDDAY SHOW WITH RAY MARTIN (G)
2.30 SESAME STREET (G)
KIDS KONA
3.30 FAT CAT
4.00 MARGILLA GORILLA (G)
4.30 TEENAGE MUTANT NINJA TURTLES (G)
5.30 GET SMART (G)
5.27 EMTV TOK SAVE (G)
5.29 EMTV NEWS BREAK (G)
5.30 HOME AND AWAY (G)
6.00 NATIONAL EMTV NEWS (G)
6.30 A CURRENT AFFAIR (G)
7.00 SALE OF THE CENTURY (G)
7.25 CHIN H MEEN SUPER-SOUND NEW RELEASE
7.30 NEIGHBOURS
8.00 THE COSBY SHOW (G)
8.27 RUGBY UNION ROUND -UP
8.30 ALL TOGETHER NOW (G)
9.00 THE GOLDEN GIRLS
9.30 MARRIED WITH CHILDREN (PGR)
9.55 CHIN H MEEN SUPER-SOUND NEW RELEASE
10.00 BURKE'S BACKYARD
11.25 CHM SUPERSOUND NEW RELEASE
11.30 NATIONAL EMTV NEWS REPLAY (G)
11.57 MEDITATION WITH PASTOR WALO
100.00 STATION CLOSE

6.00 TEST PATTERN AND MUSIC (G)
6.27 STATION OPEN (G)
6.30 ITN NEWS (G)
7.00 TODAY SHOW
7.30 NEIGHBOURS
8.58 EMTV TOK SAVE
9.00 STATION CLOSE
1.12 STATION RE-OPEN
1.13 EMTV TOK SAVE
1.15 MIDDAY SHOW WITH RAY MARTIN (PGR)
2.30 SESAME STREET (G)
3.30 KIDS KONA
FAT CAT
4.00 MARGILLA GORILLA (G)
4.30 TEENAGE MUTANT NINJA TURTLES (G)
5.00 GET SMART (G)
5.27 EMTV TOK SAVE
5.29 EMTV NEWS BREAK (G)
5.30 HOME AND AWAY (G)
6.00 NATIONAL EMTV NEWS
6.30 A CURRENT AFFAIR (G)
7.00 SALE OF THE CENTURY (G)
7.25 CHIN H MEEN SUPER-SOUND NEW RELEASE
7.30 NEIGHBOURS (G)
8.00 NCDC NEWS
8.05 HEY DAD (G)
8.30 FRIDAY NIGHT FOOTBALL (G)
10.35 EMTV TOK SAVE (G)
10.40 FRIDAY NIGHT MOVIE: "Prizzi's Honour"
12.45 NATIONAL EMTV NEWS REPLAY
1.12 MEDITATION WITH PASTOR WALO ARNI
1.15 STATION CLOSE

10.30 SKY ROCK
12.00 EYES OF THE RIVER
12.30 GILLETTE
1.00 WIDE WORLD OF SPORTS
4.55 CHIN H MEEN SUPER-SOUND NEW RELEASE
5.00 BEYOND 2000 (PGR)
6.00 NATIONAL EMTV NEWS
6.30 HEY HEY IT'S SATURDAY
8.25 CHIN H MEEN SUPER-SOUND NEW RELEASE
8.30 AUSTRALIA'S FUNNIEST HOME VIDEO
8.52 EMTV TOK SAVE
9.00 JAKE AND THE FATMAN "My Shining Hour"
10.00 MTV (MAO)
12.57 MEDITATION
1.00 STATION CLOSE

SUNDAY 26TH JULY, 1992
7.27 STATION OPEN
7.30 SUMMER OLYMPICS
11.00 WIDE WORLD OF SPORTS
1.00 BUSINESS SUNDAY
2.00 SUNDAY (G)
3.30 LUMEN 2000 (G)
4.00 SPORTS SUNDAY (G)
5.55 CHIN H MEEN SUPER-SOUND NEW RELEASE
6.00 NATIONAL EMTV NEWS
6.30 SUNDAY NIGHT FOOTBALL
7.30 60-MINUTES
8.30 CHIT CHAT WITH SIR PAULIAS MATANE
8.35 SUMMER OLYMPICS
1.00 NATIONAL EMTV NEWS REPLAY
1.27 MEDITATION
1.30 STATION CLOSE
G General Exhibition
PGR Parental Guidance Required
AO Adults Only

PNG TOP 20

AS AT 18/07/92

| NO. | SONG | ARTIST |
|---------|------------------|-----------------------|
| 1 (1) | Wan Kantri | Barike |
| 2 (2) | Missing You | Voice In The Wind |
| 3 (3) | Island B'Ville | Crisis Survivors Band |
| 4 (4) | You Are The King | Voice In The Wind |
| 5 (6) | Aiye Aiye | Barike |
| 6 (10) | Lonely Makuri | Basil Greg |
| 7 (9) | Iwarwatut | Vincent Pia |
| 8 (5) | Awara Mei | Pongoros |
| 9 (7) | Susan Lewa | Sandaun Misfits |
| 10 (8) | Nuroue Ke lau | Telek |
| 11 (12) | Jesus Bai Kam | Cornerstones |
| 12 (15) | Long Taim Tumas | Max Manimbi |
| 13 (14) | Tat Nambo | Aida Paska |
| 14 (18) | Kulungi | JR Kopex |
| 15 (16) | Yangin Meri | Reuben Kami |
| 16 (13) | Seselig Seselig | Kales Gadagades |
| 17 (17) | Lora Blong Mi | Max Manimbi |
| 18 (20) | Sori Pisup | Henry Kuskus |
| 19 (0) | Only Love | Cornerstones |
| 20 (0) | Goroka Kol Ples | Nokondi |

• Compiled by Kalang Radio.
• The programme is heard on Kalang Radio at 10am every Saturday.





Winfield League Interzone Championships

Sunday, 26th July, 1992

SOUTHERN vs HIGHLANDS AT PORT MORESBY

ISLANDS vs NORTHERN AT RABAU

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.